

mw. 1060

S O M M A I R E

D V P R O C E Z P E N D A N T
au Conseil du Roy , pour raison de la Pro-
cession du S. Sacrement & autres droicts
Episcopaux & Parochiaux de l'Eglise de
S. Estienne du Mont , pretendus par les
Abbé & nouveaux Religieux Reformez de
Sainte Geneuiefue : Au prejudice de Mon-
sieur l'Archeuesque de Paris , & du Curé,
ausquels ils appartiennent de droict Diuin
& Canonique ; Et dont ils ont Tiltres , con-
firmez par vne possession publique de plus
de quatre siecles. Et encores au prejudice
des Paroissiens , qui n'ont iamais reconneu
autre Prelat ny autre Pasteur , que ledit
Seigneur Archeuesque de Paris & le Curé
de S. Estienne.

41. Ex Libris Sanctae Genevieve Paris.

M. DC. XLI.



*Testimonium fidele Iustitiae
& veritati.*

M. DC. XII.



3

POVR LES CVRE', MARGVILLIERS
& Paroissiens de S. Estienne du Mont, def-
fendeurs; Monsieur l'Archeuesque de Paris,
receu partie audit procès & joinct avec eux.

*Contre les Abbé & Nouveaux Religieux Reformez
de Sainte Geneuiefue, demandeurs.*

EN l'an 500. le Roy Clouis I. fonda au Mont lez
Paris, en l'honneur des Apostres S. Pierre & S. Paul,
vne Eglise Collegiale & Seculiere qui fut depuis ap-
pellée de Sainte Geneuiefue, à cause qu'elle auoit
esté construite à son instance, & renduë depositaire de son Corps.

En l'an 1147. le Pape Eugene III. estant venu en France, comme
vn iour, il voulut celebrer la Messe en cette Eglise, en presence du
Roy Louis VII. surnomme le Jeune, l'Histoire porte que, *Orta
est contentio inter ipsius & Canonicorum Ecclesie ministros, adeo ut ad
pugnas res processerit, & non solum Pontificis ministri sed etiam ipse
Rex Ludonicus, qui illos compscere voluit, à Canonicorum famulis
verberatus sit.*

Dequoy le Pape & le Roy indignez, donnerent commission
à Sugere Abbé de S. Denys, pour changer l'Estat Seculier de la-
dite Eglise, en Regulier de l'Ordre de S. Augustin: Ce qui fut
execute, & y furent mis douze Religieux du Monastere de S.
Victor, dont l'un nommé Odo fut le premier Abbé, qui eut
pour successeur Aubert, & Aubert Hugues; & Hugues Estienne.

Il y auoit en ladite Eglise vne Chapelle destinée pour ad-
ministrer les Sacremens aux seruiteurs laïques, demeurans dans
le Cloistre ancien des Chanoines Seculiers, lors appelé le Bourg
de Sainte Geneuiefue, laquelle Chapelle avec le Chapellain
qui la desferuoit, auoient tousiours esté sujets à Monsieur l'E-
uesque de Paris, & les choses demeurerent au mesme estat sous
lesdits quatre premiers Abbez.

Mais apres que le Roy Philippes Auguste, enuiron l'an 1190. eut fait enclorre dans la Ville, l'Abbaye & la Montaigne de Sainte Geneuiefue; ceux qui s'establirent audit quartier s'estans retirez à ladite Chapelle pour y receuoir les Sacremens, en attendant la construction d'une Eglise, & ayans formé vn corps de Paroisse: Alors Iean leur cinquiesme Abbé, commença sous pretexte de l'exemption particuliere de ladite Abbaye à s'opposer à la puissance legitime de l'Euesque & vouloir vsurper les droits Episcopaux & Parochiaux de cette nouuelle Paroisse.

Ce qui obligea Odo de Sully Euesque de Paris, de les mettre en procez, qui fut iugé pour la reinte grande, par vne premiere Sentence du Pape Innocent III. dont à esté tiré le Chap. *Olim. de Rest. spol.* & depuis au possessoire par vne autre Sentence du mesme Pape du 24. Decembre 1201. & finalement terminé au petitoire par Concordat du mois de Iuin 1202. fait entre ledit Euesque & l'Eglise de Paris d'une part, & Iean Abbé, & l'Eglise de Sainte Geueuiefue d'autre, homologué par le Pape, & depuis confirmé par Arrest contradictoire, donné entre les mesmes parties le 21. Iuillet 1312.

Ce Concordat porte que l'Euesque aura tout le droit Episcopal ou Paroissial en toute la Paroisse du Mont, & que le Prestre qui de seruira lors au spirituel, etiam si sit *Canonicus Regularis*, sera présenté audit Euesque, & recevra de luy la Cure des Ames, liera & desliera les Paroissiens à son mandement, ou de son Archidiacre, prendra de son Eglise le Chresme & les Saintes Huisles, se trouuera au Synode des Curez, & si luy ou sondit Archidiacre, excommunie en general ou en particulier les Paroissiens, qu'il mettra l'excommunication à execution & ne pourra recevoir les excommuniez à la participation des choses Diuines.

De cette puissance generale desdits Euesque & Archidiacre, sont exempts pour le fait de la Iurisdiction seulement, les seruiteurs des Religieux au nombre de vingt-six, demeurans, sçauoir vingt en leur enceinte, mangeans, couchans & leuans chez eux; & six dehors, sur lesquels ni sur ceux qui tiendront leur place, l'Euesque ni l'Archidiacre n'auront aucune iurisdiction sinon qu'il fut

fut question de demarier ceux qui seroient mariez, & que les femmes des fix demeurans hors l'enceinte, seront luictes en tout ce qui est du Spirituel à l'Euesque & son dit Archidiacre, & neantmoins ne pourront estre excommuniees pour les delits de leurs maris.

Quant au lieu de la Paroisse, le Concordat porte, quel'Euesque & les Religieux ne pourront bastir aucune nouuelle Eglise ny Chapelle sans le consentement l'un de l'autre, & pour l'accroissement de ladite Paroisse, ledit Euesque a donné sa vigne de Bruneau, afin d'y faire des logemens, à condition que les habitans seront de la mesme Paroisse que les premiers Paroissiens, en Communion des Sacremens, & sujets au pouuoir & Iurisdiction del'Euesque & Archidiacre; Qu'ainsi sera de ceux qui logeront au Clos dit de Mauuoisin, si le lieu s'habite quelque iour, & que le tout sera entretenu à perpetuité, nonobstant tout ce que les vns & les autres auoient impetré & pourroient impetrer à l'aduenir.

En suite dequoy, Messieurs les Euesques de Paris ont continué d'y exercer toute iurisdiction & superiorité, ayant pourueu à la Cure, & institué les Curez d'icelle, sur la presentation des Abbez de sainte Geneuiefue; reconcilié les lieux en dependans qui auoient esté pollus; permis & auctorisé les Confrairies avec octroy d'Indulgences; fait les visites, donné la permission de manger beurre & laiétage en temps de Carefme, statué sur l'augmentation de la retribution des Messes, réduit les fondatiós, ordonné sur la police de l'Eglise & le changement du seruice, commandé la premiere Messe du Dimanche, veillé à l'institution des enfans, permis de retrancher & reparer les Cœmetieres consacré & dedié l'Eglise, transferé la Feste de la Dedicace, fait publier les Indulgences enuoyées de Rome, & aucuns des Curez estans mesme Abbez de cette Abbaye, ont recognu tous ces deuoirs, & rendu les mesmes obeyssances ausdits sieurs Euesques, & assisté à leurs Synodes, ainsi que les Paroissiens ont iustifié par les pieces qu'ils ont produit sous B & C.

Ceux qui ont esté pourueus de la Cure, en ont fait les fonctions en leur nom propre & singulier ; Ils ont donné la benediction aux Predicateurs, mesme dans l'Eglise de sainte Geneuiefue, lors qu'ils y ont conduit la Paroisse en Procession; Ils ont administré les Sacremens; ils ont fait les Baptêmes & les Enterremens, ils ont traité pour les droicts de la Cure en qualité de Curez, ils ont obtenu des sentences, & des Arrests pour lesdits droicts, esquels les Abbé & Conuent de sainte Geneuiefue ne sont point parties ny principales ny interuenantes; Au contraire ils les ont recogneu & qualifié Curez de S. Estienne du Mont par les contractz qu'ils ont fait avec eux, & par les Sentences & Arrests rendus pour le fait de ladite Cure, comme il est verifié par les lettres D. & E. de la production des Marguilliers.

L'Office de la Paroisse, mesme aux Festes Solennelles, & du Patron, & toutes les Processions, spécialement celle du iour de la Feste Dieu, ont esté faictes par lesdits Curez & leur Clergé en l'assistance des Marguilliers & Paroissiens de ladite Eglise, sans les Religieux de S^{te} Geneuiefue : Et n'ont esté lesdits Religieux admis à la Procession du iour & Feste du S. Sacrement, sinon depuis que frere Ioseph Foulon leur Abbé a esté Curé de S. Estienne en tiltre, lequel en ladite qualité de Curé titulaire a conduit de son temps, ladite Procession comme les autres Processions de ladite Eglise.

Il est vray que depuis le deceds dudit Frere Ioseph Foulon Abbé & Cure titulaire, arriué en 1607 les deux Curez qui luy ont succédé, ont trouué bon que lesdits Religieux ayent continué d'assister à ladite Procession du iour de la Feste Dieu, afin de la rendre plus celebre par l'augmentation du nombre des Ecclesiastiques; mais ça tousiours esté sous l'ordre, la Banniere, & la Croix de la Paroisse, laquelle a retenu par deuers elle la direction, & disposition toute entiere des Ceremonies de ladite Procession.

Les Marguilliers, & les Officiers de cette Eglise n'ont point esté faits par l'ordre des Abbez & Religieux de Saincte Gene-

uiefue; les Comptes de la Fabrique n'ont point esté renduz par-deuant eux; les bastimens & accroissements de l'Eglise n'ont point esté faits à leurs frais, & s'il a esté pris quelque chose sur leurs fonds, ils en ont esté recompensez, ou en argent contant, ou en rentes, dont ils ont receu les rachats, ou en eschange d'autres terres, en sorte qu'ils ne peuuent pretendre seruitude recelle, ny personnelle, ny chose quelconque sur l'Eglise, ny sur les Parroissiens, sinon vne faculté de presenter à la Cure quand elle vacquera, recours aux Lettres G. & H. la production des mesmes Parroissiens.

Neantmoins ces Nouveaux reformez de sainte Geneuiefue ont tenté pardroit de voisinage, de se rendre Maistres absolus de la Cure, du Curé, & des Parroissiens de saint Estienne, ainsi que ceux de leur Ordre depuis leurs Reforme ont fait à Reims, à Saint Lo, à Auxerre, à Orleans, à Tours, à saint Quentin les Beauuais, à Chartres, à Chasteaudun, à saint Pierre de Rille, à Eu, à Chastillon sur Seine, à Vaulx, à Châlons, à la Charité & autres lieux où les Parroissiens & Titulaires n'ont eu ny moyen ny courage de resister à leurs entreprises, ce qui est amplement iustifié par la lettre G de leur production.

En Iuin 1638. iour de la Feste Dieu, les Curé, Marguilliers & Parroissiens de saint Estienne faisant leur procession, & passant en la maniere accoustumée par l'Eglise de sainte Geneuiefue pour y faire leur premiere station, & y adioindre lesdits nouveaux Religieux reformez, ainsi qu'autresfois ils y auoient adioint les anciens, leur Abbé regulier frere Charles Faure s'immisceant es fonctions Episcopales & Curiales, s'ingera de son auctorité priuée de changer l'ordre de la procession, & de vouloir porter le saint Sacrement à la main, ce qui fut empesché, & non executé.

Et quoy qu'il eust esté arresté avec le Curé, Marguilliers, & Parroissiens qu'il ne seroit rien innoué, & que ledit frere Charles Faure ne fut que la figure d'un Abbé, il ne laissa pas d'entreprendre d'en censurer le Saint Sacrement qui estoit

posé sur l'Autel de sainte Genevieve, au preiudice des droicts du Curé, & Prestres de saint Estienne, de faire porter par surprise en ladite procession la Croix de sainte Genevieve au lieu de celle de saint Estienne, & de s'y faire assister non seulement d'un Religieux Porte-Crosse, & de deux Nouices Portes-Chandeliers qui auoient de coustume d'accompagner les anciens & veritables Abbez: mais aussi par un nouveau fast & ceremonie extraordinaire de deux Religieux portes-mitre, de huit Diacres & sous-Diacres, d'un Aumosnier, & de deux autres pour porter les bords de sa Chappe; mesmes il entreprit de donner la Benediction par les rues, afin de s'acquérir quelque acte de possession des droicts Episcopaux & spirituels, & de superiorité sur les Cure, Curé & Parroissiens de saint Estienne. Ce que l'on fut contraint de dissimuler pour lors crainte de scandale, & de faire un acte de protestation par Notaires. Tout cela paroist par la premiere piece de la lettre N de la production desdits Parroissiens.

En l'année suivante 1639. au iour de la mesme solennité, le Curé & les Marguilliers, & Parroissiens de saint Estienne, estans entrez en l'Eglise de sainte Genevieve pour y faire le premier Reposoir de leur Procession, ledit Abbé & ses Religieux nouvellement reformez pretendirent qu'ils en estoient les superieurs & les chefs, & s'efforcerent de faire porter leur Croix par le Clerc de saint Estienne, & faire plier celle de la Parroisse.

Ce que n'ayans peu faire reüssir, ils firent monter sur les marches de l'Autel un de leurs Religieux, qui publia qu'il falloit quitter la Croix de saint Estienne & prendre celle de sainte Genevieve; & sur ce qu'il leur fut respondu que l'on n'empeschoit pas qu'ils fissent porter leur Croix, mais que les Marguilliers & Parroissiens vouloient marcher sous la Banniere & la Croix de leur Parroisse, & sous l'ordre de leur Curé, ils tinrent Conseil, à l'issüe duquel, le mesme Religieux monta sur les mesmes marches, reiterant qu'ils n'assisteroient point à la procession,

sion, si l'on n'y portoit leur croix au lieu de celle de S. Estienne.

Après cette seconde denonciation, le Curé qui seul ordonnoit en cette procession, leur fut parler pour essayer de les amener à la raison, & les obliger d'assister à cette ceremonie; ce qui luy ayant esté impossible, il fit partir la procession sans eux; & auparauant les Prestres de son Eglise qui portoient le S. Sacrement, cômencerent *O Salutaris Hostia*, ce que lesdites Abbé & Religieux ne pouuant souffrir, enuoyerent pour troisieme fois ledit Religieux pour leur signifier qu'ils eussent à se taire, & qu'ils allassent dans leur Eglise faire leur Procession si bon leur sembloit.

A quoy n'ayant esté rien respondu pour la premiere fois, comme il continuoit & repetoit ses paroles avec irreuerence & tumulte, l'un des Prestres de Sainct Estienne luy fit entendre qu'en chantant *O Salutaris Hostia* deuant le S. Sacrement, l'on faisoit vn acte d'adoration qui ne deuoit pas estre interrompu, & l'Hymne finie, lesdits Prestres portans le Sainct Sacrement commencerent à marcher pour passer à trauers du Chœur, & aller rencontrer leur Clergé qui les attendoit a la porte dudit Chœur, accompagné des Marguilliers & des Parroissiens plus notables, & de qualité plus eminente.

Quoy voyant lesdits Faure & Religieux, ils crierent de plusieurs endroits que l'on fermast les portes du Chœur, & de la Nef; ce que leurs Sergents tenans les espées hautes, & bastons en main, s'entremirent de faire avec effort qui fut tel qu'ils firent presque tomber les Prestres qui portoient le sainct Sacrement; & comme ils ne peurent estre maistres de cette porte du Chœur, ils coururent par les costez à la grande porte de la Nef qu'ils pousserent à moitié, & eussent fermé l'Eglise si le peuple desia esmeu, & scandalisé de leur procedé ne l'eust empesché.

En fin la procession estant sortie de sainte Geneuiefue, le Bailly de la Iustice temporele de l'Abbaye, qui auoit suiuy ses Sergents pour autoriser leurs violences, approcha le Curé, & enflammé de cholere luy dit tout hautement des paroles scan-

daleuses, & y adiousta qu'il le falloit enuoyer à la guerre à cause qu'il conduisoit bien ses gens, & autres discours, nonobstant lesquels la procession fut faite avec grande deuotion. Ainsi qu'il est rapporté par la deuxiesme piece de la lettre N. de la production des Parroissiens.

Le iour mesme, à vne heure apres midy, pendant que l'on prechoit à sainct Estienne, où il y auoit grande assistance, lesdits Abbé & Religieux continuans leurs scandales & troubles, firent sonner par anticipation de temps toutes leurs cloches coup sur coup, afin de faire cesser le Predicateur, & d'empescher que ceux qui auoient resisté à leurs entreprises & nouueautez, peussent entendre la parole de Dieu.

Tantæne animis Calestibus ira? Le lendemain Vendredy, iour que l'on celebre vne quantité de Messes en l'Abbaye de sainte Geneuiefue, à cause dequoy l'on y admet tous les Prestres qui s'y presentent, ils en exclurent les Prestres habituez en l'Eglise de sainct Estienne, & le 26. suiuant, iour de Dimanche & de repos, ils enuoyerent donner congé aux principaux Prestres de ladite Eglise, qui sont logez & qui ont logé de tout temps au deuant en quelque petites maisons du domaine de leur Abbaye, par des Sergents qui les assignerent ce mesme iour de Dimanche 26. de Iuin, deuant le Bailly, lequel adherant à leurs passions, les condamna d'en vider, afin d'y admettre des loüeurs de Chambres garnies, comme il a esté fait cy deuât, de la Chappelle de S. Symphorien des Vignes, à l'opposite du College des Cholets, au grand scandal del'Eglise, cela est iustifié en la troisieme & quatrieme piece de la lettre N. de la production des Parroissiens.

Puis pour parer leurs attentats, ils firent dresser vn procez verbal (fixiesme piece de ladite lettre N.) de ce qu'ils appellent l'ordre ancien de la procession, lequel ils ont fait attester tant par le Bailly de leur Iustice temporelle fauteur de leur tumulte, & leur Officiers depuis huiet ans; que par frere Claude de l'Hostel nouveau Religieux qui estoit dans la meslée, & par frere Pier-

re Guillou, auquel ils ont defendu de celebrer la sainte Messe il y a quatre ans & plus, à cause que l'Epilepsie l'a rendu infirme d'esprit & de corps; & sur ce procez verbal nul en sa forme, & faulx en substance, ils ont fait assigner le Curé & les Marguilliers & Parroissiens de saint Estienne au Conseil priué du Roy, pour proceder sur leurs demandes, lesquelles ils n'ont libelle que depuis les assignations escheuës.

Monsieur l'Archeuesque de Paris ayant eu aduis qu'ils tendoient à luy enleuer la iurisdiction, & autorité qu'il a sur lesdits Curé & Parroissiens, & les droicts Episcopaux & spirituels qui luy sont acquis sur cette Paroisse, tant de droit diuin qu'humain, & par le Concordat du mois de Iuin 1202. confirmé par vne sentence des Requestes du Palais du mois de Feburier 1511. & par vn Arrest du Parlement de Paris, du mois de Iuillet 1512. & encores par vne possession immemoriable & continuelle; est interuenu pour en empescher l'effet.

Or comme les demandeurs sont nouuellement Reformez, ils ont fait en cette instance vne procedure toute nouuelle, & à leur mode, car pour attirer l'affaire au Conseil, ils ont supposé contre verité que l'on s'estoit serui du pretexte de leur reforme, pour les troubler en la possession des droicts qui appartenient aux anciens Religieux de ladite Abbaye, & apres que les assignations non libellées ont esté escheuës, ils en ont commencé l'instruction par les interrogatoires de quelque Prestres & particuliers Parroissiens qui ne sont parties audit procez sinon en nom collectif, ils ont fait faire ces interrogatoires auant la retention de la cause, ils n'ont rien communiqué, au contraire ils ont contraint les Marguilliers de leur exhiber les Registres de leur Fabrique dont ils ont fait extraire ce que bon leur a semblé, s'estans seruis à cette fin d'un Huissier qui a trois enfans chez eux, lequel pendant deux mois & plus qu'il y a vaqué a tout broüillé & renuersé les tiltres & papiers de cette Eglise, dont il a fait des extraits qu'il a commencé par la fin desdits tiltres & papiers & qu'il a continué en retrogradant, & lesquels pour la pluspart sont defectueux & tronquez.

Pour respondre, il faut examiner quel a esté l'usage des Processions, quand elles ont esté introduites & ordonnées, à qui l'ordre en a esté donné, si les Religieux sont du nombre

Le premier chef de leurs demandes est.

Qu'ils puissent ordonner de la Procession de la Paroisse de saint Estienne, au iour de la Feste de Dieu.

bre de ceux qui ayent pouuoir de faire processions hors les murs de leurs Eglises, ou d'assister à celles qui se font par les ruës, soit generales, soit particulieres.

Il felit *Primo Paralipomenon cap. 15. & 16.* qu'apres la mort de Saül, Dauid pour faire rapporter l'Arche d'Alliance en Ierusalem, assembla tous les enfans d'Aaron, les Leuites, les Prestres & les Princes, que tous ensemble allerent en Procession au deuant iusques en la maison d'ObedEdon, où elle repositoit il y auoit trois mois, & qu'y estants ariuez, les Leuites la poserent sur vne ciuiere ou branquard, la rapporterent sur leurs espaules en chantant des Psalmes en musique, & la colloquerent au milieu du tabernacle que le Roy Dauid auoit préparé.

En la naissance de l'Eglise les fideles s'assembloient pour faire des processions selon leur volonté & deuotion, ainsi qu'il est raporté dans Tertullien liure 2. *ad uxorem*, & au Concile de Laodicée tenu en l'an 314. Mesmes il est recité en l'Histoire, qu'en l'an 388. du temps que l'Empereur Theodose estoit à Milan, que le feu fut mis en vne Synagogue de Iuifs, à cause qu'ils se mocquoient des Chrestiens, qui suiuant l'ancienne coustume alloient en procession au Sepulchre des Machabées Martyrs.

Ces Processions furent à deuotion, iusques en l'an 442. que le Pape Leon I. en prit la direction, les rendit Episcopales & Pastorales, ordonna qu'elles seroient faites en certain temps, & que l'on y chanteroit les petites Litanies: Ce qu'il fit par le conseil de Mamert Euesque de Vienne en Dauphiné qui depuis les a institué en France.

En l'an 590. S. Gregoire le Grand ayant esté esleu Pape, confirma l'establissement des processions de Leon I. & institua les

processions generales ausquelles il ordonna que l'on chanteroit les grandes Litanies, & en la premiere qu'il indiët à cause d'une grande peste qui affligeoit toute la Ville de Rome, il y fit porter l'Image peinte de S. Luc.

Du temps du grand Gregoire Taumaturgue les processions furent receuës à Neocesarie, en toutes les Eglises d'Orient & en l'Eglise vniuerselle, particulièrement en France où elles furent indiëtées sous le Roy Gonthran à cause de la peste dont son Royaume estoit infecté, ainsi qu'a escrit Gregoire de Tours.

Les seuls Ordinaires ont eu la direction de ces processions & y ont appellé les Reguliers quand bon leur a semblé, comme il est raporté au I. Concile de Milan, en ces termes, *Ad huiusmodi processiones, Episcopi cum eis videbitur, vocent regulares omnes quamuis exemptos, & si qua controuersia sit de priore loco, ab Episcopo tollatur.* Et au sixiesme Concile du mesme lieu, *processionibus agendis etiam certas Ecclesias Episcopus statuet libero arbitratu suo.*

La Procession du iour de la Feste-Dieu, quel'on porte le S. Sacrement par les ruës, fut instituée en l'an 1261. par le Pape Urbain III. & fut premierement pratiquée à Cologne, ainsi que l'on peut apprendre d'un Concile, lequel y fut tenu sous l'Archeuesque Adulphe qui porte que, *Ecclesia de Thesouro corporis Christi exultans, circumfert in processionibus extra sacras ades Hostiam illam salutarem, videlicet simul representans itineris Christi historiam, qui dum quareret salutem nostram, medio populi versatus est, & vniuersam Iudæam circumambulauit docens, discipulis comitantibus.* Et ce Concile fut tenu pour respondre à ceux qui ne trouuoient pas bon, que l'on portast le S. Sacrement ny les Reliques & Images des Saints hors l'enclos de l'Eglise.

La mesme Procession ayant pris terre en Espagne, quelques Ecclesiastiques vains & ambitieux, se formaliserent de la façon de porter le S. Sacrement en branquard sur les espauls, & afin de paroistre par dessus la compagnie, voulurent le porter en la main contre ce qui estoit accoustumé; dont il y eut émotion si grande quelle ne peut estre appaisée que par un Con-

cile qui fut tenu à Braga en Arragonois, lequel après auoir fulminé contre ces Nouateurs & nouueaux reformateurs, ce qui est en Ieremie 25. (*va ijs qui faciunt opus Domini fraudulenter & desidiose*) ordonna que, *antiqua in hac parte & solemnis consuetudo seruaretur*, vt in festis quibusque *Arcam Dei cum reliquiis non Episcopus sed Leuita gestent in humeris*, quibus & in veteri lege *onus idem impositum nouimus esse praeceptum*.

La procession des Dimanches & autres Festes a esté establie par vn Concile de Frise, tenu sous le Pape Eugene IV. *Mandamus* (dit le Concile) *& volumus omnes Sacerdotes qui Parochijs praesunt, singulis diebus Dominicis aquam & sal benedicere, & eosdem vna cum toto Clero ad ipsas Ecclesias spectante, ante Missarum sollemnia processionaliter circum-ire*; & donne des Indulgences à ceux lesquels y assisteront, pourueu qu'ils soient confessez & contrits.

Et comme les processions sont de l'essence, & font partie de l'Office & de la fonction des Curez, le Canon 2. de la Distinction 38. enioinct aux Euesques qui en sont les ordonnateurs, de bailler vn Rituel & liure Processional qui en face mention, à ceux auxquels ils confereront les Cures, afin qu'ils s'instruisent de leur fonction, & qu'ils leur en puissent rendre raison. *Quando* (dit le texte) *Presbyteri in Parochijs ordinantur, libellum Officiale à suo Sacerdote accipiant, vt ad Ecclesias sibi deputatas instructi accedant, nec per ignorantiam etiam, in ipsis diuinis Sacramentis offendant: Cum vsro ad Litanias vel Processiones, vel ad Concilium venerint, rationem Episcopo suo reddant qualiter susceptum officium celebrent, vel baptisent*.

Les Religieux, & ceux qui sont és Eglises Collegiales qui n'ont point de peuple ni de Banniere, vouloient estre de la partie, & se fondoient sur ce qu'anciennement ils auoient fait des Processions auparauant qu'elles eussent esté faites Curiales & Pastorales; mesmes que depuis cela leur auoit toléré: A cause dequoy il fut tenu vn Concile à Cologne en l'an 1536. par lequel ils furent exclus de leurs pretentions avec eloge, *Processiones*

eorum speciem quidem antiquitatis, & nihil præterea representant, imò euagationis materiam & occasionem præstant; Illas nobis eatenus abrogare visum est, ut Collegia quæque in suis Ecclesiis Diuinum Officium statis horis concelebrent, nam quâritula sit deuotio Collegiorum quæ tum accedunt, quis Dei cultus ac veneratio, satis in aperto est. Reliquas autem Processiones more antiquo obseruari volumus.

De ces obseruations il resulte, que les seuls Euesques, & les Curez sous eux, peuuent faire Processions hors les murs de leurs Eglises, comme la Procession de la Feste Dieu, du Patron, des autres Saincts, & celle du Dimanche entrel'eau benite & la Messe, qu'à eux seuls appartient d'en ordonner; que d'eux seulement doit estre pris l'ordre lequely doit estre gardé, que les Religieux & Chanoines des Eglises Collegiales ne peuuent faire Processions hors leurs Cloistres, & les murs de leurs Eglises: & partant que vous Abbé Religieux & Conuent de Sainte Geneuiefue n'estes pas bien fondez au premier chef de vos demandes, tendant à ce que vous ordonniez & disposiez de la Procession de la Feste Dieu en la Paroisse de Sainct Estienne.

Et pour le faict de la possession, il est sans exemple que les Religieux de sainte Geneuiefue ayent iamais ordonné ny disposé de la Procession du saint Sacrement en la Paroisse de saint Estienne: car auant l'an 1573. on n'a point ouy parler que lesdits Religieux ayent paru à ladicte Procession: Et pour le temps qui a couru depuis iusques en six cens sept, il n'est point considerable, pource que lors Frere Ioseph Foulon estoit Titulaire de la Cure, & a conduit nostre Procession en qualité de Curé: Et la preuue de cette verité est euidente, en ce que ledit Foulon n'a commencé d'assister à cette ceremonie, sinon depuis qu'il a eu le tiltre de la Cure entre ses mains, & a tousiours marché sous la Croix & la Banniere de saint Estienne. Et depuis ladite année 1607. ladite Procession a tousiours esté ordonnée, & dirigée par le Curé, & les Marguilliers de S. Estienne, comme il appert par l'interrogatoire dudit sieur Curé & des Prestres & Paroissiens produicts par les demandeurs sous F.

23. & 24. pieces sans que lesdits Religieux y ayent trouué autre aduantage, sinon que pour les conuier de se soubs-mettre & ioindre à la Procession de la Paroisse, le Curé leur a donné rang à la suite de son Clergé, d'où ils veulent conclure qu'ils ont eu la preface & la place d'honneur en ceste solennité.

Mais quand ils auroient eu en cela quelque passedroit, ce qui a esté fait de part & d'autre innocemment & sans dessein, par vn simple mouuement de deuotion, ne peut induire pour l'aduenir vne obligation perpetuelle & necessaire, mesme lors quel'on void que les nouueaux Religieux de Sainte Geneuiefue veulent faire profit de tout, pour afferuir le corps de la Paroisse, a des subiections auxquelles leurs predecesseurs n'auoient iamais pensé : Ioinct que depuis ladite année 1607. il ne se trouue 40. ans entiers, qui est le temps necessaire pour la prescription entre Ecclesiastiques, sans laquelle vne simple possession, ne peut donner a des Religieux, vn droit qui ne leur appartenoit point originaiement.

Et de plus il faut considerer que l'assistance desdits Religieux ne regarde point les Marguilliers, ny le Corps de la Paroisse, lesquels dans l'ordre de cette ceremonie ont tousiours retenu par deuers eux l'auctorité & les prerogatiues d'icelle : Car en cette Procession on n'a iamais veu autre Banniere que celle de la Paroisse, l'Abbé & les Religieux de Sainte Geneuiefue ont marché sous la Croix de Saint Estienne, le Saint Sacrement a esté consacré, & pris en la Paroisse, & porté par les Prestres dicelle, le Daix qui a seruy de tout temps en cette solennité appartient à la Fabrique, les porteurs du Daix ont esté choisis par les Marguilliers, & du Corps des Paroissiens : Les Marguilliers ont assisté & pris place aux quatre coings du Daix, & porté en main des Verges dorées pour marque de leur auctorité, mesme dans l'Eglise de sainte Geneuiefue où se faisoit la premiere Station : Ce sont les Prestres de saint Estienne qui ont offert l'Encens & chanté les Hymnes & Oraisons, & depuis vingt cinq ans que la Paroisse a eu vn Soleil & Ciboire d'argent

il a esté tousiours porté sous le Daix, sans que les demandeurs aient fait paroistre de leur part aucunes marques & enseignes de ladite Abbaye, ny contribué autre chose, que leur simple presence & assistance à ladite Procession.

Et mesme à l'égard du Curé de saint Estienne, cette prétendue place d'honneur & de préseance (que les demandeurs appellent improprement, & par vn pur sentiment de vanité, droict de presider en ladite Procession) ne peut, en la forme dont ils en ont ioüy, leur donner aucun aduantage au preiudice dudit sieur Curé: Car il est constant qu'en toutes les Eglises Cathedrales, Paroissiales & Collegiales, les Euesques, Curez & Dignitez, & ceux qui tiennent en leur absence, la premiere place aux Processions du Saint Sacrement, sont reuestus de Chasubles, à cause qu'en cette Ceremonie on fait commemoration publique & solennelle de l'institution du Saint Sacrifice de la Messe, qui doit estre fait & celebré avec cet ornement: Et neantmoins en la Procession de nostre Paroisse, l'Abbé de sainte Geneuiefue n'a iamais vsuré ny pretendu ce droict de Chasuble, qui appartient de droict au Curé seul; Mais il s'est contenté d'une Chappe, comme les autres Ecclesiastiques qui ont assisté à la mesme Procession.

D'ailleurs, si par souffrance, on a permis qu'en ladite Procession, l'Abbé & les Religieux de sainte Geneuiefue aient marché les derniers, apres les Prestres & le Clergé de saint Estienne, qui est pour l'ordinaire le premier rang entre Ecclesiastiques: Neantmoins dans l'ordre particulier de nostre Procession, cette place ne peut estre prise pour le lieu d'honneur: Car comme le Saint Sacrement, qui est exposé & porté publiquement par les ruës en forme de Triomphe, est le chef & le seul objet de ladite Procession; il est sans doute qu'en cette Ceremonie la place plus honorable est celle qui approche de plus près le Daix: Et pour cette raison, en toutes les autres Eglises ceux qui ont la conduite & la préseance esdites Processions, portent eux mesmes, ou suivent immédiatement le Saint Sacrement. Or par tous les actes pro-

duicts de part & d'autre, touchant l'ordre de la Procession de S. Estienne; il est fait mention, que depuis que les Religieux de sainte Geneuiefuey ont assisté, le Saint Sacrement a esté porté en teste du Clergé de saint Estienne, en telle sorte que les Prestres de ladite Eglise ont tousiours fait comme vn corps à part entre le Daix & les Religieux de sainte Geneuiefue; Et pour cela il a fallu changer l'ordre gardé & obserué communément es autres Eglises en la mesme solennité: Car au lieu qu'es autres Eglises tout le Clergé precede le saint Sacrement, en celle de saint Estienne, à cause que le Clergé d'icelle marchoit le premier, on a esté contrainct de porter le S. Sacrement, immédiatement apres la Croix, deuant les Prestres de ladite Eglise, avec l'assistance des quatre Marguilliers aux quatre coings du Daix, comme representans le corps de la Paroisse, afin de conseruer par ce moyen à ladite Paroisse toute l'autorité & le rang plus honorable de ladite Procession. Et pour monstrier que la place des Prestres de Saint Estienne estoit en effect la plus considerable, cest que Messieurs les Nonces de sa Saincteté, quand ils se sont trouuez en personne en ladite Procession, ont pris le mesme rang, proche le Daix dans le Clergé de la Paroisse.

Et pour ce qui regarda la personne du Curé, la possession n'a pas esté tousiours égale: Car si quelquefois il a trouué bon de prendre place entre les Religieux de ladite Abbaye, d'autresfois il a marché, mesme avec lesdits Sieurs Nonces immédiatement apres le S. Sacrement, comme il appert par la Declaration faite à la requisition desdits Religieux, par le sieur Mordant Vicair de Saint Paul, & cy-deuant habitué en l'Eglise de saint Estienne.

Et de plus, ledit sieur Curé, a pourueu à la conseruation de ses droicts & prerogatiues, quand il a fait porter & suiure le S. Sacrement par les Prestres de son Eglise & par son Vicair, & marcher la Procession, mesme l'Abbé & les Religieux de S. Geneuiefue sous la Croix & la Banniere de sa Paroisse, & encores en ce que depuis qu'il y a eu en son Eglise vn Soleil digne de cette ceremonie

remonie, on s'en est tousiours seruy, & non de celuy de sainte Geneuiefue, toutes lesquelles circonstances font cognoistre que l'auctorité, l'ordre & la direction toute entiere de ladite Procession a tousiours dependu absolument de la Paroisse.

C'est vne pretention contraire au droict commun, de laquelle ils n'ont ni tiltre ni possession, & au contraire il y a preuue par leurs propres interrogatoires, que durât les vingt années dernieres mesme depuis la reforme de ladite Abbaye, on n'a point veu en ladite Procession autre Hostie, Soleil & Ciboire que celuy de saint Estienne, comme il appert par le procez verbal de l'an 1638. estant en la production desdits Marguilliers sous N. premiere piece, par les interrogatoires desdits Religieux, és articles 12. 13. 14. 15. 40. & 41. & par les interrogatoires dudit sieur Curé & des Prestres & Paroissiens, produits par les demandeurs sous F. 23. & 24. pieces.

Tous les actes qui parlent de ladite Procession, font mention que lesdits Religieux ont assisté & se sont ioincts à la Procession de la Paroisse de saint Estienne, & auourd'huy ils voudroient par vne entreprise nouuelle que le Clergé & la Procession de S. Estienne se ioignist a la leur, & postposer les Prestres de S. Estienne aux Nouices, & petits Chappellains de l'Abbaye: Ce qui apporteroit du desordre,

Le deuxiesme chef des demandes desdits Religieux est, à ce qu'ils soient maintenus en la possession de faire porter en ladite Procession l'Hostie consacrée en leur Eglise, dans le Ciboire ou Soleil de leur Abbaye.

Le troisieme chef de leurs demandes tend à ce qu'au iour de ladite Procession, les Curé Prestres, Chappellains, & habituez de l'Eglise de saint Estienne, soient tenus se rendre dans l'Eglise de sainte Geneuiefue, & assister à ladite Procession, sans voir le Curé en son rang de Religieux sans Estole, & les Prestres, Chappellains & habituez entre la Croix & les Religieux.

+ Cing

& de la contention, laquelle ne peut estre empeschée sinon en ordonnant que les deux Eglises feroient separement leurs Processions comme on a fait durant les ~~plus~~ dernières années.

Et pour ce qui concerne le rang & l'ornement du Curé de ladite Paroisse, on a fait voir sur le premier chef des demandes desdits Religieux que la possession par eux articulée est sans fondement pour ce regard : Et au fonds comme le Curé representel'Euesque, il y doit porter les marques de son auctorité, & tenir le premier rang en cette ceremonie Ecclesiastique & solennelle : Et puisque par le Concordat de l'an 1202. la Cure de S. Estienne peut estre conferée a vn Prestre Seculier, quel rang donneroit on au Curé de ladite Paroisse quand il ne sera point Religieux ? Car les Religieux de sainte Genevieve feroient difficulté de l'admettre dans leur Corps, & le Curé ne voudroit pas aussi se mesler avec eux, & d'autre part il ne seroit pas iuste qu'il marchast avec les simples Prestres habitez de son Eglise, & qu'il cedast ausdits Religieux les marques & prerogatiues qui luy sont deubs.

Les demandeurs ne rapportent aucun tiltre pour appuyer cette pretention : Et pour la possession, il est sans exemple que la Croix de sainte Genevieve ait paru à cette Proce-

Le quatriesme chef, tend à ce que la Procession marche sous la Croix seule de sainte Genevieve, & qu'elle soit portée par le Clerc de l'Eglise de Saint Estienne.

sion : mais par l'ordre de la Procession produit par les Marguilliers sous la cote F. de leur production article septiesme, & par la réponse du sieur Curé à l'interrogatoire qui luy a esté fait, il demeure constant que suivant le droit commun, & l'usage obserué en toutes les autres Eglises de Paris, la Croix seule de la Paroisse a tousiours esté portée en ladite Procession par le Clerc de saint Estienne, & l'histoire de l'Eglise nous apprend qu'arborer & porter la Croix est vn droit appartenant aux Euesques.

Ceste demãde est sans fonde-
ment, parce que les demãdeurs
n'ont iamais eu aucune aucto-
rité & superiorité en la Par-
roisse de saint Estienne, & que
les Prestres de la Parroisse sont
en possession de commencer

*En cinqiesme lieu, les deman-
deurs concluent que l'Abbé & les
Religieux tiendront le Chœur pen-
dant ladite Procession, & que l'un
d'eux portera le Baston de Chan-
tre, & commencera les Antiennes
& Respons.*

les Hymnes, Antiennes & Respons priuatiuement aux Religieux,
mesmes dans sainte Geneuiefue à la premiere station de ladite
Procession, comme il est iustifié par le procez verbal de l'année
1638. produit par les Marguilliers & paroissiens sous N. premiere
piece, & par l'interrogatoire du Curé produit par les Religieux
sous F. 24. piece. Et pour le regard du baston de Chantre, l'or-
dre de la procession ne dit pas qu'ils en ayent iamais porté.

Les Marguilliers sont en pos-
session de porter ces Bastons
dorez d'as l'Eglise de S^{te} Gene-
uiefue & en tout le cours de la
Procession pour marque de
leur charge, comme cela est
ainsi obserué en plusieurs au-
tres Paroisses de Paris, & la
possession desdits Marguilliers
de Saint Estienne se iustifie par le Registre de l'an 1573. produit
sous L. de leur production fol. 50. & par l'ordre de la Procession
premiere piece de la cotte F. en l'article 14. & par le procez
verbal fait par le Bailly de Sainte Geneuiefue en l'année 1639.
produit sous N. derniere piece de la production des Marguil-
liers.

*Il y a vn sixiesme chef de de-
mande contre les Marguilliers de
ladite Paroisse, à ce qu'il soit dit
que quand ils entreront dans ladite
Eglise sainte Geneuiefue, ils ne
pourront porter Baguettes ni au-
tres marques qui leur puissent at-
tribuer auctorité, ni prerogatiue
quelconque.*

Il est inouy en l'Eglise que
les Religieux d'une Abbaye fas-
sent des enterrements, & por-
tent l'Estole en vn Conuoey; en

*Le septiesme chef de leurs de-
mandes est, que quand ils seront in-
uitez d'assister aux enterrements
des decedez en la Paroisse, le plus*

la presence & à l'exclusion du Curé : Car la sepulture est vn droit Curial & Pastoral, non plus ni moins que le Baptisme, le Mariage & l'administration des Sacremens ; Le premier Concile d'Aquilée au tiltre, *de residentia Curatorum*, & le 5. Concile de Milan au tiltre, *quæ ad Baptismum pertinent & de cura mortuorum*, obligent les Curez à la residence, afin principalement qu'ils baptisent ceux qui naissent, qu'ils administrent les Sacremens à ceux qui seront malades, & qu'ils enterrent ceux qui seront morts en leurs Paroisses & defendent cette fonction à tous autres, *Dao sunt*, dit le Concile d'Aquilée, *in humana fragilitate, ingressus in vitam & exitus, ijs tanquam curriculi huius finibus vita presens terminatur: utrobique Curatorum vigilantia & Christiana charitas requiritur ideoque*, dit celuy de Milan, *nemo nisi Parochus, aut is cui ille Episcopusue concesserit in Baptismo ministrando statas solennes que ceremonias adhibeat etiam si ob necessitatem ministret, nemo faciat funera nisi proprius mortui parochus* : Et dans l'usage le Curé de S. Estienne a tousiours leué les corps de ses Paroissiens priuatiuement ausdits Religieux mesme dans l'enclos de ladite Abbaye dont on produit sous E. des actes des années 1590. 1592. 1603. 1604. 1610. 1613. 1617. 1618. 1622. 1623. 1624. 1636. 1639. Et pour monstrier que le Curé de S. Estienne seul a fait toutes les fonctions Curiales dans toute l'estendue de sa Paroisse, mesme dans l'Abbaye, à l'exclusion de l'Abbé & des Religieux d'icelle, on a produit sous la cote E. quantité d'actes qui iustificient que lors qu'il a esté question de donner le Sacrement de Baptisme aux enfans des personnes mariees qui estoient demeurantes dans ladite Abbaye, le Curé seul y a esté appelé, & non l'Abbé ni les Religieux de Sainte Geneuiefue.

Cette demande est extrauagante, sans tiltre ni possession, contraire au droit commun &

Le huitiesme chef des demandes va, à ce que l'eslection des Marguilliers se fasse avec lesdits Abbé

à l'usage obserué de tout temps en l'Eglise de saint Estienne & en toutes les autres Paroisses de Paris, & est sans exemple que les Marguilliers d'aucune Paroisse aient fait le serment entre les mains d'aucune personne Ecclesiastique, non pas mesme des Curez & des Euesques, comme il a esté iugé par Arrest du Parlement du 2. Decembre 1539. produit par les deffendeurs.

Vous n'avez ni tiltre ni possession : & dans l'usage, les comptes de nostre Fabrique ont esté perpetuellement rendus es presences des Curez titulaires, & iamais avec l'Abbé de Sainte Geneuiefue en qualité d'Abbé. Et quand il faudroit suivre les dernieres Ordonnances & Reglements par nous produits sous H. qui permettent aux Euesques & à leurs Archidiaques, *in cursu visitationis*, d'examiner lesdits comptes sommairement & sans frais, ils font encore contre vous, puisque par la Tranfaction de 1202. il est dit que tout le droit Episcopal & Curial de nostre Paroisse appartient à Monsieur l'Archeuesque priuatiuement à l'Abbé de Sainte Geneuiefue.

C'est vn droit d'Euesque & de Prelat, c'est à dire de chef. Nostre Seigneur est le chef invisible de son Eglise, *ipsum dedit caput supra omnem Ecclesiam*, dit S. Paul en la 1. aux Ephesiens; les Prelats en sont les chefs visibles, suivant la doctrine de S. Thomas, il faut doncques que ces chefs influent sur les membres de ce corps qui est l'Eglise & la Congregation des fideles dont ils sont chefs : Et les chefs sont seuls pour influencer sur leurs

Le 9. chef des demandes de sdits Religieux, tend à ce que les comptes de la Fabrique soient rendus par deuant & en presence de l'Abbé de Ste Geneuiefue, ou de celuy qui sera par luy Commis.

Les dix & onzieme chefs de leurs dites demandes: Qu'ils choisiront vn Predicateur du Temps de Careme, & qu'ils donneront la benediction aux Predicateurs qui prescheront en la Paroisse.

membres, pour ce que la vertu, le mouuement & le gouuernement des membres d'un corps ne peut proceder que de son seul chef, qui seul les anime: D'où vient qu'au 1. liure des Roys chapitre 15. le Gouverneur & le Recteur d'un peuple est appelé chef de ce peuple. Les influences qui doiuent proceder de ce chef sur ses membres, du Pasteur & Curé sur ses oüailles & Paroissiens, sont les Predications de la parole de Dieu, vray & necessaire aliment de l'ame, à cause (dit S. Ambroise) que l'homme estant de chair & d'esprit a besoin de viande double, & ne vit pas seulement de pain, mais de la parole de Dieu, c'est à dire de la predication, laquelle par les Conciles ne doit estre faite que par les enuoyez, ou par ceux qu'ils enuoyeront, approuueront & beniront, *Spiritus Domini super me* (dit le Prophete Isaye) *propter quod vnxit me; euangelizare pauperibus misit me, & predicare captiuis remissionem, & cecis restitutionem visus:* Sur lesquelles paroles sont fondez les Conciles qui n'ont pas trouué bon que la parole de Dieu fut annoncée par autres que par les Euesques qui sont enuoyez, ou par ceux que lesdits Euesques choifiroient, enuoyeroient & beniroient en leur place, *soli admittantur hi qui ad id munus rectè vocati & ordinaria auctoritate examinati fuerint & approbati* (dit le Concile Prouincial de Mayence chapitre 49. & le premier Concile de Milan. *Nulli prædicent sine licentia Prælatorum*, portent les Conciles de Toledé, de Sens & de Trente. Et aussi l'Abbé & les Religieux de Sainte Geneuiefue ne sont point en possession de ce qu'ils demandent. Mais de tout temps le choix des Predicateurs a esté laissé aux Marguilliers: Et sous E. de leur production, il y a plusieurs pieces qui iustifient que le Curé de S. Estienne est en possession de donner la benediction aux Predicateurs mesme dans l'Eglise de sainte Geneuiefue lors qu'il y a conduit sa Paroisse en Procession.

De cette premiere place dans l'Oeuure vous n'en auez pareillement ni tiltre, ni le moins	}	Le douziesme de leurs demandes est qu'ils prendront la premiere place dans l'Oeuure de l'Eglise de
--	---	--

dre acte de possession, & n'auez & ne pouuez auoir aucune qualité qui vous donne place dans ladite Oeuure,

S. Estienne, quand il leur plaira assister à la Predication

On ne voit aussi aucun tiltre, ny aucun acte de possession de cette pretention, & est constat par les interrogatoires desdits Religieux, que depuis dixhuiet ans que la Reforme est establie en ladite Abbaye, & mesme depuis l'an 1608. les Religieux de ladite Abbaye ne se sont iamais presentez pour faire l'Office en la Paroisse & ne seroit pas iuste que le Curé & les Prestres de la Paroisse quitassent leurs places au Prieur & aux Religieux de ladite Abbaye: Et pour ce qui concerne le fait particulier des Abbez, ils n'ont aussi fait aucune fondation Curiale en ladite Paroisse depuis le deceds de F. Ioseph Foulon dernier Abbé & Curé titulaire: Et neantmoins on demeure d'accord que depuis 1607. les Abbez de Sainte

Le 13. 14. & 15. chef sont.

Que l'Abbé puisse en l'adite qualité d'Abbé, officier aux deux Festes de S. Estienne, & y mener tel nombre de Religieux, qu'il aduisera.

Que le Prieur accompagné de deux Religieux Prestres pour porter la Chappe & de deux ieunes Religieux pour porter les Chandelières, pourra officier aux premieres Vespres, Complies, & Matines, & prendre la place du Curé.

Que les iours desdites Festes, l'Abbé pourra assister à la Procession qui se fera deuant la grande Messe en ladite Eglise, & en la rue des Amendiers, accompagné des plus anciens Religieux tous en Chappes, les Prestres dudit saint Estienne y assistans entre la Croix & les Religieux, & celebrer la Messe, in Pontificalibus, assisté de tel nombre de Religieux qu'il aduisera.

Geneuiefue ont dit deux fois la Messe Parochiale aux Festes du Patron: Mais ils ne se sont ingerez en cet Office que sur la priere qui leur en auoit esté faite au parauant par le Curé & les Marguilliers de ladite Eglise: comme en pareille rencontre Messieurs les Cardinaux Bichi & Bani ont fait le semblable lors qu'ils residoient en cette Ville en qualité de Nonces de sa Saint-

Eteté: Et ce qui est fort considerable, c'est que lesdits Abbez ont esté assistez en ladite ceremonie, non par aucuns Religieux de Saincte Genevieve, ains par les Diacre & Sousdiacre & autres Prestres de la Paroisse. Et aussi cette pretention comme les precedentes est vn droit Episcopal & vne fonction purement & absolument Curiale, car le Curé est bien representé en la vision d'Ezechiel par le Bœuf animal designé au Sacrifice, il doit estre le sacrificateur; les Curez sont les seuls qui doiuent celebrer la Messe, & le seruice en leurs Eglises; ils sont les vrayz & seuls Sacrificateurs, qui dit Curé il dit Sacrificateur, qui dit Sacrificateur il dit Prestre; & plusieurs textes disent le Prestre & le Sacrificateur d'vn lieu pour en signifier le Curé. Ainsi au 4. Concile de Carthage chap. 36. *Presbyteri qui per Diacones Ecclesias regunt*, Ainsi en vn Concile de Soissons tenu sous Pepin, *Presbyter qui in Parochia est rationem & ordinem ministerij sui Episcopo reddat & Christum, & oleum petat*; & ainsi dans vne des Epistres de S. Gregoire, *iram contra se occultum iudicis excitat Sacerdos, si sine predicationis sonitu incedit*.

Pour le fait il y a preuue que sur le sujet de l'enterrement du fils dudit Petit, lesdits Religieux ont commis publiquement à la veuë de tout le monde plusieurs excès & violences en la personne du Curé de S. Estienne, reuestu de son Estole, & de ceux qui l'assistoient pour raison de quoy sur l'informatiō faite à la Requête dudit sieur Curé, le Lieutenant Criminel

Il y a vn 16. chef par lequel ils veulent pretendre l'inhumation de leurs Officiers & seruiteurs & de leurs enfans & domestiques, & demandent que le Curé de saint Estienne soit condamné en l'amende pour le trouble par luy fait en Ianuier 1640. à l'enterrement du corps de l'enfant d'vn nommé Petit Sommelier, de Monsieur le Cardinal de la Roche-Foucault, & Portier de ladite Abbaye.

à decerné prise de corps contre aucuns seruiteurs de ladite Abbaye, & adiournement personnel contre frere Charles Faure, & douze autres Religieux qui ont esté contraincts de poursuiure vne euocation au Conseil pour arrester le cours de ceste procedure

cedure, & esloigner la reparation qu'ils ne peuuent euer.

Et au fonds, il a esté obseruécy-deuant sur le 7. chef des demandes desdits Religieux, que le Curé de saint Estienne est fondé en droict, & en possession de donner la sepulture à tous ceux de sa Parroisse, mesmes aux personnes Laïques qui sont demeurans dans l'enclos de l'Abbaye de sainte Geneuiefue.

Il est vray que le Concordat de l'an 1202. exempt de la Jurisdiction de l'Euesque, vingt personnes demeurantes dans l'enclos des lieux reguliers de ladite Abbaye, & six personnes demeurantes hors ledit enclos; mais l'exemption accordée par ladite transaction est restraincte & limitée au fait de ladite Jurisdiction, & ne va point aux Sacremens, enterremens & autres droits semblables qui dependent, *ab ordine & non à iurisdictione*: & d'ailleurs le mesme Concordat apres auoir cōpris en ladite exemption six officiers & seruiteurs demeurans hors les lieux reguliers qui pouuoient estre mariez, il ordonne que ladite exemption demeurera attachée aux personnes desdits officiers & seruiteurs, sans quelle puisse s'estendre à leurs femmes & moins encores à leurs enfans.

Au temps que ce Contract fut fait le fondateur auoit taxé 21 sols au sepmainier qui deuoit celebrer cette Messe, qui estoit 3. sols pour chacune Messe, depuis lequel temps ce salaire a esté augmenté du quadruple, & de plus la plus grande partie de la somme a esté mise à rente en 1559. sur l'Hostel de Ville de Paris, laquelle rente a souffert vn grand dechet pendant les guerres de la ligue, & encore

Le dixseptiesme & dernier chef de leurs demandes est, que pour faire les seruices mentionnez en vn contract du dixiesme d'Octobre 1556. l'Abbé & en son absence, le Prieur claustral commettra avec le Curé en la place des Chapelains decedez, ou qui decederont cy-apres, l'vn des douze Prestres ordinaires habituez en l'Eglise saint Estienne, & que les Marguilliers leur indiqueront la rente de 200. liures fondée par frere Philippes le Bel

depuis : De façon qu'à present de cent dix huit liures fix sols trois deniers de rente constituée pour le principal de 1420. liures faisant partie des 2400. liures, il en est deub dix-neuf années d'arrerages.

Abbé, pour ladite fondation, & qu'en cas de rachapt de la rente, lesdits Marguilliers & leurs successeurs appelleront lesdits Abbé ou Prieur claustral pour en faire le remploy.

C'est pourquoy en 1585, ayant esté proposé à Monsieur l'Euesque de Paris de faire dire vne premiere Messe Paroissiale par chacun Dimanche & Feste solennelle au lieu de celle fondée par ledit le Bel, & frere Ioseph Foulon Abbé de sainte Geneuiefue lors Curé en tiltre de saint Estienne, ayant soustenu qu'il ne deuoit qu'une Messe Paroissiale en l'Eglise, il fut depuis arresté que l'on continueroit d'employer la Messe fondée par ledit le Bel, pour premiere Messe Paroissiale par chacun Dimanche & Feste solennelle, le reuenu desdites 2400. liures de beaucoup diminué, & l'augmentation du salaire pour le service, ayant empesché l'effect de ladite fondation, il ne faut plus parler de nommer des Chapelains & semainiers pour en celebrer la Messe fondée, veu principalement que ladite Messe se dit & celebre (ainsi que les Marguilliers & Parroissiens font voir par les pieces de la lettre R. de leur production,) par les Curé & Vicaire premiers denommez en ladite fondatiõ,

Et ainsi vous estes mal fondez en tous les chefs de vos demandes & pretentiõs, dont vous ne raportez aucun tiltre ni possessiõ.

Si vous estiez Seigneurs spirituels de la Paroisse saint Estienne, sans doute il y auroit deux Seigneurs spirituels de

Les demandeurs disent, nous sommes bien fondez : Car nous sommes Seigneurs spirituels de l'Eglise de S. Estienne.

cette Paroisse ; car Monsieur l'Archeuesque de Paris, & le Curé en sont Seigneurs spirituels, & vous ne le pouuez pas denier, puisque le droit commun leur donne. Le Concordat de Juin 1202. la sentence des Requestes du Palais de Feurier 1511. l'Arrest du Parlement de Paris de Iuillet 1512. & les actes de

possession immémoriale. Or ils ne peuvent estre deux, pource que cette Eglise comme toutes les autres, n'estant qu'un Corps, ne doit auoir qu'un Chef, & si elle en auoit deux, ce seroit un monstre, & ils seroient en continuel diuorce, ce qui destruiroit son Estat Monarchique; qui fait que comme és Abeilles, il n'y a qu'un Roy, de mesme (dit saint Hierosme) en quelque Eglise que ce soit, il n'y doit auoir qu'un Seigneur spirituel *vnus Pastor, vnum ouile.*

Le droit Canon n'en dit rien, sinon au Chapitre, *Olim. de restitutor, spoliator*, faisant mention d'un differend d'entre l'Euesque de Paris, & l'Abbé de S^{te} Geneuiefue, touchant la Paroisse de S. Estienne, qui sera examiné cy-apres p. 36.

Gregoire de Tours, Constance, Sigibert, Aimoin, & autres qui ont escrit l'ancienne histoire Françoise, ne disent pas, que vous fussiez Seigneurs spirituels de l'Eglise de saint Estienne du Mont.

Outre que ces Bulles ne sont pas originales, & qu'elles ne contiennent qu'une confirmation de pretendus priuileges dont il n'est pas question, elles ne parlent point de la Cure de S. Estienne, les droits de laquelle ont esté reglez par une Sentence du Pape Innocent III du 24. Decembre 1201. & par le Concordat de Iuin 1202. qui sont posterieurs ausdites Bulles de plus de cent ans.

Ces Bulles ne donnent rien de nouveau ausdits Religieux: Mais ce sont simples Lettres de confirmation des droits anciens que lesdits Religieux ont exposé leur appartenir, &

Nous iustifions par 19. pieces cottees B. que les Papes & les Roys ont accordé de grandes prerogatiues à nostre Abbaye, & pour premiere piece de ces dix-neuf, nous employons le Corps du droit Canon.

Pour deuxiesme piece nous employons l'ancienne histoire Françoise.

Pour troiesme les Bulles du Pape Paschal 2. de 1099.

La 4. les Bulles d'Alexandre III. qui enjoignent à l'Abbé de Sainte Geneuiefue, d'enuoyer aux Chapelles dependantes de son Abbaye, trois ou quatre Religieux, & de presenter à l'Eues-

quand elles pourroient seruir | *que Diocésain, l'un desdits Reli-*
 de tiltre, si par la Chapelle | *gieux, pour recevoir de luy la Cu-*
 du Mont que l'on dit par les- | *re des ames, à la charge & con-*
 dites Bulles, estre dependante | *dition que ledit Religieux enuoyé*
 de l'Abbaye de sainte Gene- | *demeurera reuocable à la volonté*
 uiefue, on a entendu parler de | *de l'Abbé: Et entre les Chapelles*
 la Cure & Paroisse de Saint | *dependantes de ladite Abbaye, on y*
 Estienne, cette pretendue de- | *comprend la Chapelle du Mont.*
 pendance ne peut s'estendre
 sur le droict de presentation

de la Cure, qui est la seule prerogative que lesdits Reli-
 gieux, ont peu légitimement pretendre sur ladite Paroisse,
 & à laquelle lesdits Religieux ont esté contraincts de se res-
 traindre par ledit Concordat de 1202. qui est postérieur ausdites
 Bulles. Et pour le droict de reuocation & destitution men-
 tionné aux mesmes Bulles, il ne peut avoir son effect que pour
 les simples obediences qui ont accoustumé d'estre regies par
 commission, & non pour les Benefices titulez & formez com-
 me de la Cure de S. Estienne, laquelle depuis le Concordat de
 1202. a esté toujours possédée en tiltre: car il est certain que les
 Religieux d'une Abbaye, pourvus de semblables benefices à
 la presentation de leurs Supérieurs, ne peuvent plus estre reuo-
 qués, ils sont emancipez par telles presentations & provisions,
 ils ne sont plus Religieux de cette Abbaye, & ainsi ils n'ont point
 besoin de deux ni de trois compagnons de ladite Abbaye, pour
 en retenir & conseruer la stabilité & les reigles. Voila pourquoy
 le Panorme interpretant le Chapitre 2. de *statu monachor*. Qui de-
 fend *ne monachi ponantur singuli per quascunque Ecclesias: hoc* (dit il)
intellige quando Ecclesia est subiecta Monasterio, ita quod illa non de-
finiet esse obediens Monasterij: Secus dic, si Religiosus promoue-
tur tanquam quilibet Clericus Secularis, ad Ecclesiam Parochialem,
nam tunc non tenetur Abbas sibi dare socium.

Et la glose sur la Clementine, *Ne in agro s. ad hac. in verbo. (ad*
Clastrum) de *statu Monachor*. a resolu que, iura que tractant de
Monachis, ne soli mancant in Capellis, de claustralibus intelliguntur,

adeo ut si Monachus est perpetuus institutus ad Curam populi, socium non tenet, sed tantum obedientiarius qui Clausstralis est, qui solo nutu Abbatis reuocatur ad claustrum, non debet esse solus, ut cum socio aliqualem stabilitatem Clausstrum seruet.

D'où il s'ensuit que lesdites Bulles qui ont enioinct à vos predecesseurs d'enuoyer 3. ou 4. Religieux pour faire le seruice aux Chapelles subiettes à vostre Abbaye, n'ont point entendu y assujerir la Cure de saint Estienne: veu principalement que tous ceux qui en ont esté pourueus quoy que Religieux de vostre Abbaye y ont esté promeus, *tanquam quilibet clericus secularis ad Ecclesiam Parochialem*, n'ont point eu de compagnon, ont agi en leur nom pour les droicts Curiaux, mesmes contre vous. Et à present frere Martin Citolle ancien Religieux de vostre dite Abbaye qui est Curé de saint Estienne, ne fait point nombre parmy vous, il vous paye son logement comme vn estrange, & pour vne portion de pain & de chair que vous luy enuoyez chacun iour, il vous a delaisié vne dixme appartenant à la Cure quel'on nomme la dixme de Grenelle. Ce qui monstre d'abondant que lesdites Bulles d'Alexandre III. n'ont entendu parler que de simples obediences, & non de la Cure de saint Estienne.

Que si en vertu de ces Bulles, il vous estoit permis de faire faire les fonctions Curiales en la Parroisse de saint Estienne par l'un d'entre vous reuocable à vostre volonté, ce seroit faire reuiure l'abus qui fut reformé en l'ordre de saint Benoist, en l'an 1088. par Urbain II. qui au chapitre 1. de *Capell Monachor.* (attribué par erreur à Urbain III.) ordonna que, *populus per Monachos deinceps non regatur, sed capellanus qui populum regat* (qui est le Curé) *ab Episcopo per consilium Monachorum* (c'est la presentation) *instituantur; ita ut ex solius Episcopi arbitrio tam ordinatio eius quam depositio, & totius vite pendeat conuersatio.* Cette ordonnance a passé en loy contre les Religieux, & n'a point esté reuouquée par lesdites Bulles d'Alexandre III. Au contraire elle a esté confirmée par le Concile de Latran, le

nu en l'an 1180. sous le mesme Pape Alexandre III. rapporté au Chapitre *de Monachis, de præbend.* En ce qu'il fut defédu d'abondant ausdits Religieux de faire les fonctions Curiales.

Il est vray que ledit Chapitre *de Monachis* tire dudit Concile de Latran, qui porte que nul ne sera institué Curé à la presentation de Religieux, si lesdits Religieux ne luy donnent moyen de viure & portion legitime & congrüe, n'a esté prononcé que contre ceux de l'ordre de saint Benoit; mais le Pape Clement III. en l'an 1189. neuf ans apres ledit Concile, voyant que les autres Monasteres en abusoient, ordonna par sa constitution rapportée au chapitre 1. *de præbend. in sexto* que ledit Chapitre *de Monachis* tiré dudit Concile de Latran auroit lieu contre tous les autres Monasteres, & neantmoins les Chanoines reguliers de saint Augustin sont tousiours demeurez en possession de deseruir les Cures en personne, & de les tenir en tiltre, & par cette raison les Abbez de cet ordre n'ont iamais pris le tiltre ni la qualité de Curez primitifs des Paroisses, qui sont en leur nomination, de façon que lesdites Bulles d'Alexandre III. ne sont plus considerables:veu mesmement qu'elles ne sont que relatives à vn priuilege, ou indult que l'on ne represente point, & qui d'ailleurs est esteint & aboly par vn vsage contraire, & par le Concordat cy-dessus du mois de Iuin 1202. lequel plus de 40. ans apres ces Bulles, a restitué à Monsieur l'Euesque de Paris, & au Curé toute la superiorité, & Seigneurie spirituelle sur toute l'Eglise Paroissiale de saint Estienne du Mont.

Il ne porte pas que vos pre- | La cinquiesme, ledit Concordat
decesseurs ayent traicté en qua- | ou transaction du mois de Iuin
lité de Curez primitifs de l'E- | 1202.
glise de saint Estienne, comme vous auez supposé par vostre
inuentaire. *Hæc est (dit le texte) forma pacis inter Episcopum &
Ecclesiam Parisiensem ex vna parte, & Ioannem Abbatem & Ec-
clesiam sanctæ Genouefæ ex altera:* Elle ne les maintient pas en la

possession de cette Eglise comme vous auez faict escrire : Au contraire elle est toute entiere à cet esgard, en faueur de Monsieur l'Archeuesque de Paris, en ces termes, *Super querelis quas Episcopus mouebat de iure Parochiali in Parochia de monte &c. Episcopus habebit omne ius Episcopale seu Parochiale in tota Parochia de monte*; les mots (*omne & tota*,) disent assez clairement que toute la spiritualité de cette Paroisse appartient à Monsieur l'Archeuesque, & que vous n'y auez point de part.

Ce Bref ne vous donnerien | *La sixiesme est vn Bref d'In-*
que ce qui vous estoit acquis | *nocent III. de l'an 1214. portant*
par la transaction : Celuy qui | *confirmation de ladite transaction*
confirme ne donne rien de | *du mois de Iuin 1202.*
nouveau, il autorise seule-
ment la concession, *cap. inter dilectos de fi. instrum.* Et il y a cette difference entre confirmer & donner, que l'un est des choses que nous auons eu & possédé auparauant, & l'autre de celles lesquelles nous sont octroyées lors : De maniere que le-dit Bref estant seulement confirmatif de ce qui est accordé par la transaction, puisque ladite transaction ne vous reserue aucune spiritualité sur ladite Eglise, & qu'au contraire elle l'adiuge toute entiere à l'Euesque de Paris, *habebit Episcopus omne ius Episcopale seu Parochiale, in tota Parochia de monte*, vous n'en pouuez pretendre en vertu dudit Bref ou confirmation.

Vous vous trompez, ce ne | *La septiesme contient des Bulles*
sont pas Bulles d'Innocent III. | *du mesme Pape Innocent III. de*
ni qui soient de l'année 1214. | *la mesme année 1214.*
C'est vn Bref de Gregoire IX.
du 12. des Kalendes de Ianuier, de l'an premier de son Pôrtificat, qui veut dire du 21. de Decembre 1227. douze années apres la mort d'Innocent III. & vne année apres celle de Honoré III. son successeur. En ce Bref il est porté que sur ce qui a esté proposé par vos predecesseurs, que quelques Prelats s'ingeroient de

visiter vos granges & autres maisons, (lesquelles n'auoient pas besoin d'estre visitées) à dessein d'exiger des droicts de Procura-tion, le Pape sur cette exposition a defendu à tous Archeuesques, Euesques & Prelats de visiter vosdites granges & maisons, ne d'exiger aucunes Procurations: Ce qui ne peut pas estre appli-qué à l'Eglise de S. Estienne, puis qu'elle n'y est pas dénommée.

Vous vous abusez d'abon-
dant, car ce ne sont pas Bulles,
c'est vn Bref, qui mande aux

La huitiesme, des Bulles du
Pape Clement IIII. de l'année
1267.

Euesques de Paris, Chartres, Soissons, Meaux & Senlis de vous maintenir au droict qui vous appartient de presenter à quelques Chapelles de leurs Dioceses, & qu'ils ne facent point difficulté d'en pouruoir ceux que vous leur presenterez; Mais avec cette condition, *Quod illi quibus huiusmodi Cura commissa fuerit, vobis de spiritualibus debeant respondere*, Tellement que quand l'Eglise de Sainct Estienne seroit comprise sous le mot de (Chapelle) vous n'en seriez pas Seigneurs spirituels par ce Bref, attendu qu'il en reserue la spiritualité aux Euesques des lieux, *illi quibus Cura commissa fuerit, vobis de spiritualibus debeant respondere*, & que par la transaction precedéte du mois de Iuin 1202. laquel-le donne tout le droit spirituel à Monsieur l'Archeuesque de Paris sur l'Eglise de sainct Estienne, il est arresté que, *inperpe-ruum seruabitur nonobstantibus quibuslibet munimentis ab alterutra partium impetratis vel in posterum impetrandis*.

Cet Arrest a confirmé ladite
transaction de Iuin 1202. par
laquelle vos predecesseurs
auoient excepté de la Iurisdic-
tion de l'Euesque, *viginti per-
sonas inter garciones & seruitores
infra vestrum ambitum habitan-*

Le neufiesme, vn Arrest du
Parlement de Paris, du 16. de
Iuillet 1399. qui nous a rendu vn
de nos seruiteurs appellé Marguil-
lier & Fabricien, que l'Euesque
de Paris auoit fait mettre en ses
prisons.

ses, comedentes, cubantes, & leuantes, quorum vnus matricularius,
qui

qui est ce Marguillier dont il estoit question en cet Arrest : & partant elle doit aussi estre confirmée pource qui n'est point excepté, & ce faisant la Iurisdiction spirituelle y mentionnée conseruée à Monsieur l'Archeuesque de Paris & au Curé, surtout les Paroissiens de la Cure qui ne doiuent recognoistre qu'un Pasteur & un Seigneur spirituel, & ne doiuent prendre ordre que de luy es Processions, enterremens, predications, & en tout ce qui concerne le seruice diuin & la cure des Ames.

Ces pieces ne vous seruent que pour monstrier que vous estes exempts de la Iurisdiction de l'Euesque, en fait de discipline reguliere dont il n'est pas question : & l'Arrest le fait voir ainsi, en ce que pour le faict du mesme le Feure, Mon-

sieur l'Euesque ayant soustenu qu'estant ledit le Feure preueni de crime enorme, il en estoit Iuge nonobstant qu'il fut Religieux de sainte Geneuiefue, & qu'il l'eust commis en lieu exempt, pource (disoit-il) qu'il estoit Curé de saint Estienne, & vos predecesseurs au contraire qu'il n'estoit pas Curé, il les declara contraires, quoy faisant, il preiugea que s'il estoit Curé, il estoit de la Iurisdiction de l'Euesque, ce qui fait contre vous.

Il sera respondu à ces trois pieces, en respondant à la lettre C. sous laquelle vous les auez produit & induit, afin de n'auoir pas subiet de repeter.

L'Euesque faisant sa visite en l'Eglise Saint Eienne, le nommé Comtesse Religieux de vo-

Les 10. 11. & 12. sont lettres de protection du 26. d'Auril 1423. pour vendiquer vn appelé le Feure Religieux de nostre maison, vne transaction interuenue sur le faict dudit le Feure, & vn Arrest du Parlement rendu en suite.

Les 13. 14. & 15. sont employs d'un relief d'apel comme d'abus, d'une sentence du Chasteler, & d'une attestation de 1472. 1473. & 1505.

La seiziesme, vn Arrest du 11. d'Auril 1510. qui confirme vne sentence des Requestes du Palais,

stre maison qui en estoit Curé, rendue à nostre profit cōtre l'Eues-
 comit tant d'insolences, & d'ir- que de Paris, & renuoye les par-
 reuerées, qu'ils en fut excom- ties proceder audites requestes.
 munié, à cause dequoy il se
 pourueut aux Requestes du Palais, où il fut absous à cautele;
 dont appel sur lequel interuint cet Arrest: Et depuis l'Euesque
 gaigna la cause par sentence desdites Requestes du 13. de Feurier
 1511 (produite par les Marguilliers sous A.) d'où il se void que
 cet Arrest n'auoit iugé qu'une absolution à cautele, qui ne vous
 donne aucun aduantage.

Cet Arrest vous maintient en La dix-septiesme rien, & la 18.
 possession de vostre exemption est vn Arrest du 21. de Iuillet 1512.
 de la Iurisdiction de l'Euesque rendu entre nos predecesseurs, pre-
 de Paris & de tous autres Eues- nans le fait & cause dudit Con-
 ques, & de n'estre point visi- tesse d'une part, & l'Euesque de
 tez es lieux situez dans & au- Paris d'autre.
 tour vostre Abbaye; ce que
 nous ne vous enuions pas, mais il en excepte nommement, &
 taxatiuement l'Eglise Paroissiale de saint Estienne, *preter Paro-*
chialem Ecclesiam sancti Stephani infra clausum & circuitum dicti
Monasterij & Abbatia situatam, in concernentibus curam anima-
rum dictæ dumtaxat Parochialis Ecclesiæ, par lesquels termes l'en-
 tiere Seigneurie spirituelle de la Cure de Saint Estienne est con-
 firmée audit sieur Euesque, lequel par le mesme Arrest est
 maintenu generally & specifiquement en la possession, &
 faisine de tous les droicts Episcopaux, Paroissiaux, Curiaux,
 & spirituels, conformément à la transaction du mois de Iuin
 1202.

Cet Arrest ne concerne point La dix-neufiesme vn Arrest du
 la Seigneurie ny spirituelle ny dernier d'Auril 1517. qui confir-
 temporelle de nostre Eglise de me nos priuileges,
 saint Estienne, il vous con-

serue en vos priuileges d'exemption de la Iurisdiction de l'Euesque de Paris, & Iuge que ledit sieur Euesque n'a point droit de Deport sur le Prieuré de Roissi, ce qui n'est pas en question.

Cette induction contient quatre chefs, que l'on pretend veriffier par l'Histoire de France.

Premierement on dict que la Paroisse de saint Estienne en sa naissance, a esté dans sainte Geneuiefue : Ce qui est arriué par occasiõ. Car apres l'accroissement de la Ville, fait du temps du Roy Philippes Auguste, les premiers Habitans de la Montagne de sainte Geneuiefue & des enuirõs, qui cõmencerent à former la Paroisse de S. Estienne, n'ayans point d'Autel Paroissial pour y receuoir les Sacremens, furent contraints de se seruir pour cét effect, avec la permission & sous l'autorité

Nous iustifions par 35. pieces, cottees C, que la Paroisse de saint Estienne a esté dans l'Eglise de sainte Geneuiefue, que l'affluence des Paroissiens nous a contrainct de bastir vne Paroisse separee, laquelle, comme dependante de nous; nous auõs construite dans l'enceinte de nostre Cloistre, en auons retenu la Seigneurie Spirituelle & temporelle, l'auons fait administrer par Religieux que nous auons commis, & en auons esté recogneus Seigneurs Spirituels & Temporels par vos predecesseurs Marguilliers, qui ne l'ont augmentée que par nostre autorité.

La premiere de ces 35. pieces est vn employ de l'Histoire Françoisse.

de M. l'Euesque de Paris, de la Chapelle ou lesdits Religieux faisoient administrer les Sacremens à leurs domestiques, en attendant que lesdits Paroissiens eussent la commodité de faire bastir vne Eglise particuliere: Mais comme l'usage de cette Chapelle n'estoit que precaire, & pour vn temps, il n'a peu donner ausdits Religieux aucune autorité, ny prerogatiue sur la Paroisse; laquelle depuis plusieurs siecles, a eu son Eglise à part, en vn lieu separé & détaché de l'Eglise de sainte Geneuiefue.

Et quand elle seroit à present deserue dans l'Eglise de sainte Geneuiefue, lesdits Religieux n'en pourroient tirer aduanta-

ge pour l'establissement de leurs pretensions : Car ce n'est pas le lieu qui fait la Cure, ains l'vñion du Prestre avec le peuple. Et de faict, les deffendeurs ont produict vn Arrest du Parlement du 8. Feurier 1633. donné contre le Chapitre de l'Eglise de Senlis, qui a iugé que ledit Chapitre n'auoit aucun droit, ny autorité sur le Curé, ny dans la Paroisse de nostre Dame de la mesme Ville, encore qu'elle soit deseruie dans l'vne des Chapelle de l'Eglise Cathedrale, & que la Cure soit en la presentation dudit Chapitre. Et dans le particulier, la Sentence du Pape Innocent II I. du 24. Decembre 1201. & le Concordat du mois de Juin 1202. qui sont du temps auquel la Cure de S. Estienne estoit deseruie dans sainte Geneuiefue, font expresse mention, qu'en ce mesme temps, & dès la premiere origine de ladite Paroisse, Monsieur l'Euesque de Paris y auoit tous les droits Episcopaux & Parochiaux, à l'exclusion desdits Religieux.

En second lieu lesdits Religieux supposent auoir fait bastir à leurs despens l'Eglise de saint Estienne du Mont dans l'enclos de leur Cloistre. Mais l'Histoire & les autres pieces des demandeurs n'en font aucune mention, Et au contraire les deffendeurs iustifient par les pieces par eux produictes sous I, que le fonds de ladite Eglise Parochiale a esté achepté, & les bastimens & accroissemens, faits des deniers de la Fabrique & des Paroissiens.

Le troisieme poinct desdits Religieux est, qu'ils pretendent que les augmentations de ladite Eglise Parochiale ont esté faites de leur autorité : ce qui est desnié pareillement, mais lors desdits bastimens on s'est adressé a eux, commel'on feroit à vn simple particulier, pour achepter à prix d'argent, ou prendre à rente le fonds necessaire pour faire lesdits accroissemens.

Lesdits Religieux adioustent qu'ils ont esté recogneus Seigneurs Spirituels & Temporels de l'Eglise de Saint Estienne par les Marguilliers & Paroissiens d'icelle, & qu'ils l'ont fait administrer par des Religieux par eux commis.

Mais pour la Seigneurie Temporele elle est imaginaire, car Dieu n'a point de co seigneur, & du moment que l'Euesque

à planté la Croix sur le fonds destiné au bastiment d'une Eglise par forme de saisine & prise de possession ; le lieu est libre & affranchi pour l'aduenir de toute Seigneurie Temporele. Et quand ceste pretension seroit iugée receuable, elle n'iroit qu'à donner aux demandeurs la préseance entre les Paroissiens & Se- culiers, sans qu'ils peussent en tirer le moindre aduantage pour les droicts dont est question.

Et pour la Seigneurie Spirituelle, elle est pretenduë par lesdits Religieux, ou comme estans au lieu & aux droicts de l'Euesque, ou comme ayans eu entre leurs mains la direction de ladite Cure, ou bien en qualité de Curez primitifs.

Or pour les droicts Episcopaux, ils en ont esté deboutez, tât par la sentence du Pape Innocent III. de l'an 1201. que par le Concordat de l'an 1202. & par l'Arrest de 1512. Et par les mesmes actes ils ont esté aussi exclus des droits Parochiaux de ladite Eglise : Et tous les actes produits de part & d'autre, iustificient que depuis le Concordat du mois de Iuin 1202. qui est du temps du premier establissement de ladite Paroisse, la Cure de S. Estienne à esté tousiours deseruie par des Curez titulaires & iamais par Commission & Obedience.

Et pour le tiltre de Curez Primitifs, c'est vne qualité qui à la relation necessaire & ses fonctions & prerogatiues renfermées dans la Paroisse : C'est pourquoy supposé que lesdits Religieux peussent estre admis à la Procession du S. Sacrement, en ladite qualité de Curez Primitifs (ce qui n'est pas) ils seroient obligez de marcher sous la Banniere, la Croix & le Ciboire de S. Estienne, & se joindre au Clergé & au corps de ladite Paroisse, & ne pourroient attribuer, comme ils veulent faire, la direction & l'ordre de ladite Procession à leur Abbaye, en laquelle ladite pretendue qualité de Curez Primitifs ne peut estre considerée.

D'ailleurs chacun sçait que cette qualité est inutile de soy-mesme, & ne peut donner autres droits & aduantages, que ceux qui ont esté reseruez au Curé Primitif, par vn tiltre particulier, ou par vne possession legitime & prescrite. Or de tous les droits

pretendus par les demandeurs sur la Paroisse de S. Estienne, ils n'en ont ni tiltre ni possession.

Mais sans entrer en la discussion particuliere de ce point, il suffit de respondre en vn mot, que cette qualité de Curé Primitif, que lefdits Religieux veulent à present vsurper, est nouuelle & imaginaire. Car dans vn grand nombre d'actes qui ont esté faits avec eux, depuis 150. ans, touchant ladite Paroisse de saint Estienne, il ne s'en trouue vn seul, dans lequel ils ayent pris le nom de Curez primitifs, & au contraire par tous lefdits Actes, ils ont passé & donné au Curé titulaire de S. Estienne, la qualité de Curé, & de Prieur Curé, côme il appert par les cōtraicts de 1496. 1509. 1506. & faits pour raison des droits de la Cure & de la maison Presbyterale, par l'Arrest de 1510. donné contre les Pauures & Supposts de Montaigu, par la Sentence des Requestes du Palais de 1511. & par l'Arrest de 1512. donnez au profit de Monsieur l'Euesque de Paris, par le traicté fait en l'an 1536. avec frere Philippes le Bel, touchant la Confrairie du S. Sacrement pour luy & ses successeurs Curez, par vn contract d'acquisition fait par ledit le Bel, comme Curé en l'an 1539. & par les actes de Visite de ladite Paroisse de 1551. & 1585. par vne Requête de 1587. pour la suppression du petit Cœmeriere, par le contract de fondation de frere Ioseph Foulon de l'an 1602. par le contract de l'an 1608. fait avec F. Bernard Bourguignô lors Curé, pour vne rente appartenant à la Cure, par autre contract pour le Portail de l'an 1609. par les Prouisions de la Cure de S. Estienne, & par cent autres Actes estans en la production des deffendeurs, sous A, B, C, D, E, G, & I.

Et non-seulement les Religieux de sainte Geneuiefue n'ont point agy & traicté comme Curez primitifs avec la Paroisse de saint Estienne; mais dauantage ils ne peuuent auoir cette qualité, qui est extraordinaire en l'Ordre de saint Augustin: Car au chap. *Quod De timorem. De stat. Monach. & Can. reg.* qui est du Pape Innocent III. depuis le Concile de Latran, tenu sous Alex. II. qui auoit interdit aux Religieux l'administration des Cures,

les Chanoines Reguliers de S. Augustin ont esté declarez capables de tenir lesdites Cures, & les ont tousiours deseruiés en qualité de Prieurs Curés, laquelle exclut celle de Curé primitif, d'autant que le nom & le tiltre de Curé primitif, presuppose vn Vicair perpetuel, & seroit incompatible de veoir en vne mesme Paroisse, vn Curé titulaire, ou Prieur Curé, avec vn Curé primitif.

Celuy - cy rapporte que le Pape auoit resolu, entre vostre Abbé & Monsieur l'Euesque de Paris, à qui deuoit appartenir la Cure de sainte Geneuiefue : Et surce qu'il en auoit arresté, qu'ils s'estoient accordez qu'elle demeureroit à l'Euesque, à condition que vingt personnes seroient entretenues du reuenue d'icelle au seruice de l'Abbaye : En quoy il n'a esté fidele Historien : Car la contestation ne fust pas sur le petitoire, ny pour raison de la Cure de S. Geneuiefue ; ce fut sur le possessoire de la Cure de saint Estienne : *Olim super possessione iuris Parochialis in Parochia de Monte questione sub orta* : Ce sont les termes recitez en la Sentence du Pape Innocent III. interuenue sur cette question ; Et si l'accord du mois de Iuin 1202. ne porte pas que vingt personnes seroiēt entretenues au seruice del'Abbaye, aux despens de la Cure ; Il dict que vingt seruiteurs mangeans, couchans, & leuans dans ladite Abbaye, seront exempts de la Iurisdiction de l'Euesque, & de son Archidiacre. Et le bon homme s'est abusé en cecite affaire, comme en plusieurs autres, qui ont esté par luy rapportees sur des memoires qui luy ont esté fournis, sans les examiner, comme il recognoisten la Preface de son liure.

Il y a esté respondu cy-des-

La seconde, vn employ du liure de frere Iacques du Breuil, Religieux de saint Germain des-Prez des Antiquitez de Paris, liure 2. titre de l'Eglise de sainte Geneuiefue.

La 3. vn employ des Bulles d'Alexandre III. de l'an 1159.

Le chapitre *Olim*, fait mention - Les 4. & 5. pieces sont employs

tion d'une Sentence renduë par le Pape Innocent III. entre l'Euesque de Paris & l'Abbé

du chap. Olim. De restit. spol. & du Concordat de l'an 1202 avec des Contrenotes.

de sainte Genevieve, touchant la reintegrande demandée par ledit sieur Euesque du droit d'Excommunication & des autres droits Episcopaux & Parochiaux dans l'Eglise de S. Estienne, & porte que l'Euesque a esté debouté de ladite reintegrande, à faute d'auoir rapporté la preuue de sa possession.

Mais depuis l'instance du plein possessoire ayant esté instruite, sur les Enquestes & autres preuues rapportees de part & d'autre, le mesme Pape Innocent III. a rendu vne autre Sentence le 24. Decembre 1201. qui est produicte par les deffendeurs, & sera cy-apres transcripée; par laquelle le Chapellain ou Curé de ladite Paroisse, & tous les Habitans d'icelle sont declarez subjets à l'Euesque, & l'Euesque maintenu en tous les droits Episcopaux & Parochiaux qui luy appartenoient de droit commun.

Et par là on peut reconnoistre la supposition & absurdité de la proposition desdits Religieux, qui ont ozé mettre en auant que Monsieur l'Archeuesque de Paris n'a autre droit en l'Eglise S. Estienne, que celuy qui luy a esté concedé & permis par lesdits Religieux, par le Concordat du mois de Iuin 1202. Car par la Sentence du Pape Innocent III. qui precede le Concordat, tous les droits Episcopaux & Parochiaux de ladite Eglise ont esté cōseruez à l'Euesque, & ce au possessoire par forme de maintenue; ce qui monstre qu'auant ladite Sentence, & de tout temps, il estoit en possession d'iceux.

Dans le veu de ladite Sentence, il est fait mention que les Religieux de sainte Genevieve abandonnoient à l'Euesque la plus grande partie de ladite Paroisse, & ne demandoient l'autorité & Seigneurie Spirituelle que sur le lieu appelle le Bourg de sainte Genevieve, qui estoit fort petit, & ne comprenoit que le Cloistre ancien des Chanoines Seculiers, qui estoit basti sur la croupe de la montagne, entre le Portail, qui paroist encores auourd'huy deuers le College de Montaigu, & la Rue des Pre-

stres proche l'Eglise de S. Estienne, & aboutissoit par bas à la rue des Amandiers, où il y auoit autrefois vn autre Portail : Et neant moins les demandeurs, plus hardis que leurs predecesseurs, se disent aujourdhuy Seigneurs Spirituels, non seulement du lieu où estoit ledit Bourg de sainte Geneuiefue, mais de la Paroisse entiere, & veulent conduire la Procession du Sainct Sacrement en tout l'estenduë d'icelle, avec la Crosse & la Mitre Abbatiale, & les autres ornemens Episcopaux : Ce qu'ils ne peuuent faire non pas mesme au lieu dudit Bourg de Sainte Geneuiefue, proche ladite Abbaye, d'autant que par ladite Sentence on ne fait point de difference entre ledit Bourg & le reste de la Paroisse, mais elle donne absolument & indifferemment à l'Euesque, *Omne ius Episcopale & Parochiale, in tota Parochia de Monte.*

Il n'y a que deux exceptions par ladite Sentence: L'vne, pour les interdicts & excommunications émanées de l'Euesque, dont il est dict que la Paroisse demeurera exempte: Et l'autre, pour l'institution, ou destitution du Curé ou Chappelain, qui fut laissée ausdits Religieux. Ce qui fut ainsi ordonné au possessoire, pour ce qu'auant l'establissement de ladite Paroisse, qui commençoit lors à naistre, lesdits Religieux estoient en possession de l'exemption dans l'Eglise de sainte Geneuiefue, où ladite Paroisse estoit lors deserte, & auoient vsurpé l'autorité d'instituer, & de destituer le Chapellain qui administroit les Sacremens à leurs seruiteurs & domestiques : Mais comme ceste possession estoit contraire au droit public, & ne pouuoit subsister, mesme apres la creation de ceste nouvelle Paroisse, la mesme Sentence a reserué audit Sieur Euesque ses droits & actions au petitoire : *Ex his, dict le Pape, quæ super possessorio in presenti iudicio sunt definita, circa questionem proprietatis nolumus præiudicium generari.*

Or en execution de ladite Sentence, au lieu d'instruire le procès au petitoire, six mois apres a esté fait le Concordat du mois de Iuin mil deux cens deux, par lequel les choses ont esté remises dans l'ordre du droit commun, mesme pour les deux cas qui auoient esté exceptez au possessoire par ladite Sentence, & arre-

sté qu'à l'Euesque seul appartenoit absolument & indefiniment, *omneius Episcopale seu Parochiale in tota Parochia de Monte.*

Il dict, *Omneius Episcopale seu Parochiale*; afin de comprendre vniuersellement tous les droicts Episcopaux & Parochiaux: Et apres il exprime que l'Abbé & les Religieux n'auront que la simple presentation de la Cure: ce qui exclud le droict de destitution du Curé qui leur auoit esté donné par ladite Sentence, & n'eust esté obmis dans ledit Concordat, s'ils eussent entendu le conseruer, attendu mesme que ceste faculté de destituer, estoit contraire au droict commun, & à la Constitution du Pape Alex. III. au chap. *Ad hac De off. vic.* qui auoit ordonné que les Cures seroient deseruies par des titulaires & Curez perpetuels.

Et quant à l'institution, le mesme Concordat porte qu'elle demeurera à l'Euesque, qui estoit aussi fondé pour ce regard au Droict public *cap. 1. de Capelle. Monach. & Can. Regul.*

Il adioute que le Curé de S. Estienne, *ad mandatum Episcopi vel Archidiaconi Parochianos ligabit & soluet, & licebit Episcopo & Archidiacono in singulos de dicta Parochia & omnes, interdicti, vel excommunicationis ferre sententiam*, & que le Curé de saint Estienne ne pourra receuoir en son Eglise, *interdictos seu excommunicatos de ipsa Parochia vel alios*, pour monstrier qu'il ne restoit aucune exception qui peust empescher l'Euesque d'agir librement & absolument en ladite Paroisse, à l'exclusion desdits Religieux, puisque apres l'expression de ces termes generaux, *omneius Episcopale seu Parochiale*; on confirme encores particulièrement son pouuoir & autorité aux deux cas, qui seuls auoient esté exceptez par la sentence du Pape.

On dict aussi, *in tota Parochia*, pour comprendre le Bourg de sainte Geneuiefue, qui auoit esté vendiqué par lesdits Religieux en l'instance possessoire, ensemble l'Autel de la Paroisse, qui estoit lors dans ladite Eglise de sainte Geneuiefue.

Et neantmoins par ledit Concordat, *ab hac generalitate*, c'est à dire, de la puissance generale & vniuerselle de l'Euesque; on excepte vingt seruiteurs & domestiques de l'Abbaye, demeurans

dans l'enclos des lieux Reguliers, & six autres seruiteurs demeurans hors lefdits lieux; Mais ladite exemption ne regarde que l'article de la iurisdiction, & par ce moyen lefdites personnes exemptes sont demeurees sujettes à l'Euesque, en tout ce qui dépend de l'Ordre & de la Loy Diocesaine, & generally pour tous les droicts Episcopaux & Parochiaux, à la reserve de la iurisdiction seulement. Et de plus, ceste exemption de iurisdiction, est restraincte aux personnes desdits seruiteurs, sans qu'elle puisse s'estendre à leurs familles, non pas mesme à leurs femmes, lesquelles par le Concordat sont subiectes à la iurisdiction de l'Euesque; & s'il arrive quelque differend entre elles & leurs maris, en fait de separation de mariage, il est dit qu'en ce cas ladite exemption n'aura point d'effect, pource que l'on n'a pas voulu qu'en aucun cas, les femmes & le reste de la famille desdits seruiteurs, iouïst de ladite exemption, non pas mesme es causes où leurs maris auroient interest.

Par les contrenotes, faites par les demandeurs sur ledit Concordat, ils supposent que toutes les Cures estans à la nomination de ladite Abbaye, sont exemptes des droicts de Procuration & de Synode, & que par la raison de leur privilege, la Cure de saint Estienne a esté deschargee des mesmes droicts par ledit Concordat: Et neantmoins ils n'observent pas que par le mesme Concordat ils se sont obligez de payer à Monsieur l'Euesque de Paris par forme d'abonnement & composition sur la Cure de Roissi, la somme de quatre liures parisis par chacun an, pour tous les droicts de Procuration deus audit sieur Euesque, tant sur ladite Cure de Roissi, que sur les autres Cures & Chapelles dépendantes de ladite Abbaye. Ce qui montre que le pretendu privilege desdits Religieux est imaginaire, & que la Cure de saint Estienne ne peut avoir esté deschargee des droicts susdits, en faueur & consideration de ladite Abbaye: Mais la seule raison de ceste descharge vient de ce qu'au temps de ce Concordat ladite Paroisse de saint Estienne avoit esté nouvellement renfermee dans l'enceinte des murs de la Ville: Car comme le droict

de Procuration a esté accordé aux Euesques, pour les soulager de la dépense extraordinaire à laquelle ils sont obligez, en faisant leurs Visites hors le lieu de leur résidence ordinaire; & pour cette raison, dans nostre Concordat il est appellé *Circata à circuitu*, on a iugé raisonnable d'affranchir & exempter de ces prestations, les Cures qui sont deservies dans les mesmes Villes où est le Siege Episcopal, pource qu'elles peuuent estre visitées commodément & sans frais. Et de faict, il est inouï, & sans exemple, que les Euesques de Paris ayent iamais leué aucun droit de Procuration ou de Synode sur les Curez de cette Ville; & depuis vingt ans Monsieur l'Archeuesque de Bourges ayant demandé aux Curez de la ville de Bourges vn droit de procuration, à cause de la visitation de leurs Eglises; il en a esté debouté par Arrest du Parlement du 16. Ianuier 1620. pour ce que la visite des Eglises des villes Episcopales doit estre gratuite.

Et au reste, encores que le Concordat ait esté fait avec Monsieur l'Euesque de Paris seul, & non avec le Curé de S. Estienne, neantmoins on a vsé conioinctemēt de ces termes, *Omne ius Episcopale seu Parochiale*, c'est à dire, Episcopal & Curial, qui comprend, l'administration des Sacremens, la predication de la parole de Dieu, l'ordre du seruice Diuin, & des Processions, les sepultures, & generalement tout ce qui va à la Cure des ames, afin de conseruer en la personne de l'Euesque, les droits du Curé de saint Estienne; comme estants les interets de l'vn & de l'autre à l'esgard desdits Religieux, communs & inseparables: D'autant que les Euesques gouvernent leurs Dioceses par les Curez, Et comme le Curé conduit sa Paroisse, sous l'autorité & en vertu de l'institution de l'Euesque, & l'Euesque exerce dans la Paroisse, ses droits Episcopaux, par l'ordre & le ministère du Curé, on n'a peu veiller par ledit Concordat à la conseruation des droits Episcopaux dans ladite Paroisse, sans pourueoir par mesme moyen aux droits Paroissiaux appartenans au Curé qui sont émanez, & procedent originairement de la puissance Episcopale, d'autant que le pouuoir de l'vn est sub-ordi-

né à l'autre, & dans les fonctions qui ont esté laissées aux Curez, ils representent veritablement les Euesques en leurs Paroisses.

Ces Bulles ne peuvent servir ausdits Religieux, puisque le Concordat confirmé par icelles, les à exclus absolument de tous les droits qu'ils pretendoient en ladite Paroisse.

La 6. vn employ des Bulles d'Innocent III. confirmatiues du Concordat du mois de Iuin 1202.

Dans ce Bref la Paroisse de saint Estienne est appelée par lesdits Religieux *Parochia eorumdem*, laquelle énonciation qui vient de leur part, ne peut faire prejudice au Curé & aux Paroissiens de saint Estienne qui n'ont esté ouys lors de l'expédition de ce Bref: Et neantmoins il n'est point croyable que lesdits Religieux ayent voulu s'attribuer la direction de ladite Paroisse, veu que vingt ans auparavant, toutes leurs pretensions auoient esté reduites, par la Sentence du Pape Innocent III. de l'an 1201. & par le Concordat de l'an 1202. à la simple presentation de la Cure: Mais ces termes *Parochia eorumdem* ne veulent dire autre chose, sinon que la Paroisse estoit lors deseruie par forme de precarie en l'une des Chapelle de sainte Geneuiefue, ou plustost que leur Abbaye & les officiers & Seruiteurs d'icelle estoient subiects à ladite Paroisse: Car quand par la sentence du Pape & par ledit Concordat on à conserué absolument & indistinctement à l'Euesque, & en sa personne, au Curé de S. Estienne tous les droits Parochiaux *In tota Parochia de Monte*, ces mots, *In tota* ont esté exprimez pour monstrier que le pouuoir dudit Curé s'estendoit dans le Bourg & dans l'Abbaye de S. Geneuiefue, sur les domestiques, officiers & autres personnes demeurans en icelle, mesme sur les vingt six seruiteurs qui ont esté exemptés par le mesme Concordat de la Iurisdiction de l'Euesque, comme estans tous lesdits seruiteurs & autres domicilieez en ladite Abbaye du corps de la Paroisse,

La 7. vn Bref du Pape Honoré III. de l'an 1221.

& receuans les Sacremens en la mesme Chapelle ou les Paroissiens de S. Estienne s'estoient retirez en attendant la construction de leur Eglise: Et dans l'usage toutes les personnes seculieres demeurantes dans l'enclos de l'Abbaye de Sainte Genevieve ont perpetuellement receu les Sacremens & les sepultures par les mains du Curé & des Prestres de Saint Estienne: Et quand Monsieur le Cardinal de la Rochefoucault à present Abbé de Sainte Genevieve a desiré, à la feste de Pasques, administrer la Communion à ses Officiers & domestiques, il a enuoyé ses Aumosniers, mesme fort souuent le sieur Adamson pour prendre la permission du Curé de S. Estienne. Comme aussi les defendeurs ont iustifié en leur production nouvelle que les Abbez de Sainte Genevieve, & specialement ledit Seigneur Cardinal de la Rochefoucault ont présenté le pain benist à leur tour en l'Eglise de S. Estienne comme Paroissiens d'icelle.

Et du temps de deffunct M. de Brichanteau, precedent Abbé, ses Neveux naiz dans la maison Abbatiale, ont esté Baptisez en l'Eglise & sur les fonts de la Paroisse: Et luy mesme en sa dernière maladie à receu le Viatique & l'Extreme-Onction, par les mains du Curé de S. Estienne, qui a pris l'Hostie & les Saintes Huilles en son Eglise. Et si l'on veut encôres remonter plus hault, les anciens Religieux & Officiers de ladite Abbaye sçauent, que Frere Ioseph Foulon aussi Abbé de Sainte Genevieve, à esté administré & communie auant son deceds, par M. Denis Dauiau Vicaire de S. Estienne, en presence dudit sieur de Brichanteau, lors son Coadjuteur & de tous les Religieux de ladite Abbaye.

Par ce mesme Bref du Pape Honoré III. Les Religieux de Sainte Genevieve ont demandé permission de faire bastir vne Eglise Parochiale hors l'enclos de leur Eglise, à cause que la Chapelle ou les Paroissiens se retiroient pour lors, n'estoit capable de les contenir. Mais le Pape ny a point voulu toucher, & a remis l'affaire au iugement de l'Euesque de Paris, & si les choses sont demeurées aux termes de

ce Bref, c'est vn acte imparfaict & vne simple commission de renuoy, dont on ne peut induire, que lesdits Religieux ayent fait construire l'Eglise de Saint Estienne, puis qu'ils n'auoient la liberté d'y faire trauailler sans la permission & ordonnance expresse de l'Euesque, laquelle ne paroist point. Et si lesdits Religieux vouloient communiquer de bonne foy ce qui a esté fait en execution du Bref du Pape, on verroit que Monsieur l'Euesque de Paris a reietté leur requeste, & empesché la construction qu'ils vouloient faire de ladite Eglise Paroissiale, laquelle n'estoit par eux proposée, que pour auoir vn pretexte de se rendre maistres de ladite Eglise, & faire reuiure leurs anciennes pretensions dont ils auoient esté debouttez par la sentence du Pape Innocent III. & par le Concordat de l'an 1202.

Mais le Contract de Bail à rente de l'an 1491. fait entre les Abbé & Religieux de saincte Geneuiefue & les Marguilliers de Saint Estienne, touchant l'accroissement de leur Eglise, fait cognoistre euidentement, que les premiers bastimens d'icelle ont esté faits aux despens des Paroissiens : car quand on parle de ladite Eglise & des dependances d'icelle, on ne dit pas qu'elle appartienne ausdits Religieux, n'y qu'elle ait esté par eux construite, & aucontraire par toutes les clauses dudit contract ils recognoissent que cest l'Eglise & le Clocher des Marguilliers & de la Paroisse: Et en suite on adiouste que les Marguilliers de S. Estienne iouyront des lieux mentionnez audit contract *comme de leur chose, & des appartenances de leur Eglise*, sans que lesdits Religieux ayent déclaré qu'ils y eussent aucun droit ancien, ny que par ledit contract ils ayent retenu autre charge ny seruitude, sinon qu'en baillant leur fonds & domaine pour accroistre ladite Eglise, ils ont imposé ceste loy, que l'on ne pourroit esleuer le Clocher de ladite Eglise qu'à certaine hauteur, ny mettre vne esguille au dessus d'iceluy, laquelle expression, & retention de ceste seruitude particuliere, monstre que l'Eglise de Saint Estienne est libre & franche de tous les autres

deuoirs ausquels on la veut maintenant afferuir, & que lesdits Religieux n'ont contribué chose quelconque pour le fonds, ny pour les bastimens de ladite Eglise, & qu'ils n'ont aucun droit auctorité ny superiorité en icelle.

Et si ledit contract fait mention que l'on s'est pourueu par requeste, pour acquerir desdits Religieux, vne partie du fonds de leur maison, dont on auoit besoin pour l'augmentation des bastimens de ladite Eglise, c'est que l'on a traité avec eux, non seulement comme propriétaires dudit fonds, mais aussi en qualité de Seigneurs Censiers, & cherché le moyen de les disposer par cette deference, à vendre plus librement leur domaine, & en accommoder les Marguilliers de Saint Estienne, qui estoient gens de main-morte, & consequemment incapables de posséder des heritages sans le consentement du Seigneur.

Lesdits Religieux veulent se preualoir, de ce que par le mesme Bref ils ont demandé le pouuoir de faire deservir ladite Paroisse *per proprios Canonicos*, mais le Pape n'a pareillement rien ordonné pour ce regard, & a renuoyé le tout à l'Euesque. Et d'ailleurs cela ne pourroit auoir autre effect, sinon de rendre lesdits Religieux capables de tenir la Cure, ce qui n'est point maintenant en contestation, & non pour leur donner la faculté de la faire administrer par obediencia & commission, d'autant que depuis le Concordat del'an 1202. elle a esté perpetuellement conferée en tiltre.

Ce ne sont pas Bulles, c'est vn bref auquel il a esté respondu. Et il n'est pas vray que cette 9. piece soit vn acte passé deuant Notaire, ny que par iceluy vostre Abbé ait donné permission a aucun de fonder deux messes *in Capella per eum in Monasterio construenda*, *in platea vacua ante fontes*

La huitiesme vn employ des Bulles de Clement 4. de 1267.

La neuuiesme vn acte passé deuant Notaires en l'an 1335. par lequel vn Abbé de Sainte Geneuiefue permet aux y desnommez de fonder deux Messes *in Capella per eum in nostro Monasterio construenda.*

ainsi que vous supposez ; Ce n'est qu'une homologation non signée, d'un acte qui n'est pas lisible: Et cette Chapelle que l'on vouloit faire bastir en vostre Monastere, n'ayant point esté bastie, ne iustifie pas comme vous pretendez que vous ayez fait bastir l'Eglise de saint Estienne en execution du Bref d'Honoré III. ny moins que vous soyez fondateurs de cette Eglise.

Cet acte est suspect en ce qu'il est pardeuers vous en original au lieu qu'il deuroit estre pardeuers le Collateur: & d'ailleurs il est inutile en ce lieu, attendu que la faculté d'y presenter ne vous est pas controuuée.

La 10. un acte de May 1444. de presentation faite par nostre Abbé à la Cure de S. Estienne d'un de nos Religieux.

Elle ne regarde que l'économie temporelle de vostre maison & ne vous fait pas Eueque de la Paroisse de S. Estienne du Mont.

La 11. une Commission de Septembre 1449. de l'Abbé à un de nos Religieux de visiter les maisons dépendantes de nostre Abbaye.

Il ne faut pas y adjouster foy pour ce que ce n'est qu'une coppie laquelle vous prétendez contre vérité estre inserée en un des Registres de nostre Fabrique, dont vous avez osé cotter le feuillet contre la mes-

La 12. une coppie de lettres de Pierre Abbé du mois de Novembre 1461. pour monstrier que des ce temps nos predecesseurs accorderent une partie de nostre Infirmerie pour augmenter l'Eglise de S. Estienne.

me vérité & contre la démonstration de tous lesdits Registres que vous avez eu en vos mains pendant plus de deux mois. A quoy nous adjouſtons qu'en l'an 1491. vos predecesseurs firent un contract avec les nostres, (1. piece de la lettre L. de nostre production) par lequel ils leur vendirent partie de ladite infirmerie, pour accroistre nostre Eglise, & partant il n'est pas vray

que ledit Pierre Abbé ait accordé la mesme partie d'Infirmierie en 1461. puis que vosdits predecesseurs l'ont vendu aux nostres en 1491. trente ans apres lescrites lettres.

Vous ne faites point apparoir que ce relief ait esté exploicté, ny qu'il ait esté rendu Arrest sur iceluy; & l'on peut apprendre par la lecture qu'il ne s'agissoit que de voyes, de faict & de delicts communs.

La 13. vn relief d'apel comme d'abus d'Auril 1472. interjecté par Frere Iacques Malaquin Religieux de Sainte Geneuiefue & Curé de S. Estienne, des citations de l'Euesque de Paris.

Pour la sentence elle n'a iugé qu'une absolution à cautele en faueur dudit Malaquin, qui auoit esté excommunié

La 14. vne Sentence du Preuost de Paris, de Septembre 1473. en faueur dudit Malaquin.

par son Abbé, faute de luy auoir voulu payer 20. liures qu'il pretendoit luy estre deubs par le Curé de saint Estienne, & que depuis cette sentence vous ne monstrez point qu'il ait esté iugé que l'Abbé de sainte Geneuiefue eust vne redeuance de 20 liures de rente à prendre sur le Curé de saint Estienne.

Si cette Cure a esté resignée, il est vray de dire que ce n'est pas vne commission que vous puissiez faire excercer par vn de vos Religieux reuocable à vostre volonté, & que vous n'en estes pas Curez ny Seigneurs spirituels comme vous pretendez.

La 15. vn acte de prise de possession de 1479. de la Cure de S. Estienne, par vn de nos Religieux qui rapporte en auoir esté pourueu par resignation.

Doncques il n'est pas vray que l'Abbé Pierre l'eust accordé en l'an 1461. ny que vous

La 16. vn Bail à rēte de l'an 1461. fait à vos predecesseurs par les nostres, de partie de nostre Infirmierie.

soyez

soyez Patrons, fondateurs ny bien-faicteurs de l'Eglise de S. Estienne.

Elle n'est pas considerable pour plusieurs raisons, la premiere, que la qualite d'un benefice ne s'establit pas par attestations ny par tesmoins: la

La 17. vne attestation du 27. de Ianvier 1505. de la qualite & condition de la Cure de S. Estienne, pour monstrier quelle nous est suiect.

2. que quand il est question

de modo vtendi. Il en faut informer par tourbes, lesquelles soient composees de personnes capables d'en rendre tesmoignage, & nul ne pouuoit mieus deposer de ce fait, que les Prestres habituez en cette Paroisse, & les Marguilliers qui estoient lors, Pierre Iulian, Nicolle Poissonet, Sebastian Iulian, & Louys de Gredelieu, ainsi qu'il resalte de la premiere piece de la lettre G. de nostre production fol. 1. verso; & toutesfois nul d'iceux n'a esté appelle, il n'y a eu qu'un Curé du village du Breuil, dont vous estes seigneurs temporels, vn autre Prestre, vn Aduocat, quatre Bouchers, vn Cordonnier demeurant lors dans vostre maison, & vn Laboureur. La troisieme, qu'elle est contraire au Droiect Diuin & humain, qui mettent les Cures & les Paroisses en la main des Euesques Diocesains. La quatrieme, qu'elle contreuient au Concordat du mois de Iuin 1202. qui a restitué la Cure & les Paroissies à Monsieur l'Euesque de Paris Diocesain: *Parisiensis Episcopus habebit omne ius Episcopale seu parochiale in tota parochia de monte, & prebyter qui illi parochie spiritali pro tempore ministrabit, ab eo Curam recipiet animarum & parochianos ipsius ad eius mandatum ligabit & soluet.* La cinquiesme, que par l'Arrest du 21. de Iuliet 1512. sept ans depuis cette attestation, il a esté iugé que l'Euesque auoit tout le droiect Episcopal & Curial sur ladite Paroisse, conformément audit Concordat de Iuin 1202. La sixiesme, que les actes de possession sont au contraire. Et la septiesme, que tous ceux qui ont este Curez en ont pris prouision de Monsieur l'Euesque de Paris, ont suby ses vi-

B S G

fités: F. Ioseph Foulon Abbé en estant Curé a suby sa iurisdiction, ses admonitions, ses ordonnances, pour la police del'Eglise; & tous ont agy comme Curez en titre pour les droicts de la Cure, mesmes contre vos predecesseurs, dont nous auons rapporté pieces iustificatiues, sous les lettres C, D, & E, de nostre production.

C'est chose estrange, que vous induisez ordinairement des pieces contre leur teneur: ce n'est pas vn Arrest, c'est vn procez verbal de l'execution d'un Arrest, qui a iugé quel'Euesque de Paris n'auoit point droit de deport sur vostre Prieuré de Rouëssi.

La 18. vn Arrest d'Auril 1527. qui nous a declaré exempts de la Iurisdiction de l'Euesque de Paris.

Ergo, Ce n'est pas vne Chapelle qui soit dépendante de vostre Abbaye, & que vous puissiez faire deservir par forme de commission par vn de vos Religieux: C'est vn titre perpetuel de benefice d'ot vous n'auiez que la presentation, hors laquelle tout en appartient à Monsieur l'Euesque, nonobstant que vous soyez exempts de sa iurisdiction, suivant la doctrine de Panorme, sur le chapitre, *Cum & plantare de priuileg. & excessib. priuilegiator.*

La 19. vne prouision de 1527. de la Cure de S. Estienne, accordée par l'Euesque de Paris à Frere Jacques Aymeric nostre Religieux.

Ce renuoy a esté fait dans l'ordre, attendu qu'il estoit question de discipline reguliere, laquelle doit estre en la puissance & en la disposition des Superieurs, reguliers & cela ne nous regarde point.

La 20. vn renuoy du 3. de Iuillet 1528. de l'Official de Paris à l'Abbé de Sainte Geneuiefue, de Frere Mathieu Mouton Religieux.

Si cette prouision estoit veritable, elle seroit demeurée pardeuers le pourueu, & ne se trouueroit pas és mains de ceux qui l'ont donné: de plus ce n'est pas vne charge dont l'institutio appartienne au Curé, elle est en la pleine & libre disposition des Marguilliers; & à cause de ce, ce Clerc est qualifié Clerc de l'Oeuure, c'est à dire, Clerc des Marguilliers seants en l'Oeuure: De sorte que ces lettres de prouision ne peuuent passer que pour vne piece faite à plaisir & de nulle consequence, ioint qu'elle n'est suivie d'aucune autre, ny de possession.

Frere Philippes le Bel Abbé, & lors Curé en titre de Saint Estienne estoit present à cette acquisition, pource que la somme de mil sept cens vingt liures que nos predecesseurs Marguilliers en payerent, procedoit des deniers de la fondation qu'il en auoit faite en ladite Eglise le 10. du mois d'Octobre precedet

de la mesme année 1556. auquel temps Octobre precedoit Feurier, pource que l'année ne commençoit qu'à Pasques: ioinct que par le contract de fondation par vous produit sous I, ledit Frere Philippes le Bel auoit stipulé le remploy de ladite somme estre fait en sa presence, & qu'il en iouïroit sa vie durant.

Ce Religieux a pris possession en vertu de prouisions de Cour de Rome, qu'il a dit tenir en ses mains, lesquelles ne sont point dattees par ladite prise de

La 21. prouision du 15. de Decembre 1538. données par l'Abbé de Sainte Geneuiefue à Martin Gilles Prestre Clerc de la Fabrique de S. Estienne.

La 22. vne acquisition de Feurier 1556. faite par vos predecesseurs Marguilliers de S. Estienne de cent quarente - trois liures sept deniers de rente, en laquelle estoit present Frere Philippes le Bel Abbé.

La 23. vn contract de fondation du 10. d'Octobre precedent.

La 24. vne prise de possession de la Cure de S. Estienne par le Masle, vn de nos Religieux.

pource qu'en effet il

n'en auoit point obtenu, & que le lieu estoit rempli dès le 25. d'Aoust 1560. de la personne de Frere Ioseph Foulon Abbé, qui en auoit pris possession en vertu de signature de Cour de Rome, sur la resignatio de Frere Eustache le Secq; & en qualité de Curé auoit assisté aux assemblees de la Paroisse de ladite année 1560. comme il resulte des 2. & 3. pieces de la lettre B, & de la quittance signee de luy des Objets qui luy furent payez, deuxiesme piece de la lettre D. de la production des Marguilliers: mais de quoy vous peut seruir cette prise de possession au fait dont il s'agit.

Ces contractz font veoir, que vous n'avez rien donné à l'Eglise, que vous avez esté satisfaits pleinement de tout ce que vous avez baillé pour la bastir & l'accroistre, & par conséquent que vous n'en estes point Patrons fondateurs. Et ne faut pas vous preualoir de ce que ces cōtracts, & quelques autres faits avec vous, portent que l'on vous a présenté requeste auant que les passer, parce que l'on en vse ainsi enuers plusieurs communautéz, Et quencores qu'en particulier vous eussiez accordé de traiter & de vendre; neantmoins vostre vanité vous a porté à ce poinct, de vouloir que l'on vous en fust demande par des requestes, & qu'il en fust fait mention par des contractz, de quoy nos predecesseurs Marguilliers & Paroissiens traittans, n'ont point fait difficulté, tant ils auoient de zele à l'augmentation, embellissement & commodité de la Paroisse & du public: joint que ces places estoient de vostre maison.

Cette piece ne fait point de foy de vostre pretenduë gratification. Car ce n'est qu'une copie que vous presupposez auoir esté collationnée à un original qui n'est point, & que vous ne

La 25. vn contract de 1605. fait entre nous & vous, pour les bastimens des Charniers de S. Estienne.

La 26. vn autre contract de 1609. pour le portail.

La 27. vn alignement donné gratuitement pour le bastiment du portail.

pouuez mōstrer; & n'est pas à presumer que vous l'ayez accordé gratuitement, nō plus que les autres choses mentionnées és precedents contractz: Et quand ledit alignement seroit gratuit, c'est vn tiltre bien foible pour prendre la qualité de Seigneurs & fondateurs d'une Eglise: il seruiroit plūtoſt pour dire que vous auez droict de voirie sur les places mentionnées audit alignement.

Il confirme tous les contractz de vente que vous auez fait de vōtre fonds à nous & à nos predecesseurs pour bastir & augmenter nostre Eglise, sur laquelle il ne vous reſerue point de Seigneurie spirituelle ny temporelle.

La 28. copie d'un Arrest de Juin 1619.

Ces cinq pieces ne iustificient autre chose, ſinon que vous auez droict de Voyrie, en consequence duquel il faut vous demander permission de planter des bornes, & de construire des Perrons és lieux où vous auez ce droict, & pour estre Seigneurs Censiers, vous n'estes pas pour cela Seigneurs spirituels ny temporels.

Les 29. 30. 31. 32. & 33. ſont vne permission que nous vous auons donnée de mettre vn Perron & des bornes au deuant de l'Eglise de S. Estienne, vne sentence de nostre Bailly, qui vous a defendu de passer outre à la construction du Perron du Cæmetiere, ſans prendre alignement, deux exploicts de ſignification, & vn procez verbal d'execution de cette sentence.

Il n'y a pas vn mot en cette transaction de ſuperiorité spirituelle ny temporelle, & l'on tranſigé tous les iours avec ſes voiſins & autres, ſans pour cela dépendre d'eux ny au ſpirituel ny temporel.

La 34. vne tranſaction pour le rebauffement du clocher de Saint Estienne, faite en l'année 1624.

Il ne peut produire aucune consequence, pource qu'il n'a point eu d'effect.

Celuy qui a fait ce registre en 1573. n'a peu obliger l'Eglise ny les Paroissiens, pource qu'il ne l'a point fait par leur ordre; il ne l'a point fait autoriser par acte d'assemblée; il ne l'a point fait intituler, signer ni approuver, & ce n'est qu'un memoire qui ne se peut retourner que contre luy seulement.

D'ailleurs il faut observer, que ce Registre contient deux articles touchant la presentation de cette Bougie, l'un au feüillet 244. recto, l'autre en retrogradant au feüillet 171. verso.

Au feüillet 244 recto, qui est le premier où il en a esté parlé, quoy que le dernier en nombre des feüillets, il est porté en teste [Decembre vingt cinquième] & au milieu de la page [Ce jourd'huy apres Vespres les Mar-

guilliers portent à l'Abbé de Sainte Genevieve une liure de Bougie qui est ordinairement rouge, que ledit Sieur dit luy estre due, comme Seigneur foncier de l'Eglise de S. Estienne.

Cet article escrit comme le corps de tout le Registre, est rayé, & à costé est escrit d'une autre main [Cet article a esté rayé,

La 35. vn contract d'eschange.

Le procez verbal que nous avons produit sous D, contient plusieurs extraicts des Registres de vostre Fabrique, qui marquent nostre superiorité au spirituel & au temporel de l'Eglise de S. Estienne.

A sçavoir, celuy mentionné au quatrième feüillet d'un de vos Registres fait en l'année 1573. lequel porte, Que l'on doit bail-
ler une liure de cire vermeille en chandelle à l'Abbé de Sainte Genevieve, pour la reconnoissance de sa superiorité en ladite Eglise.

Un autre au huitième feüillet d'un Registre de 1609. qui fait mention de la mesme reconnoissance.

Un troisième au vingt-troisième feüillet, d'un compte de Juillet, 1528. qui traite de ladite bougie.

Un autre au vingt-troisième feüillet, d'un compte de Juillet, 1528. qui traite de ladite bougie.

parce que la presentation de ladite bougie se doit faire le deuxième d'Aoust, suiuant vn contract du cinquième de Decembre 1519.]

Et en retrogradant au feuillet 171. verso dudit Registre intitulé [*deuxième d'Aoust.*] Celuy qui a escrit l'apostil de l'article rayé audit feuillet 244. recto, pour penser reestabli ce qu'il auoit rayé, a escrit aussi ces mots: *Nota, Que ce iourd'huy deuxième d'Aoust l'on doit presenter vne liure de cire vermeille en chandelle à l'Abbé de Sainte Geneuiefue, pour reconnoissance de sa superiorité en l'Eglise de Saint Estienne, suiuant le contract du cinquième de Decembre 1519.*

De maniere que l'article dudit feuillet 244. estant rayé, & celuy du feuillet 171. n'ayant point de fondement que cet article rayé auquel il est relatif, & vn contract que l'on datte du cinquième de Decembre 1519. que vous ne representez point, & que vous ne pouuez représenter, pource qu'il n'a point esté, cette redevance pretendue n'ayant point esté exigee, & n'en estant point fait mention ny reserue dans vn seul de tous les contracts de vente que vous auez fait de temps en temps à nos predecesseurs, ny en l'Arrest de 1619. qu'il les a confirmé: Il est vray de dire, que vous n'avez point d'establissement de ce droit, que cedit droit ne vous est point deub, & que cet extraict du feuillet 244. recto dudit registre de 1573. ne vous donne point de marque de superiorité ny au spirituel ny au temporel sur la Cure de S. Estienne, Non pas mesmes quand il vous seroit deub; car ce ne seroit qu'une simple rente qui feroit partie du prix du fonds que vous auez vendu pour accroistre ladite Eglise, laquelle sans doute a esté admortie, veu que celuy qui a rendu ce compte en l'uiillet 1528. dont vous auez fait extraict au 23. feuillet de vostre procez verbal, dit qu'il ne l'a point payé en son temps, qu'il n'en auoit point d'acquit, que la despense ne luy en a esté alloüee qu'à la charge d'en apporter quittance, que depuis ce temps il n'en a point esté parlé, & que vous mesmes ne l'avez point demandé en Avril 1619. lors que vous nous auez demandé la continuation d'une rente de dix liures, dont toutesfois vous auiez receu le rachat.

Et quant au deuxiesme Registre il ne si faut pas arester pour ce qu'il est relatif au premier qui ne contient qu'un article rayé, & l'énonciation de ces registres n'est point considerable puisque des choses y énoncées, vous n'avez ny titre ny possession.

Il deuoit estre fait ainsi pour ce que ledit Abbé Foulon estoit Curé en titre de la Paroisse de S. Estienne.

Au 5. feuillet recto de ce proces verbal, il est porté qu'en 600 il fut deliberé avec l'Abbé Foulon de l'adoration de la Croix & du service du iour du grand Vendredy.

Cette homologation, n'est pas un acte de Curé. Un particulier auoit fondé vne Messe, pour laquelle il auoit traicté avec le

Au 7. feuillet, vne homologation par l'Abbé, d'une fondation faite à saint Estienne.

Curé & plusieurs Paroissiens de S. Estienne. & pour faire éclaircir cette fondation il auoit desiré que les Prestres de la famille & de la connoissance fussent preferez aux estrangers, & qu'ils fussent agréés par les Abbez de Sainte Geneuiefue sur la nomination qui leur en seroit faite, & l'approbation faite par l'Abbé dudit contract de fondation n'a esté que pour accepter le droit qui luy estoit donné par le mesme contract d'aggreer ledit Chappellain, ce qui pouoit aussi bien estre deféré à un autre qu'àudit Abbé par ledit fondateur.

Il estoit Euesque sacré de Laon; il ne l'a pas benit comme Abbé de Sainte Geneuiefue, car il n'estoit point assiste d'aucuns Religieux de l'Abbaye, mais seulement (comme le porte l'acte) de ses Au

Au 9. feuillet recto de ce proces verbal, il est porté que Monsieur de Brichanteau Abbé de Sainte Geneuiefue à benit le fonds de terre des Cherniers de saint Estienne.

mosniers, du Curé de l'Eglise & des Marguilliers & Paroissiens. Et il est vray qu'il l'a benit par la permission de Monsieur l'Euesque

uesque de Paris, veu qu'il n'est qualifié qu'Euesque, qu'il n'est point parlé de sa qualité d'Abbé, & que c'est vn acte reserué taxatiuement à l'Euesque Diocesain, & interdit à tous autres, mesmes aux Euesques es Eglises qu'ils auroient basty hors leur territoire, *Si quis Episcoporum*, dit le Concile d'Orange, tenu sous Leon I.) *In alieno ciuitatis territorio Ecclesiam adificare disponit, non præsumat dedicationem quæ illi omnino reseruatur, in cuius Territorio assurgit, Ecclesia, & omnis Ecclesiæ ipsius gubernatio adeum in cuius ciuitatis territorio Ecclesia surrexerit, pertinebit: Quod si qui adificauerit Ecclesiam, & alium magis quam illum in cuius territorio adificat inuitandum putauerit, tam ipse quam omnes Episcopi qui adhuiusmodi dedicationem inuitantur à conuentu abstinebunt: si quis excesserit, in reatum deuocabitur.*

Ce n'est pas vne marque de superiorité, c'est vne pure gratification qui ne doit estre tirée à consequence. Et de fait apres

que ce Marguillier a chargé les Bedeaux de vous en porter, il leur ordonne d'en porter aussi au Predicateur; tellement que si vostre consequence auoit lieu, il la faudroit estendre au Predicateur & dire qu'à cause que l'on luy presente du Pain benit, qu'il est Seigneur spirituel & temporel de la Paroisse: Et il en faudroit dire autant des Anciens Marguilliers & de tous ceux ausquels l'on en enuoye; pour ce que l'on vous en donne comme Paroissiens qui le rendez à vostre tour: mesmes Monsieur de la Rochefoucaut l'a présenté plusieurs fois depuis qu'il est Abbé, & puis que vous voulez tirer aduantage de nostre courtoisie, vous nous rendrez plus retenus à vous en faire dorefnauant.

Vous n'en deuez pas inferer que vous ayez assisté par le ministère dudit Chancelier aux deliberations, comme Curez de

Fol. 25. Resolutions prises par les Marguilliers, en presence de l'Abbé & du Chancelier de saincte Geneuiefue.

l'Eglise, pour ce que c'estoit l'Abbé (lors Curé en tiltre) qui enuoyoit s'excuser, qu'ainsi soit le Chancelier n'est nommé qu'après les Marguilliers, & de plus il n'a assisté esdites deliberations qu'à cause qu'il estoit question des reparations de l'Eglise de Sainte Genevieve, & des bastimens qui estoient communs à l'Eglise de saint Estienne, comme il paroist au feuillet 91. du registre compulsé, lequel porte. *Qu'il a esté fait responce à l'Abbé sur les articles qu'il auoit baillé sur les apentis & autres choses qu'il soustenoit estre faites contre l'Eglise de sainte Genevieve pour la conservation des massoneries d'icelle, & que depuis ont esté faites visitations par lurez Massons. qui en ont fait leur raport par écrit. Mais vous taschez de tirer aduantage de tout, & faut le donner garde de vous de tous costez.*

<p>Il n'appartient pas aux Marguilliers ny aux Paroissiens de mettre cette affaire en deliberation, pour ce qu'il est Ecclesiastique & de la police de l'Eglise, laquelle est de la Jurisdiction Episcopale & spirituelle, & n'est pas licite à celui qui n'est point Euesque de s'ingerer aux affaires Ecclesiastiques : Dieu reprouua Saül de ce qu'il s'estoit</p>	<p><i>Fol. 26. sur la proposition faite par les Marguilliers & Paroissiens du changement du seruice de l'Eglise.</i> <i>Il auoit esté arresté qu'il en seroit presente requeste au sieur Euesque de Paris, & qu'auparavant l'Abbé de sainte Genevieve seroit prié d'agreer ce changement.</i></p>
---	--

attribué l'office du Prestre Samuel, & il punit Ozias de quoy il auoit mis l'Encens sur l'Autel. Voila pourquoy ladite deliberation faite par ceux qui n'auoient pas le pouuoir de la faire, est nulle de loy, ne peut produire aucun effet, & vous n'en pouvez inferer que nous ayons reconnu vostre Abbé pour Supérieur & Seigneur spirituel de nostre Paroisse de S. Estienne, veu principalement que l'ostroy de la Requeste présentée à Monsieur l'Archeuesque de Paris, porte (ouy le Curé) & ne fait point mention de vostre Abbé, pour monstrier que cela s'est fait &

peu faire sans luy, & qu'il n'auoit point de part au spirituel de l'Eglise non plus qu'au temporel.

Cet interrogatoire est de nulle consideration, premierement, ceux qui ont esté interrogez ne sont pas parties au procez, sinon en nom collectif, & si vous dites, que vous les auez fait assigner, nous vous respondons, qu'outre que vous ne l'auiez pas deu, l'õ ne

Quelques Prestres de S. Estienne, & quelques Paroissiens, ont reconnu que nous en estions Seigneurs Spirituels & Temporels par l'interrogatoire à eux faict l'onzieme d'Octobre 1639. que nous auons produit sous E.

commence point de procez par des interrogatoires. Aussi le Conseil les en a deschargé, quoy faisant il a reietté ledit interrogatoire, & a iugé qu'il ne falloit point y auoir esgard. Et en second lieu cest interrogatoire a esté commencé l'vnzieme d'Octobre, & paracheué dans le mesme mois, & la cause n'a esté retenüe que le quinzieme Nouembre suiuant.

Cen'est pas que sur leurs responses vous puissiez establir vn seul chef de vos demandes, car de six qui ont esté enquis, s'ils sçauent pas que vous soyiez Seigneurs Spirituels & Temporels de la Paroisse de saint Estienne, le premier nommé Rostang, a respondu qu'il n'en sçauoit pas les particularitez, mais qu'il l'auoit oüy dire. Le deuxiesme appellé Bourfier, a dict qu'il ne sçauoit si vous estiez Seigneurs spirituels. Le troisieme nommé Clement a dict que c'estoit Monsieur l'Archeuesque de Paris qui en estoit Seigneur spirituel. Le quatrieme, appellé Charles a fait vne semblable response. Le cinquiesme, Sacristain de l'Eglise, nommé Ruelle, a respondu qu'il croyoit que c'estoit ledict sieur Archeuesque de Paris qui en estoit Seigneur spirituel, & qu'il en faisoit les fonctions, ainsi que ses predecesseurs, & Iean le Iuge, sixiesme, qu'il ne croyoit pas que vous fussiez Seigneurs spirituels.

Et ainsi il n'y a que Rostang qui a oüy dire que vous estiez Seigneurs spirituels de saint Estienne, qui ne faict point de foy, tant pource qu'il est seul, *que vox vnius vox nullius*, & que toute

parole est ferme en la bouche de deux ou de trois; mais vn seul n'en peut rendre tesmoignage; qu'à cause qu'il n'a parlé que par ouïr dire, qui n'est pas vn tesmoignage que l'on doive recevoir: Les Grecs ont ordonné que l'ouïe ne doibt point tesmoigner, d'autant que comme il faut estimer estre croyable, ce que quelqu'un a veu, aussi on ne doit tenir pour assuré ce que quelqu'un a ouï. L'homme (dit l'Escripture Saincte) qui adioust foy à ceux qui tesmoignent par ouïr dire, ne fait pas sagement; pour ce que les yeux se rencontrent avecque les choses qui se font; mais les oreilles ne sont pas croyables, à cause qu'elles n'ont pas esté presentes, & qu'elles ont esté attirées par les paroles declaratiues des choses lesquelles ne sont pas tousiours veritables.

Pour la temporalité, ce mesme Rostang en depose en vostre faueur par ouïr dire, & les autres affirmatiuement à la reserue de Ruelle qui n'en dict rien. Mais si l'on leur eust demandé l'explication de leurs responses, sans doute ils eussent respondu qu'ils entendoient que vous estiez Seigneurs temporels de la Paroisse, à cause que vous estes Seigneurs Censiers, d'un grand nombre des maisons des Paroissiens. Et leurs responses doiuent estre entendues de la sorte, pour ce que l'Eglise, le Temple, la Maison d'Oraison, la Maison du Seigneur n'est point en la Seigneurie temporelle d'aucun: Car quand on dit qu'une Eglise peut estre baillée à cens & à rente annuelle, l'on n'entend pas parler du lieu ny du bastiment de l'Eglise; mais des fructs qui en dependent, ainsi au chapitre, *Quærelam ne prælati vices suas*, où il est porté que, *Ecclesia sub annuo censu concedi potest*. Ce n'est que *ratione fructuum*, & non pas *ratione Ecclesiæ*. Laquelle ne passe point en la propriété ny en la Seigneurie temporelle de qui que soit, non pas mesmes de ceux qui l'ont bastie, ou faict bastir à leurs fraiz, & sur leur territoire. Et la glose sur le chapitre, *De monachis de præbend.* laquelle dict que les Religieux sont Seigneurs temporels de l'Eglise, qu'ils ont fondée est refutée par Innocent, sur le chapitre, *In Lateranensi*, au mesme tiltre qui tient que *religiosi non possunt ædificare Ecclesiam cum protestatione ut sit eis pro*

grangia seu pro Prioratu seu pro proprietate quadam.

Tant s'en faut doncques que vous qui n'avez point fondé l'Eglise de S. Estienne, puissiez vous en dire Seigneurs temporels en consequence des responses de ces quatre particuliers, que mesmes vous ne pourriez pas vous pretendre tels, quand vous l'auriez bastie de vos deniers & sur le fonds que vous n'auriez pas vendu.

Deces mesmes fix enquis, si lors que l'on a aggrandy l'Eglise, l'on vous en a pas demandé la permission, les 1. 3. 4. 5. & 6. ayants respondu qu'ils n'en sçauoient rien, la response du deuxiesme ne peut faire foy du contraire, veu qu'elle est singuliere, & qu'elle n'est que sur vn oüy dire.

De ces mesmes fix enquis s'ils sçauoient pas que autresfois la Paroisse de S. Estienne estoit dans vostre Abbaye, & que la Chapelle de S. Estienne qui estoit dans ladite Abbaye, estoit le lieu destiné pour la Cure, où se celebrent les Messes des Paroissiens, & où estoient les fonds baptismaux, cinq ont respondu qu'ils n'en sçauoient rien, & ne l'auoient point veu, & vn seul qui est le premier, ou feüillet 5. *recto*. de ceste interrogatoire, a dit seulement auoir oüy dire au sieur Iosse, Religieux ancien de l'Abbaye, que ladite Paroisse estoit dans sainte Geneuiefue, & que la Chapelle estoit dans ladite Abbaye, & rien d'auantage. Et toutesfois vous avez esté si ausés, que de supposer par vostre inuentaire, que ce premier nommé Rostang, auoit dû auoir veu autresfois des Fonds dans l'Eglise de sainte Geneuiefue, comme estant l'Eglise Paroissiale, & d'inferer de vostre fausseté & supposition, que vostre Abbaye estoit la principale Eglise Paroissiale, dont l'Eglise de saint Estienne estoit vn secours & vne dependance.

<p>Nous auons respondu desia deux fois au premier, 2. & 4. & la 3. n'est qu'une coppie & une es- criture priuée, nō recogneuë ny</p>	<p><i>Vous avez beau dire (repar- tent les demandeurs) nous sommes en possession de tous les chefs & articles de nos demandes, & nous</i></p>
--	---

signée, & si vous la qualifiez mal, quittance par vostre inventaire, c'est vn accord fait sur le debat d'un testament, que vos predecesseurs auoient suggeré pour leur profit, à la sœur d'un Conseiller de la Cour, & cet accord, qui porte que l'Eglise de saint Estienne est vostre Eglise, quand il seroit en bonne forme, ne vous rendroit pas Curez de saint Estienne, pour ce qu'il n'a pas esté fait avec l'Euesque, le Curé & les Paroissiens, ny avec ceux qui estoient interezés en cette qualité, & que ce n'est qu'un acte entre particuliers, dont l'enoncé ne peut faire preiudice à ceux qui n'y sont point compris, & qui n'y ont point consenti.

Ces pieces ne vous donnent point le droict d'assister à l'election des Marguilliers, & n'obligent point les Marguilliers de vous prester le serment de fidelité apres qu'ils ont esté esleus: Car Fr. Philippes le Bel

qui estoit lors Abbé & Curé titulaire de saint Estienne, assista à l'election, en qualité de Curé, & le Sousprieur de sainte Geneuiefue comme Vicaire de l'Eglise de saint Estienne. Et ceux qui presterent le serment de fidelité audit Curé, n'entendoient point leur charge, & ne se void aucun acte semblable auant & depuis lesdites années 1537. & 1538. d'autant que le Curé & les Marguilliers sont superieurs chacun en leur fonction, sont pareils par proportion arithmetique, & n'ont point d'empire l'un sur l'autre au fait de leurs charges, l'un estant pour le spirituel

le faisons voir ainsi par 27. pieces que nous auons produit sous F. dont la premiere est vn employ de la copie des lettres de Pierre Abbé.

La 2. est vne employ d'une Sentence du Chastelet.

La 3. est vne quittance d'entierement fait en l'Eglise de S. Estienne par nos predecesseurs.

La 4. c'est vn employ de l'arrestation du 27. de Ianuier, 1505.

La 5. vn acte d'election de Marguilliers de Iuillet, 1537. avec vne prestation de serment.

La 6. vne coppie & vn original de deux prestations de serment de 1538.

& les autres pour le temporel, à cause dequoy depuis ce temps il ne se trouue point qu'il ayt esté fait vn acte semblable, & à present il seroit trop tard de faire reuiure vne seruitude, laquelle n'a point de fondement ny de raison, & laquelle seroit demeurée esteinte & supprimée, à faute d'en auoir vſé pendant cent trois ans, posé qu'elle eust de l'apparence, ioint qu'un acte seul ne produict aucun droit, & que vous estes sans possession.

Il faut obseruer que les comptes des fabriques, apres auoir esté examinez, clos & arrestez, & le reliqua payé, se consignent & deposent au tresor

de l'Eglise, avec les pieces iustificatiues de la recepte & depense, d'où ils ne doiuent plus estre tirez, si ce n'est par extraicts, qui se doiuent faire selon la forme prescrite par l'ordre iudiciaire. De façon que ce compte ayant esté mis au tresor del'Eglise, dès il y a quatre vingts sept ans, & n'en ayant point esté extraict par les voyes ordinaires, nous pouons dire avec raison qu'il a esté soustrait à nostre Eglise, ou plustost que l'on n'a point voulu le receuoir & mettre au tresor de ladite Eglise, sur ce que l'on iugea dès lors qu'il n'estoit conforme aux autres comptes de ladite Fabrique.

D'ailleurs il faut noter que ce compte a esté présenté le troiesme de Nouembre, vn iour de feste, & qu'il contient quarante-cinq feuillets, de grosse minutte, lesquels à peine peuuent estre leus en vn iour; & neantmoins il est écrit à la fin dudit compte qu'il a esté examiné, clos & arresté le mesme iour troiesme de Nouembre, & que le mesme iour toutes les quittances, & pieces iustificatiues, faisans mention de la recepte & de la mise ont esté delaisſées au tresor del'Eglise.

En troiesme lieu qu'il n'y a aucun appostil en la recepte ny en la depense, qu'il n'y a aucune allocation ny debat; & que l'un des rendans nommé Louys Louchard, est qualifié Greſier

La 7. vn Comte de la Marguierie de l'an 1554. rendu au Curé & aux Paroissiens, par deuant Frere Philippes le Bel Abbé.

de la conseruation de vostre Abbaye, & subiect de vostre Abbé, lesquelles circonstances doiuent faire reietter ce pretendu compte, & les conclusions que vous en voulez tirer contre la Paroisse de saint Estienne.

Quoy qu'il en soit, il ne vous peut pas seruir pour verifier vostre superiorité pretendue, pource que lors d'iceluy vostre Abbé estoit Curé, il estoit oyant compte, & est qualifié Curé entre les oyants; & que le premier chapitre de despense de ce compte est en partie composé de ce qui a esté payé à luy Curé de saint Estienne.

Que si en sa signature apposée au dessous de la closture de ce compte, il a mis seulement sa qualité d'Abbé de sainte Geneuiefue, c'a esté afin de se faire cognoistre par la dignité qu'il estimoit estre la plus releuée, laquelle pourtant ne luy a point donné d'autre superiorité en l'Eglise de saint Estienne que celle qui luy appartenoit, comme Curé de la mesme Eglise, & son escriture, son faict & son assertion n'ont point changé l'estat ny la condition de la Paroisse & des Paroissiens. *Propter nostrum affirmare vel negare nihil mutatur in re.*

Mais tant s'en faut que vous deuiiez pretendre la superiorité spirituelle en ladite Eglise, en vertu de ce compte, qu'au contraire par ledit compte, au quatriesme chapitre de despense, en la 4. & 5. page dudit chapitre, il est faict despense de 57. sols 8. deniers, d'une part payez pour la permissiõ de manger beurre le Quaresme de l'année 1553. pour les aumosnes données à ladicte Eglise, par Monsieur l'Euesque de Paris, & de 5. s. t. d'autres payez à Maistre Adrian Henry, pour auoir assemblé les Paroissiens, afin de donner responce aux Lettres Patentes du Roy, adressantes à Monsieur l'Euesque de Paris, pour les maisons & rentes qu'il vouloit mettre en ses mains, appartenantes aux Eglises, d'où il est aisé à iuger que toute la superiorité sur ceste Eglise residoit en l'Euesque de Paris, suiuant le susdict Concordat du Mois de Iuin, 1202. & que la qualité d'Abbé, portée au commencement & à la fin dudit compte ne marque point de superiorité sus ceste dite Cure.

Ce

Ce registre n'a point d'inscription, ny d'intitulation, il n'a point de commencement ny de fin, il est en partie de papier & en partie de parchemin, il est écrit de diuerfes mains, il est

La 8. l'extraict d'un de nos registres, lequel porte que le Ieudy apres la Trinite, nous faisons procession solennelle par nostre terre & y portons le S. Sacrement.

sans ordre, sans continuation & sans designation de matiere, il ne contient ny iour, ny mois, ny année, ny signature, ny approbation; il est informe en son tout & en ses parties, & ainsi il ne peut faire foy en iugement, ny hors iugement.

Ce mesme registre ne contient pas verité en ce qu'il rapporte de la procession & benisson des Fonts de l'Eglise de sainte Geneuiefue, en laquelle il n'y a point eu de Fonts, il n'y auoit qu'une cuuette sans piscine, seruant à faire l'Eauë beniste; dont vous Religieux Reformez de sainte Geneuiefue, auez fait si peu d'estat, qu'au mesme temps de vostre reforme, vous l'auiez vendu au nommé Desboys, Secretaire de son Eminence, de la Rochefoucault, qui l'a faict porter au village d'Auteuil, en une sienne maison, en laquelle elle sert de fontaine.

De plus nous auons remarqué en assistant au compulsoire de l'article de ce registre, qui traite de la procession du Ieudy d'apres la Trinite en la periode; (*Nous faisons procession solennellement par nostre terre*) que le mot de (*terre*) est écrit en sorte & en caractère, qui demonstre aussi-tost cloistre que terre; Et il est à croire que c'est cloistre, pour ce que cloistre & terre, aux Religieux sont synonymes, que les Religieux ne doiuent point auoir autre terre que leur cloistre, d'où ils ne doiuent pas sortir, & que n'ayants point de peuple ny de Banniere, ils ne peuuent faire processions que dans leur dit cloistre, duquel s'ils sortoient pour faire processions en la rue parmy les Seculiers & Laïques, ils pecheroient contre leurs vœux & ils contreuiendroient à la Loy de Dieu, messants le bœuf & l'asne, le lin & la laine: c'est à dire les Reguliers & les Seculiers & Laïques. Ioint que nou

H

...c
...lou-

stenons positivement qu'il y a cloistre, qu'il n'y est point fait mention du Curé, ny des Paroissiens de saint Estienne, que les lieux & terres par lesquelles passe la procession de saint Estienne, ne sont pas terres de sainte Genevieve.

C'est grand cas que vous ; *Les 10. & 11. iusques à 22.*
 faiçtes tiltres de tout, mesmes, *sont extraictz de douze de nos re-*
 de papiers de vostre cuisine, *gistres, d'un registre de vostre Fa-*
 tous ces registres ne sont que *brique de l'an 1573. & un procez*
 des brouillards, des pitanciers *verbal de compulsoire d'iceux.*
 de vostre Abbaye, qui ne sont

qu'escritures priuées, non signées, esquels il y a plusieurs feuillets entremeliez de papier blanc & plusieurs pages, dans lesquelles il a esté adiousté recentemente & selon l'opportunité de vos affaires. Ce que l'on en a extraict des paiements pretendus, faits par vos predecesseurs, aux Prestres de l'Eglise de saint Estienne, pour auoir aydé à porter le saint Sacrement & les encensoirs ne commence qu'en 1596. auquel temps, Frere Ioseph Foulon, vostre Abbé estoit Curé de saint Estienne, & pouoit ordonner de ladite procession à sa volonté, ainsi qu'il a ordonné iusques en l'année 1607.

De plus lesdits paiements sont tous dissemblables & faits sans en auoir dit la cause: Car au premier de ces registres, il est de deux sols seulement, pretendus payez à deux Prestres, sans en auoir expliqué la cause, ny le iour, ny le nom des Prestres auxquels vous pretendez l'auoir fait.

Au deuxiesme il est de dix huit sols, à six Prestres Seculiers, sans dire qu'ils fussent de saint Estienne, ny d'ailleurs, ny pourquoy.

Au troisieme il est de quinze sols, à cinq Prestres de saint Estienne, pour auoir porté la Croix, le saint Sacrement & les Encensoirs, sans specifier de quelle Eglise, si de S. Estienne, ou de l'Abbaye.

Au quatrieme il est de quinze sols, aux Prestres de saint

Estienne, qui est vn article nouuellement écrit, sans auoir expliqué pourquoy lesdits quinze sols ont esté donnez ausdits Prestres, ny en quel nombre ils estoient.

Le cinquiesme a esté adiousté & fait mention de dix-huict sols, pretendus payez à des Prestres, qui ont porté le S. Sacrement, sans specifier de quelle Eglise.

L'article extraict du sixiesme, concernant les Prestres, est en marge à costé d'un article, conceu en ces mots (*Et aux Prestres dix huict sols,*) sans exprimer pourquoy, ny d'ou sont lesdits Prestres.

L'article du septiesme, qui porte (*aux Prestres qui ont porté le tres Sainct Sacrement, dix huict sols.*) a esté adiousté nouuellement: Comme aussi celuy du 8. Et pour les 9. 10. & 11. Ils sont de vingt sols, pour quatre Prestres & le douziesme de quinze sols, pour trois Prestres, dont vn pour porter la Croix, duquel il n'auoit point esté fait mention.

Ce qui doit faire croire que lesdits registres ne sont pas veritables: lesquels aussi ne portent pas, que les payemens que vous pretendez auoir fait aux Prestres, soient pour auoir assisté à la Procession du sainct Sacrement, de la Paroisse de sainct Estienne. Et au contraire lesdits Marguilliers ont produit de nouuel les extraicts pris sur les comptes anciens & nouveaux de la Confrairie du Sainct Sacrement erigée en ladite Paroisse des l'an 1536. qui iustifient, que les Prestres qui ont porté le sainct Sacrement en la Procession du iour de la Feste Dieu, & ceux qui portoient le Daix auant qu'on y eust admis des personnes laïques, ont esté stipendiez annuellement par les Gouverneurs & des deniers de ladite Confrairie.

Et aussi l'on ne peut dire avec verité, que vous ayez donné de l'argent aux Prestres de la Paroisse de Sainct Estienne, pour porter la Croix & le sainct Sacrement comme d'un seruice qu'ils rendoient à vostre Abbaye: Car la Procession

solennelle, qui se fait audit iour de la Feste-Dieu, & qui part de l'Eglise de saint Estienne du Mont, comme de l'Eglise Paroissiale, fondée en usage, ainsi que toutes les autres Paroisses de Paris, à faire Procession en ce saint iour, n'a point esté dite ny appelée la Procession de sainte Genevieve, comme vous supposez contre verité par vos écrits.

Ne fait au contraire, ce que vous appelez nostre registre de 1573. où il est traité de ladite Procession, parce que lors qu'il a esté dressé, Frere Ioseph Foulon, vostre Abbé estoit Curé de saint Estienne. Non plus que celui de 1609. d'autant qu'il a esté fait sur celui de 1573. par vn Marguillier, lequel sans considerer, que les Abbez de vostre Monastere auoient esté Curez de saint Estienne, depuis 1535. iusques en 1607. & que pendant ce temps ils auoient disposé de tout le seruice diuin, comme ils auoient iugé à propos, s'est imaginé que c'estoit vn establissement pour tousiours, & a écrit sur ce registre, ce qu'il a nommé la forme & l'ordre de la Procession du saint Sacrement. Et neanmoins dans l'un & l'autre registre, il n'est parlé de l'Abbé & des Religieux de sainte Genevieve, que comme assistants à la Procession de saint Estienne, sous la Croix de la Paroisse. Et de plus ils font mention que le saint Sacrement a esté porté apres la Croix dans le corps du Clergé de la Paroisse, & accompagné des quatre Marguilliers aux quatre coings du Daix avec des verges dorées, afin de conseruer à la Paroisse la place d'honneur, & l'autorité toute entiere de ladite Procession.

Vos predecesseurs Religieux ont assisté par deuoir à ladite Procession de la Feste-Dieu, lors que vostre Abbé a esté Curé en tiltre de saint Estienne, & si depuis que la Cure & l'Abbaye ont esté en diuerses mains, on vous y a admis & soufferts, cela a esté fait par vne pure courtoisie & tolerance, laquelle ne peut attribuer aucun droit de propriété, communauté ny seruitude, *I. qui iure 4. D. de adquir. vel amitt. possess.*

qui iure familiaritatis amici fundum ingreditur, non videtur possidere
& l. 15. §. hospites D. de precario, hospites & qui gratuitam habi-
tationem accipiunt; non intelliguntur precario habitare. L'Avis de
 M. Charles du Moulin sur l'ancienne Coustume de Paris, §. 1.
 glo. 14. est conforme à cette doctrine.

Il pouvoit & deuoit faire
 ainsi, parce que en ce temps
 il en estoit Curé en tiltre.

Cet extrait se retorque con-
 tre vous & fait voir que lors
 que l'Abbé de sainte Gene-
 uiefue a esté inuité de se trou-
 uer à ladite election, il estoit
 Curé de la Paroisse.

Et ne faut point dire que cet-
 te qualité de Curé se doive en-
 tendre de l'Abbé de Sainte
 Geneuiefue, Curé primitif de
 S. Estienne; Car le Prestre & le
 Curé dudit S. Estienne, est le
 Curé primitif de son Eglise. Et

qu'ainsi soit, par toutes les prouisions qui ont esté baillées aux
 Curez de cette Eglise depuis la transaction du mois de Iuin 1202.
 & par les actes publics & particuliers qui ont esté faits par lesdits
 Curez, Ils sont qualifiez Prieurs Curez de S. Estienne, c'est adire
 premiers Curez ou primitifs Curez.

Le Compte de la Confrai-
 rie du S. Sacrement a esté rendu
 par deuant Frere Philippes le
 Bel Abbé de Sainte Geneuiefue.

Au feüillet 5. du procez ver-
bal, il est extraict que l'Abbé a
fai l'Office le lendemain de Pas-
que & de Pentecoste, & es iours
du Patron.

Au mesme feüillet 5. que les
quatre Marguilliers ont accoustu-
mé de deliberer du Dimanche plus
commode pour eslire deux nou-
ueaux Marguilliers, & qu'apres
leur deliberation, deux d'entr'eux
vont prier l'Abbé de sainte Ge-
neuiefue comme Curé de S. Estien-
ne, de s'y trouuer si bon luy semble,
lequel ou son Vicaire s'y trouue
pareillement si bon luy semb'e.

Il porte des Extraicts d'un
compte de Confrairie du saint
Sacrement, rendu par deuant fre-
re Philippes le Bel Abbé de sain-

ue & Curé de S. Estienne en la dite qualité de Curé, ainsi qu'il auoit esté stipulé, par l'establissement de ladite Confrairie, comme nous iustifions par la 3. piece de la lettre C. de nostre production fol. 3. verso art. 9. Et les Comptes de la Fabrique ont esté rendus pardeuant luy, & frere Ioseph Foulon Abbé, pour ce qu'ils estoient Curez de la Paroisse, & qu'eux deux ont tenu successiuelement cette Cure en tiltre depuis 1535. iusques en 1607.

Pour ceux rendus en l'absence dudit Foulon Abbé, pardeuant le Bourguignon & Berson Religieux, & pardeuant leldits Foulon & Berson ensemble, Il n'en faut point tirer de consequence pour dire que les Religieux de Sainte Geneuiefue ayent ouy les Comptes de la Fabrique de S. Estienne, pour ce que ces deux le Bourguignon & Berson y ont assisté, à cause qu'ils estoient Vicaires de S. Estienne & qu'ils estoient commis à cet effect par l'Abbé lors Curé, ainsi que nous iustifions par la troisieme piece de la lettre B. & par les 6. & 8^e. de la lettre G de nostre production.

Vincent Rostang qui à dit qu'il auoit veu l'Abbé de Sainte Geneuiefue en la Procession de la Feste Dieu, & y assister, & que le Curé estoit en son reng de Religieux, à dit la verité en quelque chose; Car il est vray que l'Abbé de Sainte

La 23. vn employ de l'Interrogatoire de vos Prestres & Paroissiens, pour monstrier que nous sommes directeurs de la Procession de la Feste Dieu, que vostre Curé, ny à reng que de Religieux, que nous y auons fait porter nostre Croix, que nous y portons l'Ho-

Geneuiefue à esté à la Proceffion de la Feste-Dieu, qu'il y a assisté, mais il n'est pas vray qu'il en ayt disposé, Et qu'ainfi soit M. Pierre Clement Prestre, enquis sur ce fait par le

mesme interrogatoire à respondu, qu'il n'auoit point veu que l'Abbé eut disposé de ladite Proceffion. M. Nicolas Ruelle aussi Prestre, à dit qu'il n'auoit point sceu qu'il en eut la direction, & Iean le Iugel ainsné qu'il n'auoit point veu quelle eust esté disposée par autre ordre que celui du Curé de S. Estienne.

Boursier & M. Pierre Clement, qui ont dit auoir veu le Curé de saint Estienne aller à la Proceffion en reng de Religieux & les Abbé & Religieux aux Conuois ont entendu parler depuis 1535. iusques en 1607. que Freres Philippes le Bel & Ioseph Foulon vos Abbez, ont esté Curez de saint Estienne, Pour ce que depuis ce temps le Curé n'a point laissé son reng, si non quelquefois comme il a esté dit par deference laquelle ne vous a point donné de droit sur nostre Paroisse, sur nostre Curé ny sur nous; l'honneur querend le Maistre d'une maison à ceux qui le visitét & qui l'assistét, ne transfere point ses droits ny sa maison à ceux à qui il rend cet honneur: & vous n'avez point assisté aux conuoys & enterrements, si ce n'est de vostre Bailly & de sa femme, auxquels vous avez assisté, par la permission de nostre Curé,) Au contraire par les pieces que nous auons produict sous E. Nous faisons voir que nostredit Curé & ses Vicaires ou commis, ont administré les SS. Sacrements à ceux qui sont demeurans dans l'enclos de vostre Abbaye, qu'es années 1615. 1632. 1636. 1637. 1638. 1639. Il a baptisé les enfans de ceux qui sont mariez, demeurans dans ledit enclos, & qu'es années 1590. 1592. 1603. 1604. 1610. 1613. 1617. 1618. 1622. 1623. 1624. 1636. & 1639. Il a leué les corps & inhumé ceux qui sont decedés lesquels estoient demeurans dans ledit enclos, & pour les Princes Poulonois & les autres, ils moururent du temps dudit frere Ioseph Foulon.

La responce qu'ils ont veu porter en la susdite procession, le Ciboire de vostre Abbaye, appellé S. Thomas, doit estre prise tout au long, sçauoir qu'ils l'ont veu porter il y a plus de vingt-cinq ans, & que depuis qu'il y a eu vn Ciboire à S. Estienne, l'on ne s'est point seruy de celuy de sainte Geneuiefue, & tous les iours vne Eglise emprunte des ornements d'une autre, sans en estre suiète, & le voisinage a fait qu'on a plustost emprunté de vous, que d'autres plus estoignez.

Ce qu'a dit Boursier, auoir veu plusieurs fois officier les sieurs Abbez de Brichanteau & de la Rochefoucault, és iours de saint Estienne, n'est pas veritable absolument : Car Maistre Pierre Clement enquis sur ce fait a respondu, fol. 35. recto, de cet interrogatoire qu'il a veu officier vne fois Monsieur de la Rochefoucault & vne fois Monsieur de Brichanteau, mais que ç'a esté à la priere des Curé & Marguilliers.

D'où il s'ensuit que ce n'est pas par droit qu'ils y eussent, ny comme Curez & qu'ils n'y ont pas officié tousiours, puis que Monsieur de la Rochefoucault n'y a officié qu'une fois, qui fut en 1621, Depuis lequel temps il ne s'en est pas entremis, & ne leust pas obmis, s'il y eust eu droit.

Maistre Nicolas Ruelle sur le mesme fait, a dit auoir veu vne fois Monsieur de Brichanteau, & vne autre fois Monsieur de la Rochefoucault y officier le iour de S. Estienne, Mais qu'ils en auoient esté priés le iour precedent par les Curé & Marguilliers de la paroisse; Ce qui se raporte à la deposition dudit Clement & fait voir ce qui a esté dit, que ce n'a point esté comme Curé de la Paroisse,

Et nostre Curé ancien Religieux de vostre Abbaye que vous auez fait interroger à leué tout le doubte que l'on pouuoit auoir sur cet office celebré par son Eminence de la Rochefoucault, car il a déclaré au feuillet 33. verso & 34. recto de son interrogatoire sur le mesme fait, que depuis 1617. qu'il estoit Curé, Monsieur de Brichanteau n'auoit point fait l'office, & que pour Monsieur le Cardinal de la Rochefoucault, il l'auoit fait deux fois

fois à la saint Estienne d'Hyuer & d'Esté, mais sans Religieux, & à la priere de luy respondant & des Marguilliers, comme ils auoient prié plusieurs Prelats, d'Officier esdites festes en ladite Eglise, entre autres Messieurs les Cardinaux Bagny & Bichi tous deux Nonces du Pape, lesquels pour cela nes'en preten-
doient pas Seigneurs spirituels.

Quant à ce que ledit Clement a reconnu qu'il a veu tousiours prendre la Croix par le Clerc de saint Estienne, dans l'Eglise de sainte Geneuiefue; c'est vn erreur de celuy qui à redigé l'interrogatoire & response, lequel à écrit sainte Geneuiefue pour saint Estienne, & cela se prouue ainsi par la premiere response dudit Clement, écrite au 31. feuillet verso, dudit interrogatoire, *[Qu'il n'a point veu porter autre Croix que celle de saint Estienne.]* Tant y a que si c'est vn erreur, vous n'en pouuez rien conclure; si c'est vne verité, c'est à dire, si ledit Clement à respondu qu'il ait veu prendre la Croix dans l'Eglise de sainte Geneuiefue, il n'y faut point adjouster foy, pour ce qu'elle est destruite par sa premiere response.

Il ne l'a pas reconnu ainsi, & n'a pas distingué les qualitez de Curé & de Religieux, il a dit seulement qu'il auoit veu le Curé de saint Estienne aller à la Procession avec les Religieux, c'est à dire assisté des Religieux qui se sont ioints à ladite Procession, lors quel'on a fait la premiere Station, & le premier Reposoir en vostre Abbaye.

On a recherché avec dessein l'interrogatoire dudit Ruelle, lequel à cause de son grand aage & defaut de memoire on

Par cet interrogatoire Maistre Jean Charles à reconnu, qu'il auoit veu aller en la Procession de la Feste Dieu, le Curé de S. Estienne en son rang de Religieux.

Maistre Nicolas Ruelle Prestre à respondu par cet interrogatoire, que l'Hostie consacrée en nostre Abbaye auoit esté portée en

ſçauoit n'eſtre capable de reſ-
pondre ſur le champ, ſur vne
multitude de faits: meſme ledit
Ruelle a reconnu & proteſté
publiquement qu'il a eſté ſur-
pris, & que ſa reſponce a eſté
priſe à contre-ſens. Les pieces
que les defendeurs ont produi-
tes ſous G. iuſtifiant aſſez que la
reſponſe dudit Ruelle n'eſt ve-

*ladite Proceſſion dans noſtre Ci-
boire, que les Diacre & Sousdia-
cre l'auoient pris dans noſtre dite
Abbaye, que voſtre Curé n'y auoit
tenu rang que de Religieux: que
les Marguilliers ſ'eſliſſoient avec
noſtre Abbé, & que nous auions
leué des corps des decedez en voſtre
Paroiſſe.*

ritable & ne le peut eſtre: Et quand elle paſſeroit pour conſtante
elle eſt ſinguliere & ne peut faire foy, & d'ailleurs ne pourroit
eſtre appliquée qu'au temps de frere Ioseph Foulon, lequel à
peu quelquesfois faire porter en ladite Proceſſion l'Hoſtie con-
ſacrée en ſon Abbaye, dans le Ciboire de ladite Abbaye, a aſſiſté
à l'eſlection des Marguilliers de la Paroiſſe, a leué les corps des
decédez dans ladite Paroiſſe, & y a fait toutes les fonctions Pa-
roiffiales & Curiales, parce qu'il en eſtoit Curé en tiltre.

Mais depuis que l'Abbé n'a point eſté Curé de noſtre Paroiſſe,
& qu'il y a eu vn Soleil en noſtre Eglife, l'Hoſtie que l'on a porté
en la Proceſſion n'a point eſté conſacrée en voſtre Abbaye, elle
n'a point eſté priſe ſur l'Autel de voſtre Abbaye, elle n'a point
eſté portée dans le Ciboire de voſtre Abbaye. Vous n'avez point
eu la direction ny la diſpoſition de noſtre Proceſſion. Et ſi quel-
quesfois le Curé de ſainct Eſtienne, pour vous rendre quelque
honneur, à marché dans le corps des Religieux, & vous a laiſſé la
derniere place, il a conſerué d'ailleurs à ſon Clergé & à la Paroiſſe
le lieu plus eminent, & les autres aduantages de ladite Proceſſion.

Bref, vous n'avez plus aſſiſté aux eſlections des Marguilliers,
ny aux comptes de la Fabrique, vous n'avez plus leué de corps
que ceux de quelques-vns vos Officiers avec la permiſſion de
noſtre Curé, auxquels Officiers pourtant vous n'auiez pas admi-
niſtré les ſaincts Sacremens.

Nostre Curé quoy que Reli- | *La 24. est l'interrogatoire de*
 gieux de vostre Abbaye & vo- | *vostre Curé, ancien Religieux de*
 stre confrere, n'a pas laissé de | *nostre Abbaye.*
 dire la verité, & de faire voir

par ses responcez que vos pretentions estoient nouvelles ; Car il a declaré & reconnu que Monsieur l'Archeuesque de Paris estoit seul Seigneur spirituel de nostre Paroisse ; que comme Curé il y ordonnoit de la Procession du iour de la Feste-Dieu, en laquelle il faisoit porter la Banniere, la Croix, le balston & le Daix de l'Eglise; que l'Hostie quel'on y portoit estoit consacrée dans l'Eglise de S. Estienne & portée dans le Ciboire de la mesme Eglise, & que les Porteurs en estoient choisis par luy & par nous ensemble.

De plus que le S. Sacrement se prenoit sur l'Autel de ladite Eglise S. Estienne, estoit porté par les Prestres qu'il ordonnoit, conduit par luy, assisté des Prestres & de nous ses Paroissiens sur l'Autel de vostre Abbaye premiere Station; d'ou apres les encensements faits par lesdits Prestres & apres auoir chanté trois fois *O Salutaris Hostia*, il a party accompagné de Messieurs de Sainte Geneuiefue, à continué par les rués de la Paroisse, ces seuls Prestres ont encensé & chanté aux Reposoirs, & à retourné par vostre Eglise en celle de S. Estienne en laquelle à finy ladite Procession ainsi qu'elle y auoit commencé.

Il est vray, mais il faut pren- | *Au 16. feuillet de cet interro-*
 dre sa confession toute entiere, | *gatoire, il aduoüe auoir esté en la*
 à sçauoir que ce qu'il en a fait | *Procession en rang de Religieux.*
 a esté pour deferer à son Superieur Regulier, qui l'honoroit avec les Religieux de son assistance en ladite Procession, & qu'il n'a pas estimé que cela vous donnast aucun droit, comme telle difference d'honneur n'en donnant point.

Il faut ioindre à cette reco-
gnissance la raison qu'il en
rend immediatemēt apres, qu'il
a fait l'une & l'autre action par
la commission & priere dudit
Curé, son deuantier.

Vous n'avez pas respondu
la verité: car la Procession fait
partie des droicts Episcopaux
& Paroissiaux, dont vous avez
esté exclus absolument par le
Concordat du mois de Iuin,
1202. qui porte que l'Euesque
de Paris aura tout le droict Episcopal ou Paroissial, ce qui
a esté confirmé par Sentence & Arrest, homologué en Cour de
Rome & pleinement executé.

Outre que le pouuoir de
faire Processions hors les murs
de l'Eglise, n'a esté octroyé
qu'aux seuls Euesques, & a esté
dénié aux Religieux, il est cer-
tain que la Procession & les ce-
remonies de la Procession du
sainct Sacrement, sont choses
spirituelles & sacrées les choses
sont spirituelles & sacrées en
plusieurs façons, les vnes selon leur essence & celle-là sont de
deux sortes, les premieres sont incorporelles, comme sont les
vertus & les dons de Dieu, *Can. 1. causa 1. q. 1.* Les secondes sont
corporelles, comme les Reliques des Saincts. *Cap. 1. & 2. de reli-
quijs & venerat. sanctoꝝ.*

Les autres sont spirituelles & sacrées par leur cause, comme

*Au 31. feüillet, il a respondu
qu'estant Prieur Clausstral, il auoit
conduict la Procession en la presen-
ce du Curé, qui n'y tenoit que rang
de Religieux, & qu'il auoit leué
les corps de plusieurs, decedez en
la presence dudit Curé.*

*Les 25. & 26. coppies des
faits, sur lesquels nous auons esté
interrogez & de nos responses
ausdits faits, lesquelles sont, que la
disposition de ladite Procession
nous appartient.*

*Nous auons respondu ausdits
interrogatoires, que ce Concordat
n'auoit adingé au sieur Euesque
que ce qui estoit des Sacrements,
que la direction & disposition, ou
police de ladite Procession n'estoit
pas comprise en ce qui luy estoit
adingé, pource que ce n'estoit pas
vn faict de Sacrement.*

sont les Sacrements , lesquels sont spirituels & sacrés , à raison de leur cause , pour ce qu'en vertu de cette cause nous obtenons la grace.

Les autres sont spirituelles & sacrées, à cause du Statut, comme est vne maison Religieuse.

Autres sont spirituelles & sacrées, à raison qu'elles dependent d'une puissance de mesme condition, comme pour absoudre vn excommunié.

Autres au respect de la charge, comme l'exercice du ministère d'un Curé, d'un Vicaire & d'autres semblables, ou plustost à raison du mystere : c'est à dire du Sacrement. De là vient (dit le Panorme, sur le Chapitre, *Ad nostram de simonia*,) que tout ce qui couient faire à un Prestre & à un Curé, *Ratione ordinis*, comme de chanter, porter la Croix & les Reliques, aller à la Procession & faire chose semblable : c'est chose spirituelle & sacrée à cause qu'elle a vne certaine dependance de ce qui est spirituel & sacré.

En fin les autres sont spirituelles & sacrées pource qu'elles sont annexées & attachées aux choses spirituelles & sacrées, & qu'elles sont deputées à l'usage des choses spirituelles & sacrées, comme sont les vestemens sacerdotaux, les Croix, les Ciboires, les Soleils, les Tabernacles, les vaisseaux sacrez, les Ceremonies ordonnées pour le culte de Dieu, & les autres choses, *que habent immediatum respectum ad cultum Dei*.

La Procession du iour de la Feste Dieu, est un fait de Sacrement en deux façons, la premiere en tant qu'elle est de la charge & du ministère d'un Curé & qu'elle luy appartient, *Ratione ordinis & officij*. La deuxiesme, en tant qu'elle est annexée & attachée au Sacrement & que toutes les choses qui la composent & qui s'y obseruent, *Quasi ordine litterato*, *habent immediatum respectum ad cultum Dei*, se raportent au saint Sacrement pour composer toutes ensemble la Procession, & n'y a point de Procession, s'ils ne sont ensemble.

Car tout ainsi qu'une voûte ou arcade est composée d'une

clef & des couppes, & que les couppes se raportent à la clef, laquelle tant qu'elle estraint les couppes en vne iuste liaison rend l'ouurage ferme, & se nomme voûte ou arcade, mais si tost qu'elles sont separées l'une de l'autre, & qu'il n'y a plus d'assemblage ny de liaison, ce n'est plus vne voûte ny vne arcade.

De mesme la Procession du S. Sacrement est composée de l'Eucharistie, & de la Banniere, de la Croix, du Baston, du Soleil & Ciboire, des Encensoirs, des Lumieres, des Prestres & Chantres, & des assistants, qui se rapportent tous à l'Eucharistie, laquelle tant qu'elle les estraint & tient ensemble est la Procession du tres-auguste & tres-sainct Sacrement *Est castrorum acies ordinata*, mais si tost qu'ils en sont separez, ce n'est plus la Procession du S. Sacrement, c'est l'Eucharistie, c'est vne Banniere, c'est vne Croix, c'est vn Soleil, c'est vn baston, c'est vn Encensoir, c'est vn Prestre, c'est vn homme, c'est vne femme, c'est vn Daix, c'est vne Chappe: Et cette Eucharistie sans la Banniere, Croix, Soleil, baston, Encensoirs, les Prestres, les hommes, les femmes, Daix & les Chappes n'est pas la Procession du S. Sacrement & de la Feste Dieu, autrement il faudroit nommer Procession de la Feste Dieu, le Viatic que l'on porte par les ruës aux malades & infirmes.

Ce procez verbal est nul & faux en sa substance, & ce qui est raporté en iceluy est destruit par les pieces produictes au procez. Il est nul & de nul consideration parce qu'il est fait par vos officiers & attesté par de vos Confreres qui ont tesmoigné en leur cause. L'Orateur Romain disoit qu'il ne faloit pas recevoir le tesmoignage des Gaulois cõtre Fonteius

Ces raisons ne seruent pas puisque par le procez verbal du Bailly & des officiers de nostre Justice temporelle, derniere piece de la lettre F. de nostre production appert que vous nous avez troublez en la possession en laquelle nous estions de tout temps d'ordonner de ladite Procession, y tenir le Chœur & y faire les fonctions Episcopales & Curiales.

à cause qu'ils estoient les parties & qu'il failloit entendre d'autre
 tesmoins, *Et enim* (disoit-il) *si quia Galli dicunt, Idcirco Mar-*
cus Fonteius nocens existimandus est, quid opus est sapiente indice?
Quid a quo quaesitore? Quid oratore non stulto?

Il est faux en substance en ce que les Bailly, Lieutenants &
 Officiers raportent que la coustume est de faire la Procession
 dans leur iurisdiction & grande partie de l'Vniuersité, & que
 neantmoins l'on ne passe que par vne petite partie des ruës de la-
 dite Vniuersité, & que toutes celles par ou la Procession est con-
 duite ne sont pas de leur iurisdiction.

Les mesmes officiers tesmoignent, que ce qui à esté fait par les
 Paroissiens de S. Estienne est contre l'ordre ancien, qu'ils afir-
 ment auoir veu obseruer depuis qu'ils sont officiers de vostre
 Abbaye; & toutesfois il n'y à pas plus de huiet ans qu'ils en sont
 officiers & n'ont point veu pendant ce temps, ce qu'ils attestent
 puisque depuis 23. ans les choses se sont passées autrement qu'ils
 ne tesmoignent.

Frere Claude de l'Hostel Religieux & Procureur de vostre
 Abbaye qui agit sous le nom de vous Religieux reformez esta-
 blis seulement en Airil 1624. n'a point veu ce qu'il dit depuis ce
 temps, au contraire long-temps auant vostre introduction en
 l'Abbaye la Procession s'est faite tout autrement qu'il à tes-
 moigné.

Il en est de mesme de la deposition de vostre frere Pierre
 Guillou, qui ne seroit pas excusable d'auoir depose faux sans l'in-
 firmité dont il est de tenu, laquelle vous à obligé de luy deffen-
 dre de celebrer la Messe il y a trois ou quatre ans, à cause que
 cette infirmité qui est Epilepsie luy à troublé si fort l'esprit qu'il
 ne sçait pas le plus souuent ce qu'il fait ny ce qu'il dit.

La fauceté & supposition de ces attestations est verifiée par
 les pieces du procez; Car le procez verbal de l'année 1638. 1.
 piece de la lettre N. de nostre production fait foy qu'en cette
 année l'Hostie consacrée en l'Eglise S. Estienne, fut portée en
 ladite Procession dans le Soleil de ladite Eglise assistants, Vous,

les gens & seruiteurs de son Eminence de la Rochefoucault, & de Monsieur le Nonce du Pape, qui se trouuerent aux pieds de l'Autel de S. Estienne tenans des flambeaux ardens pour accompagner le S. Sacrement; Mesmes que vous fistes esleuer sur le Tabernacle l'Hostie consacrée en vostre dite Eglise & posée dans vostre Soleil a cause que nous ne voulusmes pas souffrir aucun changement en l'ordre de ladite Procession.

Par vos responces generales & particulieres aux interrogatoires qui vous ont esté faites, premiere piece de la lettre M. de nostre production, vous recognoissez que depuis l'année 1624. que vous vous estes introduits en cette Abbaye sous les auspices de la Reforme, vous n'avez point préparé de Soleil sinon en l'année 1638. & frere Henry de Cuigy vn des vostres, parlant sur le 13. article dudit interrogatoire, est demeuré d'accord que depuis l'année 1626. le Sainct Sacrement a esté pris sur l'Autel de saint Estienne.

La responce de nostre Curé à l'article huitiesme de l'Interrogatoire qui luy a esté fait, & les procez verbaux faits à nostre requête es années 1638. & 1639. 1. & 2. pieces de la lettre N. de nostre production font voir que le S. Sacrement est pris sur l'Autel de S. Estienne, & est porté Processionnellement par les Prestres de nostre Paroisse sur l'Autel de vostre Abbaye, comme premier Reposoir, & que ce ne fust pas à ce sujet que vous quitastes la Procession; mais à cause de vostre Croix que vous vouliez faire porter, au lieu de celle de nostre Paroisse.

Vostredit frere Pierre Guillou Epileptique, ne doit pas estre creu en ce qu'il a déposé, que deux Prestres de la Paroisse, alloient se reuestir en la Sacristie de vostre Abbaye, veu que nostre Curé, homme de probité & vostre confrere, respondant au vingt huitiesme article de l'interrogatoire qui luy a esté fait, a déclaré que depuis l'année 1617. qu'il estoit Curé, lesdits Prestres s'estoient tousiours reuestus dans la Sacristie de saint Estienne.

Vous n'avez pas bonne grace, d'auoir fait dire a ce frere
Pierre

Pierre, que depuis 57. ans l'un de vos Religieux, faisant la fonction de Curé en nostre Eglise, en amenoit les Prestres habituez dans la Nef de vostre Abbaye; car en ce temps, qui estoit environ 1582. frere Ioseph Foulon, vostre Abbé, estoit Curé en titre de nostre Paroisse de saint Estienne, & l'a esté iusques en l'année 1607. excepté quelque temps de huit mois, que ledit Foulon l'auoit resigné à son nepueu, frere Robert Oudet, apres le deceds duquel il l'a reprit & l'a exercé iusques à son deceds, arriué en ladite année 1607. Et ainsi il n'est pas vray semblable qu'il ayt sorti de l'Abbaye, pour aller querir les Prestres de saint Estienne, qui estoient tenus de l'aller trouuer & de se rendre où il estoit.

Depuis son deceds, feu frere Bernard le Bourguignon, qui estoit son Vicaire, a esté pourueu de la Cure, & apres l'auoir tenuë iusques en 1617. il l'a resignée à celuy qui est à present Curé, que vous ne pouuez pas nommer vostre Commissionaire, puis qu'il en a titre canonique & qu'il peut la resigner si bon luy semble.

L'ordre de nostre Procession art. 7. de la premiere piece de la lettre F. de nostre production, La response du sieur Curé à l'art. 15. de l'Interrogatoire qui luy a esté fait; & le procez verbal fait à nostre requeste en l'année 1638. premiere piece de la lettre N. de nostre mesme production, iustifient que la Croix de nostre Paroisse de saint Estienne a esté portée tousiours en nostre Procession: Par consequent, & les Officiers de vostre Iustice temporelle, & vos confreres, Freres Claude de l'Hostel, & Pierre Guillou, qui ont dit que l'on y auoit porté celle de vostre Abbaye, ont dit vn faux tesmoignage.

Le susdit procez verbal de l'année 1638. les articles 11. & 15. de l'ordre de nostre Procession, & vos responses à l'article 10. de l'Interrogatoire qui vous a esté fait, iustifient qu'en ladite Procession, les seuls Prestres de nostre Paroisse de saint Estienne encensent le saint Sacrement, mesmes dans vostre Abbaye; qu'ils commencent l'acte d'Adoration par le verset, *O salutaris*

hostia, & que depuis la mort de frere Ioseph Foulon Abbé & Curé, il n'y a point eu en ladite Procession de Diacres ny de sous-Diacres Religieux; Partant vofdits Officiers & Religieux, Confreres, ont desposé faux par ce procez verbal, en rapportant que le saint Sacrement estoit encensé tant sur le Maistre Autel de vostre Abbaye qu'aux autres Reposoirs, par vn Diacre & sous Diacre de vostre dite Abbaye.

Par ledit ordre de Procession, il n'est point porté que vous eussiez vn baston de Chantre; & par l'Interrogatoire qui vous a esté fait, il paroist que ledit baston de Chantre n'est que depuis 1616. Doncques le tesmoignage de vos Officiers & Religieux mentionné en ce procez verbal touchant ledit Baston, a esté rendu contre la verité.

Depuis l'année 1582. iusques en l'année 1607. qui sont 25. ans, frere Ioseph Foulon, vostre Abbé, allant à la Procession, a porté l'Estolle, & y a marché non seulement comme Abbé; mais encores comme Curé, les deux qualitez residées en sa personne, & l'ordre susdit de la Procession, ne dit pas que le Curé de S. Estienne, n'y ayt autre rang que celui de sa profession parmy vous autres Religieux sans Estolle, ny marque de Curé, & consequemment ce procez verbal, où il est rapporté que le Curé de saint Estienne n'y a autre rang que de sa profession en ladite Procession, n'est pas veritable.

Ce formulaire de Procession, ne porte pas que vostre Abbé durant icelle, ait accoustumé de donner la benediction au peuple; Et il ne le peut, pource qu'il n'a point de peuple ny de troupeau, & n'a que vous Religieux dont il est Abbé, c'est à dire Pere spirituel, à qui seullement il peut donner la benediction, *Ergo*, vofdits Officiers & Religieux ont rapporté faux par ce procez verbal, quand ils ont dit que vostre dit Abbé durant cette Procession auoit accoustumé de donner la benediction au peuple.

Le procez verbal de l'année 1639. fait à nostre requeste, porte que ce fut nostre Curé qui commanda à ses Prestres de chan-

ter *O salutaris hostia*, afin de partir sur ce que vous luy auiez dit en cholere qu'il fit sa Procession, & que vous n'y vouliez pas assister, aussi que ce ministration est du seul Curé, & non des Marguilliers & Paroissiens, & toutesfois vous en avez eu si peu de memoire, que vous contredisant à vous mesmes, avez fait dire à vostre frere Epileptique Pierre Guillou, par ce procez verbal que nous nous estions portez à l'Autel de vostre Abbaye, & que de nostre auctorité nous auions fait enleuer le saint Sacrement par deux Prestres de nostre Paroisse.

Enfin le procez verbal de l'année 1639. fait à nostre requeste par personnes publiques, & non suspectes ny interessées, fait voir clairement que nous Curé, Marguilliers & Paroissiens, n'auons pas fait le trouble enoncé en celuy dressé & attesté par vos Officiers & Religieux, Que la violence & le trouble procedent de vostre part.

Mesmes vostre dit frere Guillou dans ses bons interualles, demeurera d'accord que le iour de l'Ascension 1639. luy & nous estans assemblez en la maison du sieur Curé, sur le sujet de ladite Procession, & d'un acte que frere Charles Faure, lors vostre Abbé en figure, vouloit exiger de nous, il nous dit, n'estant pas lors bien satisfait de vostre procedé, *Que les Reformez estoient des mocqueurs, qu'ils travailloient tout le monde, que vous n'auiez pas raison de desirer de nous l'acte que vous demandiez, & que pendant qu'un nommé Contesse, Religieux de vostre Abbaye, estoit Curé de saint Estienne, il s'estoit fait un procez verbal que vous vous empescheriez bien de monstrier, pource qu'il faisoit contre vous-mesmes.* Voila comme quelquesfois Dieu permet que personnes de cette condition disent la verité.

<p>Vingt-trois pieces de ces 28. des demandeurs, que depuis leur reforme ils ont fait des procez semblables à un Curé</p>	<p>Les demandeurs disent qu'ils font voir par 28. pieces cotrees G, que les drois qu'ils pretendent sur la Paroisse, sont ordinaires à eux & à ceux de leur Ordre, en</p>
---	---

de Rheims, à vn de S. Lo, à vn | plusieurs lieux, & en plusieurs
 autre d'Auxerre, à vn d'Or- | Eglises Paroissiales.
 leans, de Neuers, de S. Quen-

tin lez Beauuais, de Chartres, de Chasteaudun, de S. Pierre de Rille, de la ville d'Eu, de Chastillon sur Seine, de Chaalons, de la Charité, & de Vaulx, pour leur embler les droits Curiaux & Paroissiaux, & sur tout pour estre veus les premiers es Processions que l'on fait en ces Cures & Paroisses; Chose honteuse, que la vanité ose paroistre si hardiment parmy des Religieux, contre le titre de l'un des Registres de leur maison, dont ils se seruent contre nous, qui porte *Nihil humilitate placantius*, & de les voir en procez en tant de lieux, pour les premieres places & hauts bouts, & pour les prerogatiues, au lieu que par exemple ils deuroient faire disparoistre toute mondanité en la maison & en la compagnie du Redempteur, qui s'est rabaisé pour les hommes iusqu'à la mort de la Croix: Ils ne considerent pas ce qui est dit au Canon *Sacerdotes distincti*. 40. pris de saint Chrysostome sur saint Mathieu, *Quicumque desiderauerit primatum in terra, inueniet confusionem in celo, nec inter seruos Christi computabitur quo de primatu tractauerit; nec vnusquisque eorum festinet, quomodo alius maior appareat, sed quomodo omnibus inferior videatur, quoniam non qui maior fuerit in honore inter homines, ille est iustior, sed qui fuerit iustior, ille maior.*

Ils deuroient se souuenir que le dernier Commandement que nostre Seigneur a fait à ses Disciples, a esté de se rendre les derniers & les plus petits parmi le monde; Pour ne se laisser pas emporter si facilement à ce vain desir de paroistre les premiers & les ordonnateurs & directeurs de nostre procession, purement Episcopale & Curiale; & que ceux qui affectent & recherchent telles prerogatiues, sont indignes de seruir à Dieu, & doiuent estre chassez de la compagnie des Sacrificateurs.

Ils peuuent apprendre de S. Gregoire en quel danger se mettent les Religieux en recherchant la Cure & le soin des ames des seculiers, Ne craignant rien (disoit-il en l'Epistre 5. du premier

liure de ses Epistres) en ce monde, lors que i'estois Religieux, il me sembloir que i'estois au comble de toutes choses, & croyois qu'en moy fut accomply ce que Dieu promet en Esaïe 58. Je t'esleueray par dessus la hauteur de la terre; car celuy là est esleué par dessus toutes les choses mondaines, qui foule aux pieds par vn mespris spirituel les dignitez, & les charges Ecclesiastiques, qui semblent hautes & glorieuses en ce siecle: mais tout soudain me voyant ietté de ce sommet par le tourbillon de ceste promotion à la Prelature, i'ay esté accablé de craintes & de frayeurs, pour ce que i'agoit que ie ne craignois rien pour moy, ie suis neantmoins en grande crainte pour ceux que i'ay en charge. Et le mesme S. Gregoire en la Preface de son Dialogue, Mon esprit, dit-il, miserable voyant ses occupations iournalieres se souuient de l'estat auquel il a esté autrefois dans le Monastere où il ne songeoit qu'aux choses celestes, & qu'estant encores retenu dans le corps, il sortoit par contemplation hors de la prison de la chair, sans tenir compte des choses caduques, transitoires & perissables, mais qu'à present il est tourmenté des affaires des seculiers par obligation de cette charge Pastorale, & comme il s'est mis hors de soy pour s'accommoder à plusieurs, lors qu'il desire de reuenir à soy mesme, il s'y trouue moins disposé, à raison des flots qui le combattent.

Qu'ils ne se seruent pas doncques de ces 23. pieces, puis qu'elles tesmoignent que leurs pretentions sont iniustes, qu'elles sont extraordinaires & nouuelles, qu'en tous lieux eux & ceux de leur Ordre troublent les Curez: ils se portent contre la Hierarchie de l'Eglise, qu'ils en ambitionnent la Monarchie & la Superiorité au preiudice des Euesques, & Diocesains, des Curez & Pasteurs, des Oüailles & Paroissiens seculiers & laïques; qu'ils pechent contre leur propre commodité, & contre les Reglemens de leur Refforme qu'ils ne sont pas capables de ce qu'ils demandent, & sçachent que S. Anselme Religieux ayant esté créé par force Euesque de Cantorbrie, vn iour s'estant retiré en son Conuent, afin de prendre quelque relasche avec ses Freres, se plaignant de sa condition, vsa des paroles de lesquelles Iob se seruit en sa destresse, *Miseremini mei, saltem vos amici mei, quia manus Domini tetigit me.*

Et qu'ils ne fassent point de consequence des cinq pieces restantes de ces vingt-huict cottées. G. veu que ce sont Arrests particuliers, qui ne font point de Loy, & qui estans courbez sous leurs hypotheses, ainsi que la Regle Lesbienne ne font point de préjugé en cét affaire, *nullum simile idem.*

La faculté de choisir le Predicateur, portée par ce contract, est reservée à l'Abbé & à ses successeurs Abbez, Religieux Profes de l'Abbaye de sainte Genevieve, & au Prieur & plus ancien Religieux de la mesme Abbaye: Son Eminence de la Rochefoucauld n'est pas de cette condition? Et vous Religieux Reformez n'estes pas Religieux Profes de la maison de sainte Genevieve, vous estes de la maison de Senlis, qui sous pretexte de reforme vous estes emparez de la maison de sainte Genevieve, au preiudice des anciens Religieux, ausquels seulement cette faculté a esté reservée. Le Curé de saint Estienne ancien Religieux de la maison de sainte Genevieve, qui est en la condition & en la disposition de ce contract, est satisfait des Predicateurs, qui ont annoncé la parole de Dieu en ladicte Paroisse depuis qu'il est Curé; & vous n'estes ny de la qualité requise par ledit contract, ny en la condition & disposition d'iceluy.

De plus, il faut observer deux choses: L'une, que ledit Frere Ioseph Foulon Abbé & Curé en titre de saint Estienne, qui a fait la fondation, estoit obligé de prescher en la Cure, & pource qu'il ne preschoit pas, il devoit fournir aux frais de la moitié des predications qui s'y faisoient, desquels frais les Marguilliers qui en faisoient l'advance, luy faisoient deduction sur ce qu'ils luy payoient des Obiits de fondation, ainsi qu'il se void par le memoire desdits Obiits, que nous avons produit sous D: à la fin desquels sont les quittances dudit Foulon, faisant mention de la

Nous avons (ajoustent les demandeurs) le choix des Predicateurs du temps de Carefme en vostre Paroisse, en vertu d'un contract de fondation de deux cens livres de rente au denier douze, fait par Frere Ioseph Foulon Abbé, le 6. Janvier 1602. que nous avons produit par H.

dicté déduction iusques en l'année 1602. de ladicte fondation, depuis laquelle, iusques en 1607. includ, il a baillé quittance pure & simple, & sans reserue ny déduction.

L'autre, Qu'ayant tenu l'Abbaye & la Cure, c'est à dire, la mere & la fille (ayant commis inceste spirituel) & sçachant qu'à cause de ce il n'auoit peu faire siens les fructs de ladicte Cure. Il a fondé ladicte predication de deux cens liures de rente, rachetables de deux mil quatre cens liures, laquelle faisoit vne petite partie de ce qu'il auoit pris à l'Eglise, qui est vne espece de restitution des fructs qu'il auoit pris, lesquels ne luy appartenoient pas. Voila pourquoy ledit contract ne doit pas estre pris à la lettre ny executé punctuellement, comme si ladicte fondation auoit esté faicte du bien propre & patrimonial dudit F. Ioseph Foulon.

Quoy qu'il en soit, vous n'estes plus és termes de pouuoir reprendre cette faculté, pource que ledit frere Ioseph Foulon Abbé, qui a eu intention de la transferer à ses successeurs Abbez, & Religieux Profez de sainte Geneuiefue estoit chargé, outre la rente, comme Curé, de loger & nourrir lesdits Predicateurs, lesquels ont esté logez & nourris depuis trente ans & plus aux despens de nostre Fabrique, à la descharge des Curez, dont vous auez amendé à cause de ce d'un pecule plus grand, & d'une meilleure corte-morte. Ioint que depuis nous n'auons point donné moins de cinq cens liures ausdits Predicateurs, & que ces deux mille quatre cens liures, portez par ledit contract, ne rendent à present que cent trente-trois liures six sols, qui ne font pas le tiers de ce qu'il faut bailler à vn Predicateur.

Et nous employons aussi ce que nous auons dit cy dessus, en respondant à ladite demande, pour monstrier que vous n'y estes pas bien fondez, & que vous n'estes plus és termes dudit contract de 1556.

Nous employons, disent les demandeurs, sous la lettre I, vn contract du 10. d'Octobre 1556. pour monstrier que nous sommes bien fondez au 17. chef de nos demandes, concernant la Messe fondée par defunct F. Philippes le Bol.

Nous n'auons rien à dire | *Enfin les demandeurs produi-*
 contre c'est establisement, si- | *sent sous L. les piece. de l'establis-*
 non d'aduertir les demandeurs | *sement de leur reforme.*
 de ce que dit l'Apostre aux Ro- |
 mains, chapitre huitiesme, que ce n'est pas assez d'estre refor-
 mez d'apparence, de nom & de vestemens, mais qu'il faut estre
 entierement transformez en hommes spirituels, ne plus gouter
 que les choses spirituelles conformement à la Loy de Iesus-
 Christ, qui est la Loy de vie & d'esprit, ne vacquer qu'à sa vo-
 cation, & ne point entreprendre ce qui appartient aux Eues-
 ques & Curez.

Les Apostres ont esté establis pour gouverner & conduire
 l'Eglise de Iesus Christ: *In adificationem corporis sui & in opus mi-*
nisterij, vous n'estes pas successeurs des Apostres, Ce sont les Eues-
 ques, *pro patribus nati sunt filij*, c'est à dire selon sainct Augu-
 stin, *pro apostolis constituti sunt Episcopi, hodie enim Episcopi: Qui*
sunt per totum mundum, vnde nati sunt? Ipsa Ecclesia patres illos
appellat, ipsa illos genuit, ipsa illos constituit in sedibus patrum.

Aussi Tertullian dit qu'ils ont esté establis pour estre Princes
 de la Republique Chrestienne, & il les a nommez *seniores*, qui
 veut dire anciens, pource que tous estoient tenus de leur obeyr.
 Clement III. au Chapitre 3. *de maior. & obed.* a dit que S. Pier-
 re l'auoit voulu ainsi, & auparauant S. Ignace Euesque d'An-
 tioche, Disciple de S. Pierre escriuant aux Tralliens, leur a re-
 commandé ceste obeissance, comme à ceux qui representent
 Iesus Christ.

Episcopo vestro tanquam Domino subiecti estote, & nihil prater
Episcopum agite, Qui ei inobediens contemnens Christum, & consti-
tutiones eius minuens, Il est dans le mesme sentiment en l'Epistre
 aux Magnesiens & Philadelphiens, *& sicut Dominus Christus*
sine patre suo nihil facit, sic etiam vos sine Episcopo, sine Presbyteri,
sine Diaconi, sine Laici.

Et afin qu'ils fussent en plus grande veneration parmy les fi-
 delles & leurs Diocesains, ils furent appelez Papes, c'est à dire

Peres,

Peres, ainsi qu'il est rapporté dans saint Cyprian, saint Athanase, saint Hierosme, & saint Augustin : Et en vne epistre du Roy Clouis au premier Concile d'Orleans *Orate* (dit-il) *pro me Domini sancti Apostolica sede Papæ dignissimi.*

Dans Gregoire de Tours ils sont qualifiez ainsi. Le Moine Marculphe au preambule de ses formules, appelle saint Landry Euesque de Paris, *Dominum sanctum ac Reuerendissimum Papam*; Et ils ont possédé ce tiltre d'honneur & de respect, iusques à Gregoire VII. qui le reserua au seul Euesque de Rome.

Mesmes ce grand Pape Leon IV. en l'Homelie qu'il a fait, *de Cura Pastoralis*, les appelle les freres, & tous ensemble successeurs d'Aaron. Et son successeur Nicolas I. les nomme Pontifes fort à propos, Pour ce que comme vn pont fait chemin sur les riuieres, vallées, & lieux rompus pour aller où l'on a dessein, & pour retourner au lieu d'où l'on est parti, ainsi les Euesques font vn pont aux voyageurs Chrestiens, Ecclesiastiques, & Laïques, Reguliers & Seculiers, leur donnent les instructions, & leur preparent les voyes par lesquelles de Viateurs, ils deuiennent comprehenseurs du Royaume eternal & celeste.

Voicy ce qu'en dit Anastase Germon, qui estoit Archeuesque & Comte de Tarentaise, *Episcopi vox, speculatorem significat, animarum regimini optime congruens, cum ex altissima Charitatis specula, creditarum sibi ouium mores explorare ac diligentissime obseruare ad Episcopum maximè pertineat. Episcopos appellat Iuriconsultus, eos qui pani rebusque vœnalibus ad quotidianum vsum necessariis præerant. Vnde Episcopos Pastores animarum dictos esse crediderim, Quod scilicet de cœlesti pane cuius alimēto satiatur ad Deumque extollitur Christiana anima, curam habeant. Hoc enim Episcopi vocabulum vsque ab initio nascentis Ecclesiæ fuisse, testantur Acta Apostolorum ideo enim superintendentis titulo insignitum est ita, vt Episcopatus onus potius, quam honor videatur.*

Mais saint Cyprian a passé plus outre, car il a dit que l'Eglise estoit en l'Euesque, & l'Euesque en l'Eglise, pour nous

apprendre qu'il y a mariage estroit entre l'Euesque & son Diocese; Et que comme vne femme est subiete à son mary, & fait partie de son mari; Ainsi vne Eglise & vne assemblée de fideles à son Euesque, & Seigneur spirituel. Voila pourquoy Monsieur l'Archeuesque de Paris est interuenu en ce procez, pour vendiquer l'Eglise & la Paroisse de S. Estienne son Espouse, & pour empescher que les demandeurs la corrompent: Elle luy a esté confiée, c'est à luy d'en rendre raison: Elle luy est sujette, c'est à luy de la reigler, & de luy prescrire ce qu'elle doit faire: C'est à luy seul de luy enseigner ou faire enseigner les volontez de Dieu, & de luy departir ou faire departir la nourriture spirituelle; C'est à luy à indirc la forme de seruice diuin, Et c'est à luy à ordonner de la Procession du iour de la Feste. Dieu. *Processionibus* (dit le premier Concile de Milan, tenu sous le Pape Pie IV.) *Episcopus locum arbitrio suo assignabit, & videbitur cum sanctissima Eucharistia circumfertur, ut ea modestia & reuerentia adhibeatur, quæ huiusmodi actionibus maximè debetur, præficietque certos viros, quibus cura sit, ut hac omnia seruentur.*

Pour conclusion, la pluspart desdites demandes ont esté formées par lesdits Religieux au descen de Monsieur le Cardinal de la Roche-Foucaut leur Abbé & bien-faiteur, & contre la declaration qu'il fit aux Marguilliers qui le furent visiter le dixiesme iour d'Octobre mil six cens quarante, en presence des freres Faure & Boullard, qu'il ne demandoit & ne pretendoit rien au spirituel de l'Eglise de saint Estienne: Que si les mouuemens dudit Seigneur, estoient suivis par lesdits Religieux, ils viuroient en paix, sans troubler leurs voisins, ny entreprendre sur eux: Pourquoy demandent-ils la Seigneurie spirituelle sur nostre Eglise, ils ne la peuuent auoir au preiudice de nostre Diocésain, auquel elle a esté acquise dès la naissance de nostre Eglise, autorisée par la sentence du Pape Innocent III. de l'an 1201. & par le Concordat de l'an 1202. avec les Abbé & Religieux de sainte Geneuiefue; & depuis confirmée par Arrest contradi-

avoir rendu avec eux le 21. Iuillet 1512. & suivie d'une possession continuelle & non interrompue. Et quant à la temporelle, elle n'appartient pas aux demandeurs, pource que l'Eglise n'est point en la seigneurie temporelle d'aucun, & qu'ils n'ont rien donné ny infodé, ains vendu purement & simplement à prix aduantageux & sans reserve, le fonds sur lequel elle a esté bastie, Et d'ailleurs cette pretendue seigneurie temporelle, ne leur donneroit aucun aduantage en l'Eglise de saint Estienne, & dans les droicts dont ils font demande.

Les demandeurs ne sont point en possession, d'ordonner de la Procession du Saint Sacrement, au iour de la Feste-Dieu, & ils n'en rapportent acte quelconque; Car auant l'an 1573. ils n'ont iamais esté admis à ladite Procession; Et si du temps de Frere Ioseph Foulon, qui estoit Abbé & Curé titulaire, ils y ont esté presens, ç'a esté sous la conduite dudit Abbé en qualité de Curé; Et depuis son deceds auenu en 1607. ils n'y ont esté receus que par tolerance, qui n'acquiert point de possession ny droict de former cōplainte, & intenter, action de maintenue, Et au petitoire cette tolerance depuis l'an 1607. ne peut donner aucun droict, puis que le temps necessaire pour la prescription entre Ecclesiastiques ne s'y trouue point: Et quand les demandeurs auroient droict d'y assister, que non, il ne s'ensuiuroit pas qu'ils eussent droict d'en disposer & ordonner à leur volonté.

Ce qui respond à tous les autres chefs, dont les demandeurs disent & supposent, cōtre verité, estre en possession, comme de faire porter en ladite Procession l'Hostie cōsacrée en leur Eglise, dans leur Soleil, d'y faire porter leur Croix au lieu de celle de la Parroisse, d'y tenir Chœur, d'y porter baston de Châtre, & faire autres ceremonies exterieures, pource que ce sont accessoires & dépendances du pouuoir d'ordonner de la Procession, de quoy les demandeurs n'ont titre, ny possession; & ceux qu'ils ont fait interroger, ont déposé au contraire: Et aussi celuy qui n'est pas

Seigneur incommutable de la matiere & substance, n'a point de pouuoir sur la forme, ny sur les accidents qui en sont produits, & lesquels y sont attachez inseparablement.

Ce n'est pas que quand ils en pourroient estre destachez & possédez separément, les demandeurs fussent de meilleure condition, ny qu'ils peussent s'en préualoir, veu qu'ils ne rapportent point d'acte de possession d'aucuns desdits chefs: Car pour l'article de porter l'Hostie consacrée en leur Eglise, & dans leur Soleil, Le procès verbal de l'année 1638. produict par les deffendeurs sous N. monstre qu'eux presens & assistans, l'Hostie consacrée en la Paroisse, a esté portée en ladite Procession dans le Soleil de ladite Paroisse: Les Respôses generales & particulieres des demandeurs aux articles 12. 13. 14. 15. 40. & 41. des interrogatoires qui leur ont esté faits portent, que dès la premiere année de leur Reforme, qui fut en 1624. l'on s'est seruy du Soleil de S. Estienne, que depuis les demandeurs n'en ont point fait preparer, sinon en 1638: Et il est de notorieté, de faict & de cognoissance toute publique, que depuis plus de vingt quatre ans, l'Hostie consacrée en la Paroisse, a esté portée dans le Soleil de la mesme Paroisse, & que les domestiques de Monsieur le Cardinal de la Rochefoucaut sont venus iusques aux pieds de l'Autel de l'Eglise de S. Estienne, pour la conduire au premier reposoir du grand Autel del' Abbaye, avec des flambeaux ardens, comme il appert par les Interrogatoires de frere Henry de Cuigy Procureur de ladite Abbaye, art. 13. par celuy dudit sieur Curé, article 8. & par ceux des Prestres & Paroissiens.

A l'esgard de ce que lesdits Religieux demandent que l'on y porte leur Croix, au lieu de celle de la Paroisse, que les Marguilliers ne portent point de baguettes, & que l'un desdits Religieux y porte le baston de Chantre: On n'en void aussi aucun tiltre, & la possession est au contraire par les Registres de la Paroisse, de 1573. & 1609. Car ils portent en l'ordre de ladite Procession, qu'apres la Banniere suit la Croix de la Paroisse,

qu'aux quatre coings du Dais sont les quatre Marguilliers portans chacun vne verge dorée, & ne font point mention qu'aucun des Religieux assistans ait eu baston de Chantre, dont ils n'ont commencé à vsurper l'vsage dans leur Abbaye, qu'en l'année 1616.

Pour la leuée des corps decedez dans la Paroisse : l'election des Marguilliers, l'audition des comptes de la Fabrique, le choix du Predicateur du temps de Carême, donner la benediction aux Predicateurs, occuper la premiere place en l'ceuvre, Officier & tenir la place du Curé es festes du Patron, & autres festes solennelles, & toutes les autres pretensions des demandeurs, pour ne dire pas vexations, ce que les defendeurs ont produit sous E. F. G. H. K. M. N. P. Q. iustifie que le droit, & la possession sont du costé de la Paroisse : Et tout ainsi que les demandeurs ne voudroient pas souffrir que Monsieur l'Archeuesque toucha à leur exemption & discipline reguliere, aussi ils ne doiuent pas entreprendre sur le spirituel de la Paroisse de saint Etienne, ny sur la Cure & le gouuernement d'icelle, & des Paroissiens, qui appartiennent audit sieur Archeuesque en qualité de Diocesain, par le droit commun, par la sentence du Pape Innocent III. de l'an 1201. par le Concordat de l'an 1202. & par l'Arrest de l'an 1512. priuatiuement à l'Abbé & aux Religieux de sainte Geneuiefue.

Enfin toutes les demandes desdits Religieux, ne tendent à autre chose, sinon à se rendre maistres de la Paroisse, esteindre l'autorité du Curé en icelle, attribuer les fonctions principales à l'Abbé, où en son absence, aux Prieur, Sous-Prieur & ancien Religieux, & par ce moyen dissiper la Paroisse, *Et percusso Pastore dispergere oues*, qui ne scauroient plus à qui s'adresser pour leur conduite spirituelle : Ce que les deffendeurs ne peuvent souffrir, & ont tres-grand interest d'auoir vn Pasteur asseuré, à qui ils puissent auoir recours, & lequel ayant le soin & le gouuernement des Ames, doit aussi auoir les honneurs, pre-

seances, & prerogatiues de sa charge, que les demandeurs luy
veulent raurir, & en sa personne, à Monsieur l'Archeuesque Pa-
steur & Superieur de ladite Paroisse, au preiudice du droit com-
mun, des transactions, Arrests, & possession cy-dessus remar-
quez, pour faire monstre de la Mitre & Crosse Abbatiale que les
demandeurs ne doiuent porter que dans leur Cloistre, & non
sur le territoire dudit sieur Archeuesque, & dans sa Paroisse, en
laquelle les demandeurs n'ont aucun droit Ecclesiastique spiri-
tuel & temporel.

SENTENCE DV PAPE INNOCENT

III. du 24. Decembre 1201. entre l'Euesque de Paris & l'Abbé de sainte Geneuiefue, touchant la Paroisse de sainte Estienne, d'où est tiré le chap. Olim 17. De Restitut. Spol.



INNOCENTIUS EPISCO-
PVS SERVVS SERVORVM
Dei, venerabili Fratri Odoni Parisiensi Epis-
copo, salutem, & Apostolicam benedictionem.
Olim inter te nomine Parisiensis Ecclesie,
& dilectum filium Abbatem sanctæ Ge-
nouefæ pro Abbatia sua, super possessione
Iuris Parochialis in Parochia de Monte,
quæstione suborta, Et venerabili Fratre no-

stro P. Archiepiscopo Senonensi tunc Parisiensi Canonico procuratore
tuo pro te, dicto vero Abbate, nomine Ecclesie sue, accedentibus ad
Apostolicam sedem, Venerabilem Fratrem nostrum I. Albanensem
Episcopum, & dilectum filium G. Sancte Mariae in Aquiro Diaconum,
nunc vero tituli sancti Vitalis Præbyterum Cardinalem dedi-
mus Auditores; In quarum præsentia dictus proposuit procurator, quod
idem Abbas, Super possessione iuris Parochialis, in Parochia de
Monte grauem tibi molestiam ingerebat, cum eam potestatem vsque
ad tempora tua Parisiensis Episcopus habuerit in Parochianos de
Monte, ac Præbyterum qui eis diuina pro tempore ministrabat, quem
etiam si esset Canonicus Regularis, in Curam Parochie committebat,
& Sacerdos post Curam susceptam de manu Episcopi, Parochianos ad
nutum eius ligabat pariter & soluebat, & si quis excommunicatus
esset ab Episcopo, vel etiam interdictus, Præbyter eum non admittebat
aliquatenus ad diuina, qui etiam benedictiones sponsarum, purifica-
tiones de parte surgentium, & publicas pænitenias non assumebat sibi,
nisi de mandato Episcopi speciali, & si forte Sacerdos talis esset qui

non posset populo ministrare, ipsius excessum Abbati sanctæ Genouesæ & fratribus Episcopus nuntiabat, qui cognita veritate, amaro indigno ad animarum Curam recipiendam alium Episcopo presentabat. Cum ergo nouissimè tu pramonuisses Abbatem, ut Capellanos suos qui Parochiis debebant deservire, ad suscipiendam curam animarum, tibi presentare curaret, hoc se facturum respondit, aliquos presentauit, sed requisitus quod presentaret illum, quid debebat in præfata de Monte Parochia deservire, dixit tunc, eum non posse propter absentiam presentari, cumque hoc sæpius monitus facere non curaret, tu sub pœna excommunicationis, Parochianis inhibuisti de Monte, ne in Ecclesia sanctæ Genouesæ, vel audirent diuina, vel aliqua reciperent Sacramenta, nisi ab illo Præsbytero qui animarum curam ab Episcopo suscepisset: Quæ sententia in eadem Ecclesia fuit, præfate Parochia, publice recitata, eamque Parochiani de Monte, sicut solebant iamdiu, seruauerant, donec facientibus Canonicis sanctæ Genouesæ, populo conuocato, in verbo Sacerdotis & periculo anime, per venerabilem Fratrem nostrum Tornacensem Episcopum ipsius Ecclesiæ quondam Abbatem, fuit publice prædicatum, quod secure poterant audire Diuina, cum in eos nec Archiepiscopus, nec Episcopus, vel Archidiaconus posset excommunicationis vel interdicti sententiam promulgare, sicque ab eo inducti spiritualia receperunt. Te igitur, quemadmodum præmissum est, spoliato obedientia Parochiæ memoratæ, petebat dictus procurator tuus, tibi ante omnia quasi possessionem iuris Parochialis restitui, aduersarijs tuis, super his quæ aduersus te proponendi ducerent, postea plenarie responsuro; cum nec ante restitutionem respondere deberes aduersarijs, spoliatus: Et quod Episcopus Tornacensis & Canonici sæpèdicti, de præmissis excessibus punirentur, causa postmodum coram Delegatis Iudicibus ordine debito pertractanda, in quorum præsentia, de iure Parisiensis Ecclesiæ plenius probaretur, quod tunc temporis propter probationum inopiam fieri non valebat. Caterum præfatus Abbas versa vice nouam iniuriam inferri sibi per te tunc nouum Episcopum proponebat, asserens Ecclesiam suam cum Burgo à primo foundationis tempore, liberam extitisse, nec alicui vnquam in spiritualibus, nisi Romano Pontifici fuisse subiectam, quod per Rescriptum bonæ memoriæ Cele-

stini Papæ prædecessoris nostri, ad cautelam, ostendere nitebatur, qui pia recordationis Alexandri, Lucij, & Clementis prædecessorum suorum Romanorum Pontificum exempla secutus, Ecclesiam præfatam, ea, inter alia, libertate donauit, ut nullus ipsam, Canonicos, vel Burgum, interdicto vel excommunicationi posset supponere, nisi Summus Pontifex vel Legatus ab eius latere destinatus, contra quam libertatem tu venire præsumens, in alienam messem falcem mittere, quod nullus vnquam prædecessorum tuorum fecerat, præsumpsisti, Canonicum ipsius Ecclesiæ, qui hominibus Burgi spiritualia ministrabat, ut à te Curam animarum reciperet, tibi postulans præsentari, quod cum obtinere non posses, post appellationem interpositam, & iter arreptum ad sedem Apostolicam veniendi, omnes qui in Ecclesiæ sanctæ Genouesæ missam Parochialem audirent & communicantes eis, excommunicationis vinculo subiecisti, cuius timore motus populus, tanquam rudis ex ignorantia vel humilitate abstinuit aliquandiu à diuinis, sed per iamdictum Tornacens. Episcopum olim Abbatem eiusdem Ecclesiæ illuc postmodum accedentem, cognita veritate, qui, sicut iuris peritus, eis asseruit incunctanter, quod sententia tua de qua præmisimus, tanquam à non suo iudice lata, nullius obinebat roboris firmitatem, ad proprium rediit populus Sacerdotem, quem si etiam ex certa scientia euitasset, ut sic iure suæ Ecclesiæ priuaretur, ei non sic posset, sicut nec per colonum Domino inscio vel inuito præiudicium generari, quando & si tu aliquid iuris habere in eos, quod penitus negabatur, cum ex eo, quod appellationi minime detulisti, in leges commiseris, per eas non debebas restitutionis beneficium obtinere, quia is frustra leges inuocat qui committit in eas, præsertim cum fueris numquam destitutus, unde restitutionem petere non valebas: Quod autem eadem Ecclesia esset in possessione instituendi Canonicum, qui spiritualia populo ministraret, & quod super hominibus Burgi utramque iurisdictionem haberet, & prædecessorum tuorum temporibus habuisset, paratum se Abbas ex abundanti, dicebat incontinenti probare: Postulabat proinde, quicquid à te de facto fuerat post appellationem interpositam attentatum, irritum iudicari, teque, ne de cætero similia præsumeres, coerceri Prædictis igitur & alijs rationibus per dictos Auditores, qui & petitiones

& allegationes partium in scriptis redditae nobis & Fratribus
 nostris prudenter & fideliter retulerunt, plenius intellectis. Nos
 attendentes, quoniam ex eo solo quod populus dictae Pa-
 rochia, timore ipsius sententiae, per aliquot dies abstinuit à diui-
 nis, nullam in eos iuris Parochialis possessionem fueris affecu-
 tus, nec fuit aliquo modo probatum, quod eo tempore quo
 sententiam protulisti possessionem in ipsos iuris Parochialis
 haberes, vel prius etiam habuisses, restitutionem tibi ad-
 iudicare de iure nequiuimus: Cum non constiterit te fuisse
 aliquatenus spoliatum. Verum, quia super alijs quae pro-
 ponebantur ex parte tua, nobis non potuit fieri plena fides, causam
 ipsam dilectis filijs Vizeliacensi & sancti Petri Antissiodorens.
 Abbatibus & decano Aurelianensi sub ea forma duximus committen-
 dam &c. Tandem ad nos gesta omnia munita sigillis Iudicum sunt
 remissa, per dilectum filium M. N. Procuratorem tuum, & iam-
 dictum Abbatem ad nostram ob hoc praesentiam accedentes: Nos er-
 go, praesentibus fratribus nostris, gesta ipsa fecimus aperiri quorum
 continentiam pleno concepimus intellectu, &c. Cum igitur testes tui
 Parochianos de Monte ad examen Parisiensis Ecclesiae accessisse, testes
 vero partis alterius, eos in foro Abbatiae referant litigasse, ut non vi-
 deantur aduersa dixisse, dicta tuorum, de Parochianis illius partis Pa-
 rochia quae sita est extra Burgum, quam tibi dictus Abbas nunc etiam
 recognoscit, aliorum vero dicta, de Parochianis partis alterius quae Bur-
 gus dicitur, quam dictus Abbas sibi vendicare conatur, possunt intel-
 ligi competenter, &c. Nos ergo attestationibus, rationibus & alijs hinc
 inde propositis diligenter auditis & plenius intellectis: Quoniam in
 duobus articulis, Institutionis videlicet, & destitutionis Capellani
 de Monte, & libertatis interdictum Parisiensis Ecclesiae in praefata
 Parochia non seruandi, de possessione Abbatis legitime constitit, cuius
 etiam Ecclesiae, Rescripto Apostolico indulgetur ut nulli nisi Romano
 Pontifici vel Legato ab eius latere destinato, liceat in Burgum sanctae
 Genouesae interdicti, vel excommunicationis sententiam promulgare
 unde rem illicitam, & tibi prohibitam attentasse videris, Abbate pos-
 sessionem libertatis suae auctoritate Apostolica defendente, nec per sen-

ientiam à te latam noua tibi fuerit possessio acquisita, cum sic non debeat constitui seruitus, sed constituta potius declarari, nec in his articulis quicquam pro tua fuerit parte probatum, Abbatem ipsum & Ecclesiam suam ab impetitione tua & Parisiensis Ecclesie, de communi fratrum nostrorum consilio, super his sententialiter duximus absoluendum. Licet autem in alijs capitulis, ab vtraque parte productiones inducte fuerint variae ac diuersae, quia tamen plenius, & expressius est pro tua parte probatum, & Index credere debet quod natura negotij conuenit, ut confirmet motum animi sui, ex argumentis & testimonijs quae rei aptiora esse compererit, & vero proximiora, & quibus potius lux veritatis assistit secundum legitimas sanctiones, nec solum petebas quasi possessionem iuris Parochialis tibi restitui, sed Abbatem, & Canonicos de praemissis puniri excessibus, quos super possessione iuris Parochialis in Parochia de Monte, grauem molestiam ingerere querebaris, communicato fratrum consilio, in ceteris ad possessionem Iuris Episcopalis vel Parochialis in tota Parochia de Monte spectantibus, illis dumtaxat exceptis super quibus pro parte altera est absolutionis prolata sententia, sapeditos Abbatem & Ecclesiam sanctae Genouefa pro Parochia sapedita, tibi & Ecclesiae Parisensi per sententiam definitiuam condemnamus, Ex his tamen quae super possessorio in presenti sunt iudicio proinde definita nullum tuæ, vel alteri parti, circa quaestionem proprietatis volumus prauiudicium generari. Ne vero sententia nostra, si effectu, careat irrisoria videatur, &c. Datum Anagninae nono Kal. Ianuarij Pontificatus nostri Anno quarto.

Extraict des Archiues de l'Archeuesché de Paris.

Signé, BAVDOUN.

CONCORDAT DE IVIN

MIL DEUX CENS DEUX ENTRE

Monſieur l'Eueſque de Paris & l'Abbé de
Sainte Geneuiefue.



*I*N nomine sanctæ & indiuiduæ Trinitatis, Amen.
Hac est forma compositionis & pacis inter Domi-
num Odonem Episcopum, & Ecclesiam Parisien-
sem ex una parte, & Ioannem Abbatem
& Ecclesiam Sanctæ Genouesæ ex altera, Super
querelis quas dictus Episcopus mouebat de iure Parochiali in Paro-
chia de Monte, & procurationibus quas in Parochialibus Ecclesiis
Canonicorum de Monte petebat, & è contra Canonici de Monte
aduersus Episcopum super Capella Ecclesiæ Sanctæ Genouesæ sita in ci-
uitate Parisiensi, Scilicet quod Parisiensis Episcopus habebit
omne ius Episcopale seu Parochiale in tota Parochia de
Monte, & Presbiter qui illi Parochia spiritalia pro tempore mi-
nistrabit, etiam si sit Canonicus regularis, presentabitur Episcopo
& ab eo Curam recipiet animarum & Parochianos ipsius Parochiæ
ad mandatum Episcopi vel Archidiaconi citabit, vocabit, ligabit
pariter & soluet, Chrisma & oleum ad opus Parochiæ ab Ecclesia
Parisiensi recipiet, ad Synodum etiam veniet nec tamen Circatam
vel Synodaticum reddet, item licebit Episcopo & Archidiacono in
singulos de prædicta Parochia, & omnes, interdicti & excommuni-
cationis ferre sententiam, quæ si lata fuerit Presbyter qui illi Paro-
chia deseruiet excommunicatos seu interdictos de ipsa Parochia non
admitter, tamen illis exclusis, in Altari Parochiali quod est intra
maïorem Ecclesiam nihilominus celebrabit, sed nec alios interdictos
vel excommunicatos ab Episcopo vel Archidiacono undecunque fue-
rint, ullo unquam tempore ipse vel alius in Altari Parochia re-
cipiet aliquatenus ad diuina. Ab hac autem generalitate exceptæ

erunt ab omni iurisdictione Episcopi & Archidiaconi, viginti personae inter seruitores & garciones infra ambitum Canoniorum habitantes, comedentes, cubantes & leuantes, scilicet unus Ianitor, duo Quadrigarii, duo Cursores, unus Hostellarius, unus Carpentarius, unus Hortolanus, quatuor in seruitio furni, quatuor in seruitio Coquinae, unus Sarcinator, unus Vigil, unus Matricularius, unus Infirmarius, & extra septa Canoniorum, sex seruitores scilicet tres Escuery Abbatis, unus seruiens Capiceriis, unus Clausarius vinearum, unus Tonelarius. Nullus autem viginti sex praedictorum, Viarius poterit esse vel Maior Burgi ita ut praedicta gaudeat libertate. In his siquidem praedictis viginti sex personis aut in illis quae in locum eorum per Abbatem fuerint subrogatae, nullam Episcopus vel Archidiaconus potestatem habebit, nisi de eorum matrimonio separando agatur. Illa etenim causa pleno iure ad Episcopum & Archidiaconum pertinebit: Vxores autem praedictorum sex seruitorum in Parochia de Monte, extra Canoniorum septa manentium, iurisdictioni Episcopi & Archidiaconi in omnibus spiritualibus subiacebunt, eo saluo ut pro foris-factis maritorum suorum interdicti vel excommunicari non possint: Et quando in Parochia positum fuerit interdictum, liceat ipsis sicut & viris earum, in Altari Parochiali audire diuina. In praedicta autem Parochia de Monte, neque Episcopo sine consensu Canoniorum, neque Canonicis sine Episcopo, nouam Ecclesiam seu Capellam edificare licebit. In augmentum vero praedictae Parochiae dedit Episcopus ad habitandum vineam suam de Brunello, ita ut omnes qui in loco illo habitauerint cum aliis Parochianis de Monte, à Prasbytero Parochiae supradictae diuina percipiant Sacramenta, & ad Episcopum & Archidiaconum pleno iure pertineant, similiter & illi qui habitabunt in clauso quod dicitur Mali vicini si quando illud inhabitari contigerit. Præterea Ecclesiam de Roissiaco dedit Episcopus Canonicis memoratis ad eorum usum perpetuo possidendam, cum additamento villa quae dicitur Vallisderlandi, in qua villa licebit praedictis Canonicis de Monte, si voluerint edificare Capellam, Episcopi tamen iurisdictioni subiectam, & tam in Ecclesia de Roissiaco, quam in

Capella sicut & in aliis eorum Ecclesiis Parochialibus ad curam animarum recipiendam Presbyterum Episcopo presentabunt. De procurationibus autem quas Episcopus in eorum Ecclesiis exigebat, ita statutum est, ut Ecclesia de Iaußigni, Despinolio, de Vanuys, de Nantura, de Roosneio, & sancti Medardi, à procurationibus Episcopi libera sint penitus & immunes, verum in Ecclesia de Roßiaco quatuor libras Parisiensis monetae, accipiet praedictus Episcopus annuatim, de quibus procurationem unam vel plures sibi parabit Episcopus in ipsa Ecclesia de Roßiaco vel in qua voluerit praedictarum. Praedicti quoque Canonici sanctae Genouefa, ut omnis amoueaturs annuente Domino materia seditionis & scandali, Capellam sanctae Genouefa sitam in ciuitate Parisiensi, dederunt Episcopo & successoribus eius in perpetuum liberam & quietam, nullo sibi in ea iure retento, ut possit ipse vel eius successores de praedicta Capella pro sua voluntate disponere; Praebendam quoque & Vicariam quas praedicti Canonici in Ecclesia Beatae Mariae Parisiensis habebant, praedicto Episcopo & eius successoribus quittauerunt, nihil omnino sibi iuris in praedicta Praebenda seu Vicaria reservantes. Hac autem omnia, ita in perpetuum seruabuntur, nonobstante sententia Summi Pontificis, quam pro se Parisiensis Episcopus inducebat, ut aliis quibuscumque munimentis ab alterutra partium impetratis vel impofterum impetrandis, In huius rei testimonium & perpetuam firmitatem, duo scripta in eundem tenorem confecta sunt, quorum alterum habebit Ecclesia Parisiensis sub sigillis duobus Abbatis videlicet & Capituli sanctae Genouefa, & reliquum habebit Ecclesia de Monte similiter sub duobus sigillis Episcopi scilicet & Capituli Beatae Mariae Parisiensis. Actum anno Incarnati Verbi millesimo ducentesimo secundo mense Iunio, sigillatum duobus sigillis in cera viridi sub cordulis sericeis viridis coloris.

CONTRACT DE L'AN 1491. POUR
l'accroissement de l'Eglise Sainct Estienne.

ATOUTS ceux qui ces presentes Lettres verront. Agnes Destouteville Cheualier, Seigneur de Beyne, Baron du Loy & de Sainct Andry en la Marche, Conseiller Chambellan du Roy nostre Sire, & Garde de la Preuosté de Paris: Salut, Sçauoir faisons que pardeuant Pierre Orage & Guillaume de Mongermon Clerks Notaires lurez du Roy nostredit Seigneur de par luy establis en son Chastelet de Paris: Furent presens en leurs persones Reuerend Pere en Dieu Monseigneur Philippes Cousin Abbé de l'Eglise & Abbaye Madame Sainte Geneuiefue fondée au Mont de Paris de l'Ordre de Sainct Augustin, Geoffroy Marie, &c. tous Prestres Religieux Profes en ladite Eglise & Abbaye Sainte Geneuiefue assemblez ensemble au Chapitre d'icelle Abbaye pour faire & passer le contenu cy apres, & en la maniere accoustumée de faire pour les affaires d'icelle Abbaye, faisans & representans pour lors tout ledit Conuent d'une part. Et honorables hommes Maître Jean de la Bretonniere Conseiller du Roy nostredit Seigneur en sa Chambre de Generaux sur le faict de la Iustice des Aydes Jean de Beaumont Procureur audit Chastelet, Vincent le Creant marchand frippier bourgeois de Paris, & Guillaume Boucher, marchand boucher aussi Bourgeois, de Paris, Marguilliers de l'Eglise, oeuvre & Fabrique de saint Estienne joignant ladite Abbaye de Sainte Geneuiefue audit Mont de Paris, pour & au profit de ladite Eglise Oeuure, & Fabrique d'autre part. Disans icelles parties, mesmes lesdits Religieux Abbé & Conuent, que lesdits Marguilliers leur auroient baillé & présenté certaine requeste en leur remonstrant la grande multitude du peuple estant de present en ladite Paroisse, laquelle multitude & peuple ne pouuoit entrer en ladite Eglise Sainct Estienne, pour ouyr le seruice Divin en ladite Eglise & Paroisse, obstant ce que icelle Eglise

estoit trop petite, & que leur plaisir fust leur permettre de accroistre icelle Eglise, & que pour icelle accroistre leur bailler partie de leur Enfermerie, & leur consentir faire construire & edifier pour le proffit d'icelle Eglise dudit Saint Estienne les edifices contenus specifiez & declarez en ladite requeste, & aux charges contenuës in icelle au proffit d'icelle Abbaye & Conuent; Lesquels Religieux Abbé & Conuent veuë par eux ensemblement en leurdit Chapitre en ladite Abbaye, le contenu en ladite Requeste, les remonstrances faites par ledit Abbé, en ensuiuant ledit contenu en ladite requeste, apres plusieurs deliberations faites & euës entre eux, eu sur ce par eux l'aduis & conseil d'icelle Eglise & Abbaye, & aussi eu par eux esgard à la supplication & requeste qu'ils trouuent estre iuste & raisonnable; desirans l'augmentation du seruice Diuin, & pour plus inciter & emouuoir les cœurs & vouloir des creatures, mesmement des Paroissiens d'icelle Paroisse dudit saint Estienne à iceluy seruice ouyr & entendre; & à venir en leur Eglise & Paroisse, & faire du bien à icelle: De leurs bons grez & volonteiz, propre mouuement & certaine science, sans aucune force, fraude, seduction, contraincte, ou deceuance, Recongnurent & confesserent en la presence, & pardeuant lesdits Notaires comme en droict iugement pardeuant nous, Auoir permis, octroyé & accordé, & par ces presentes lettres permettent, octroyent, & accordent ausdits Marguilliers dessus nommez, pour & au proffit d'icelle Eglise oeuvre & Fabrique dudit S. Estienne, A ce qu'ils puissent par eux & leurs successeurs Marguilliers en icelle Eglise, accroistre & faire accroistre & augmenter *leurdite Eglise dudit Saint Estienne* en longueur autant que contient de present *leur petite Cour ou Paruis*, qui est deuant le portail de ladite Eglise, & transporter *leur Clocher* encommencé, si faire le veulent au lieu ou *leur vieil Clocher* est à present, & iceluy hausser de trois à quatre toises de hault & non plus, pour y mettre iusques à quatre Cloches, & sur iceluy faire vn petit Pauillon, sans y pouoir

eriger esguille ny pointe. Et pareillement pourront prendre & auoir iceux Paroissies & Marguilliers tout au long de leur Eglise du costé de la Chapelle Nostre Dame, pour faire & edifier Chapelles iusques à dix ou vnze pieds en leur dite Enfermerie, & contre le cheuet de ladite Chapelle Nostre Dame en sa largeur & douze pieds de long pour faire vn petit Thresor ou riestiaire, Pour en iouyr par iceux Marguilliers leurs sains successeurs, & Paroissiens presens & aduenir comme de leur chose, & appartenances d'icelle Eglise aux charges & conditions, & par la maniere cy apres contenue, spécifiée & declarée. Ces permission, octroy & accord faits, tant à la charge que iceux Marguilliers seront tenus, ont promis & promettent par eux leursdits successeurs Marguilliers, & icelle Eglise Oeuure & Fabrique dudit saint Estienne, De faire faire la voûte, portail & portes de l'entrée par ou l'on va du Carrefour à sainte Geneuiefue, icelles soustenir, maintenir & entretenir à tousiours perpetuellement: Desquelles portes le Cheuecier d'icelle Eglise & Abbaye sainte Geneuiefue en aura vne clef pour mettre & sortir hors d'icelle Eglise sainte Geneuiefue, les Pellerins & autres qui viendront en ladite Eglise sainte Geneuiefue de iour & de nuict. Et les Curé & Marguilliers dudit saint Estienne en auront aussi chacun vne clef, & si ne pourront mettre ou faire mettre en l'allée dessous ladite voûte, aucunes chandelieres pour vendre chandelles de cire, le Cierge benist de ladite Paroisse aucuns Reliquaires, ne pretendre ou reclamer aucun droit en ladite allée, nonobstant le contenu en toutes autres lettres ou octroy a eux faictes & à leurs predecesseurs Marguilliers par les predecesseurs Abbez & Conuent d'icelle Eglise, lesquelles moyennant le contenu en celsdites presentes, sont & demeurent cassées, annullées & de nulle valeur, & si seront tenus de retenir & faire vider toutes les eauls de ladite Eglise sainte Geneuiefue, & icelles mettre hors des grosses murailles de ladite Abbaye à leurs despens, De faire vne saillie outre & par dessus leurs carneaux pres leur viz

neufue de trois pieds au plus , & faire vne nouuelle entrée en leur viz sur la grande entrée si bon!semble ausdits Marguilliers , Comme parmy dix liures tournois monnoye courante à present de rente annuelle & perpetuelle , & non rachepable à tousjours , en ce comprins , desduit & rabbatu certaine autre rente que ladite œuure & Fabrique deuoit à ladite Eglise , Abbaye & Conuent de Sainte Geneuiefue , & dix sols parisis aussi d'autre rente, que la Cure dudit S. Estienne deuoit pareillement à ladite Abbaye, & Conuent, dont moyennant icelles dix liures tournois de rente non rachepable , & comme amortie, ils sont & demeurent quittes & deschargez , Que lesdits Marguilliers seront tenus par eux leursdits successeurs , rendre & payer doresnauant par chacun an à tousiours ausdits Religieux Abbé & Conuent de Sainte Geneuiefue & leurs successeurs Procureurs, Receueurs ou Commis en icelle Abbaye , ou au porteur de ces lettres aux quatre termes en l'an à Paris , accoustumez en ceste maniere , c'est à sçauoir trente deux sols parisis au Reffectoir d'icelle Abbaye, trente deux sols parisis à la Pitance , trente deux sols parisis à l'Enfermerie, & le residu montant à soixante quatre sols parisis à la Grande Chambre d'icelle Abbaye & Conuent , premier terme de payemēt commençant à Pasques prochainement venant , & ainsi d'an en an , & de terme en terme par iceux quatre termes. Lesquels octroy , permission , accord , promesses, conuenances , gageries & toutes & chacunes les autres choses dessus dites , & en ces lettres contenuës & esrites , icelles parties dessus nommées promirent , & iurerent par la foy & serment de leurs corps és mains desdits Notaires en la maniere de faire en tel cas , comme en la nostre souueraine pour le Roy nostredit Seigneur , auoir agreable , tenir ferme & stable à tousiours sans iamais contreuenir , &c. Obligeans , &c. qui furent faictes & passées multiples le Dimanche 19. Feurier l'an de grace 1491. Signé, DE MONTGERMON ET ORAGE.



TRANSACTION FAITE ENTRE
*l'Abbé & les Religieux de sainte Genevieve, & le
 Curé de saint Estienne en l'année 1506. pour la crois-
 sement de la Maison Presbyterale de la Paroisse.*



Vrent presens en leurs personnes Reuerend Pere
 en Dieu Monsieur Philippes Cousin Abbé de
 l'Eglise & Abbaye Madame sainte Genevieve
 au Mont de Paris, Religieux & honestes per-
 sonnes Freres Iacques Briffaut Prieur, Guillau-
 me le Duc sous-Prieur, Iean Choppin Cham-
 brier, Iean Babillon Chancelier, Iean Baudouyn, Sellerier, Clau-
 de Huot Pitancier, Iean Magiolois Cheuecier, Iean Lijotte
 Procureur, Guillaume Bouquet Prieur de Marisy, Estienne
 de Norment Chantre, Mathieu Monton, Nicolas de Rouues,
 Pierre Enfermier, Benoist Pinart, & Philbert le Sage tous
 Religieux, Prestres de ladite Eglise & Abbaye Madame
 sainte Genevieve, faisans & representans quant à present la
 plus grande & saine partie de tous les Religieux de ladite Ab-
 baye assemblez en icelle, pour faire ce qui ensuit, Pour & au
 nom d'icelle Abbaye & Conuent, d'une part, & Religieux &
 honneste personne Frere Estienne Comtesse aussi Religieux
 d'icelle Abbaye, & Curé de la Cure de saint Estienne, en l'en-
 closture d'icelle Abbaye, Pour & au profit de ladite Cure, d'au-
 tre part, disans lesdites parties esdits noms, quelles
 estoient en procez audit Chastelet, pour raison de la pro-
 priété d'une maison & portion de Cour, appelée la maison
 de la Chancellerie, estant ioignant le Pignon de la grande
 porte de l'Eglise de ladite Abbaye, d'une part, & d'autre part
 au Presbytere de la Cure dudit saint Estienne, en laquelle
 maison est de present la Cuisine, & l'entrée de la caue dudit

Curé contenant deux trauées ou enuiron, que lesdits Religieux Abbé & Conuent disoient appartenir à ladite Eglise & Abbaye, à cause dudit Office de Chancellerie: Et au contraire ledit Curé de saint Estienne disoit iceux lieux appartenir, *A ladite Cure, & en auoir iouy luy & ses predecesseurs*, par tel & si long temps qu'il n'est memoire du contraire, finalement icelles parties esdits noms, pour obuier audit procez nourrir paix & amour entr'eux, de leur bons-grez, bonnes volontez, propres mouuemens, & certaines sciences, sans contrainte ou induction aucune pour leur profit faire, & dommage rescheuë, eux sur ce bien conseillez, pourueuz aduisez & deliberez, si comme ils disoient, recogneurent & confesserent en la presence, & par deuant lesdits Notaires, comme en droict iugement Auoir traicté, transigé, accordé, & appointé, & par ces presentes traictent, cheuissent, transigent, accordent, & appointent ensemble en la forme & maniere qui s'ensuit: C'est assauoir, lesdits Religieux, Abbé & Conuent, auoir cédé, transporté & delaiissé, & par ces presentes cedent transportent & delaiissent à tousiours *audit Curé, pour luy & ses successeurs* Curez dudit saint Estienne, ladite Maison de la Chancellerie dessus declarée, moyennant & parmi le prix & somme de cent liures tournois, que lesdits Religieux Abbé & Conuent, en confesserent & confessent auoir eu & receu dudit sieur Curé, pour icelle somme estre conuertie & employée en l'edifice d'un autre logis, qui sera fait pour ledit Office de Chancellerie, au lieu & ainsi que deuise sera entr'eux, & laquelle somme de cent liures tournois, à esté baillée, payée comptée, & nombrée par ledit Curé audit Chambrier, en la presence desdits Notaires, en douzains, ayant de present cours pour douze deniers piece, dont lesdits Religieux, Abbé & Conuent se tindrent & tiennent pour bien contans, en quitterent & quittent ledit Curé, & tous autres, à qui quittance en appartient, & partant lesdites parties se desisterent, & departirent, desistrent & departent de tous procez qu'ils auoient ensemble pour raison de ce, & sans des-

pens

pens d'un costé & d'autre, Fait & passé double en ladite Abbaye,
l'an mil cinq cens & six, le Mercredy septiesme iour de Iuillet,
ainsi signé de MONGERMONT, & de CALAIS.

ARRREST DV PARLEMENT

*du 24. Ianuier 1510. Entre le Curé de S. Estienne,
Et les Principal, Maistres & Escholiers Pauvres
du College de Montaigu pour les droits Parochiaux.*

NTRE Frere Estienne Contesse, Religieux Prieur
Curé de l'Eglise Parochiale Monsieur S Estienne au
Mont de Paris, appellant du Preuost de Paris, où
son Lieutenant d'une part, Et les Principal, Mai-
stre & Escholiers Pauvres du College de Montaigu fondé à Pa-
ris en ladite Paroisse de S. Estienne intimez d'autre part : Ap-
pointé est que ladite appellation & ce dont a esté appellé mis
au neant sans amende & sans despens, Ledit Contesse sera
maintenu & gardé & le maintient & garde ladite Cour, en pos-
session & saisine de pouuoir exercer & faire exercer par luy &
ses Commis tous droits Parochiaux dedans ledit College de
Montaigu, Chappelle & autres lieux d'iceluy, scituez & assis dans
les fins & limites d'icelle Paroisse, comme il peut faire & fait es
autres lieux d'icelle Paroisse: Et neantmoins qu'iceux Maistres
& Escholiers pourront en ladite Chappelle dudit College, cele-
brer ou faire celebrer Messes & autres Diuins Seruices, y tenir
Ciboire & une Hostie sacrée, laquelle iceluy appellant pourra
visiter en personne, comme Curé, toutes & quantes fois que
bon luy semblera: Et si pourront lesdits du College, admi-
nistrer aux Escholiers dudit College, les Sacrements de Pœni-
tence & de l'Autel, en payant à iceluy Curé les droits & deuoirs
accoustumez à Pasques & tels comme aux autres Colleges, sauf

toutesfois que si aucuns desdits Escholiers estoient malades & en danger de mort, & qu'au moyen de ce leur salut administrer lesdits Sacremens de Pœnitence & de l'Autel, Extreme-Onction & pareillement recevoir leurs Testaments, *ledit Curé* le fera ou ses commis de par luy: Et ne pourront aussi lesdits du College ensepulturer & mettre en terre en leurfdite Chapelle aucun desdits Escholiers sans le congé & licence *dudit Curé*: Et partant sont les parties hors de tous procez qui auoient & pourroient auoir esté meus, encourus entre elles, à cause des droits de ladite Cure, par cy-deuant, iusques aujourd'huy, *Sic signatum*, Berruyer, Ferrou: FAIT & passé en Parlement par frere Estienne Contesse en personne & present Maistre Guillaume Berruyer son Procureur d'une part, Et par Maistre Iean Ferrou, Procureur des Principal, Maistre & Escholiers Pauures du College de Montaigu au Mont de Paris d'autre, le vingt quatriesme iour de Ianuier l'an mil cinq.cinq.cens dix. Signé PICHON.

Arrest du Parlement du 21. Iuillet 1512. entre Monsieur l'Euesque de Paris: Et l'Abbé & Religieux de Sainte Geneuiefue, touchant la Cure de S. Estienne.



IOVIS par la grace de Dieu Roy de France, A tous ceux qui ces presentes lettres verront, Sçauoir faisons que comme en certain procez meu & pendant pardeuant nos amez & feaux Conseillers les gens tenants les Requestes de nostre Palais à Paris, Commissaires en cette partie; Entre les Religieux Abbé & Conuent de Sainte Geneuiefue du Mont à Paris, prenans le fait & cause pour frere Estienne Contesse Religieux dudit Monastere, & Prieur Curé del'Eglise Parochiale de saint Estienne du Mont, demandeurs & complaignants d'une part, Et nostre amé & feal Conseiller l'Euesque de Paris, opposant & deffen-

leur d'autre, De la part desdits demandeurs eussent estre pro-
 posez plusieurs faits & moyens, A ce que pour les causes decla-
 rées audit procez, ils feussent maintenus & gardez en la posses-
 sion & saisine des droits de liberté, franchise & exemption
 dudit Euesque de Paris, & qu'il n'auoit esté & n'estoit loisible
 audit Euesque, de visiter les lieux estants dans ladite Abbaye,
 circuit & enceinte d'icelle, mesme ladite Eglise Parochiale de S.
 Estienne du Mont, scituée dans l'enclos & circuit dudit Mona-
 stere & Abbaye, En la possession & saisine que ledit Euesque ou
 ses Officiers, acause du droit de Visitation par luy pretendu en
 ladite Eglise S. Estienne, ny à l'occasion, d'iceluy n'auoit peu & ne
 pouuoit faire citer deuant luy ou ses Officiers, ledit Curé ou son
 Vicaire, ni proceder ou faire proceder contre eux par contuma-
 ces, excommunications, suspensions ou autres censures Eccle-
 siastiques, En la possession & saisine de se dire & nommer pos-
 sesseurs desdits droits, Au contraire que ledit deffendeur ne pou-
 uoit & ne deuoit se dire & nōmer possesseur des mesmes droits,
 En la possession & saisine, que si ledit deffendeur s'efforçoit
 de troubler ou empescher les demandeurs & complaignants en
 leurs possessions & saisines, de l'empescher & faire remettre les
 choses bien & deuēment en leur premier estat, incontinant &
 sans delay par les voyes de iustice en declarant ou besoin seroit
 les troubles & empeschemens faits par le deffendeur torsion-
 naires & defraisonnables & leuant à leur profit, nostre
 main & tous autres empeschemens qui auoient esté mis &
 apposez sur lesdites choses contentieuses, avec condamnation
 de despens dommages & interests & en cas de plus long debat,
 que la recreance leur fust faite & adiugée : Et de la part du de-
 fendeur eussent estre alleguez au contraire plusieurs faits &
 raisons a ce que pour les causes declarées audit procez, Il fut dit
 qu'à tort & sans cause, les demandeurs auoient formé complain-
 te & qu'à bonne & iuste cause le deffendeur y estoit opposé &
 faisant droit sur ladite opposition il fut maintenu & gardé en la
 possession & saisine d'auoir comme Diocésain les droits Epis-

copaux en ladite Paroisse de S. Estienne & de la Visiter par chacun an, ou quand besoin seroit, ensemble les Fonts Baptismaux, le Chresme, les Saintes Huilles & le Sacraire ou repose le S. Sacrement & de faire & exercer tout ce qui dependoit de ladite Visitation, en la possession & saisine que ledit Curé & son Vicaire estoient tenus de respondre & obeir audit Euesque sur le fait de ladite Visitation des Sacremens de ladite Paroisse & de toutes autres choses concernantes la Cure & le gouvernement des Ames, & de recevoir ledit deffendeur en l'acte de ladite Visitation comme leur Euesque, avec reuerence & soumission en tel cas deue & accoustumée, en possession & saisine de corriger par Censures Ecclesiastiques, lesdites Curé & Vicaire, en cas de resistance à ladite Visite: En la possession & saisine de corriger les abus & deffauts comis & qui pourront estre trouuez cy-apres en l'administration des Sacremens & des choses Sacrées, & autres concernantes la Cure des Ames, & de proceder & faire proceder pour lesdits deffauts, contre ledit Curé & son Vicaire, par citations, suspensions, excommunications & autres peines de droit selon l'exigence des cas: En possession & saisine que ledit Curé & son Vicaire estoient sujets au deffendeur & à son Official en tout ce qui dependoit de la Iurisdiction Spirituele & Ecclesiastique pour raison desdites corrections, deffauts en l'administration desdits Sacremens & exercice d'iceux Cure des Ames de ladite Eglise & en tout ce qui touche & concerne le regime & gouvernement des Ames du peuple de ladite Eglise & tenus de subir Iurisdiction par deuant eux: En possession & saisine que si lesdits demandeurs, ledit Curé ou son Vicaire ou autres s'efforçoient de faire aucune chose contre lesdites possessions, de le contredire & l'empescher & de le faire reparer par Iustice, & remettre deuëment en son premier estat, en leuant à son profit nostre main, & tout autre empeschement apposé sur lesdites choses contentieuses, & en cas de plus long debat, la recreance luy fut adiugée, & les demandeurs condamnés aux despens dommages & interests d'i-

celuy defendeur. Et en fin tant auroit esté procedé que lescdites parties ouyes, auroient esté appointées contraires, & à faire enquestes tant sur le principal que sur la demande incidente, en reparation d'iniures intentées par le deffendeur contre les demandeurs: Et depuis les enquestes faites de part & d'autre, ayans esté receuës pour iuger, & les Lettres, Tiltres & enseignemens, contredits, saluations & reproches de tesmoins desdites parties mises & produites, & icelles parties appointées, à ouyr droit, Nostres Conseillers par leur sentence, auroient dit que lescdits demandeurs à tort & sans cause auoient formé complainte, & en outre maintenu & garde ledit deffendeur en possession, & saisine dudit droit de Visitation en ladite Eglise & Paroisse de saint Estienne du Mont à Paris, & ce faisant d'exercer tous actes appartenans au droit de Visitation, en possession & saisine que le Curé de ladite Eglise & Paroisse de saint Estienne & son Vicaire estoient tenus recevoir ledit defendeur, & luy obeir, faisant comme Euesque ladite Visitation comme à leur Diocésain, & Superieur de ladite Eglise Parochiale: En possession & saisine, que si lescdits Curé & Vicaire ou autres s'efforçoient de refuser où contredire ladite Visitation de proceder contr'eux par citations excommunications & autres censures Ecclesiastiques, & de les contraindre à souffrir ladite Visitation & y obeir, En possession & saisine, que si les demandeurs s'efforçoient d'attenter ou faire quelque chose contre lescdites possessions & saisines, d'y contredire, & de l'empescher, & faire remettre les choses en leur premier estat, en leuant au profit & à l'aduantage du deffendeur nostre main & tout autre empeschement qui auoit esté mis & apposé à cause dudit procez sur lescdites choses contentieuses, & en ce que ledit defendeur s'estoit rendu demandeur en reparation d'iniures, auroient enuoyé absous lescdits Abbé & Conuent, des demandes fins & conclusions du defendeur, & neantmoins iceux condamnez aux despens du procez: Eust esté par lescdites parties respectiuelement appellé en nostre Cour de Parlement

en laquelle lefdites parties ouïyes en leurs causes d'appel, & le procez par escrit conclud & receu pour iuger si, bien ou mal, à esté appellé, ioinct les griefs hors le procez, que lefdites parties pourroient bailler dans huiétaine ausquelles pourroient aussi respondre à la huiétaine ensuiuant, iceluy procez veu, griefs & responses desdites parties, & tout diligemment examiné: **NOSTRE DITE COUR** Par son Jugement & Arrest, à mis & met lefdites appellations & ce dont à esté appellé au neant sans amende & despens des causes d'appel, & pour cause & en eman-dant, nostredite Cour à maintenu & gardé, maintient & garde lefdites parties respectiuelement, sçauoir lefdits Abbé & Conuent en la Possession & saisine des droicts de liberté, franchise & exemption de la Iurisdiction de l'Euesque de Paris, & de tous autres Euesques, comme immédiatement sujets au Siege Apostolique: En possession & saisine que l'Euesque de Paris, ne peut Visiter les lieux scituez dans le circuit & enceinte de ladite Abbaye & Monastere de Sainte Geneuiefue; *Fors & excepté l'Eglise Parochiale de S. Estienne, scituée dans l'enclos & circuit dudit Monastere & Abbaye, en ce qui concerne seulement la Cure des Ames de ladite Eglise Parochiale: Et ledit Euesque de Paris en possession & saisine des droicts Episcopaux en ladite Eglise Parochiale de S. Estienne du Mont, comme Euesque & Diocésain d'icelle: En ce qui concerne la Cure des Ames: En possession & saisine de visiter ladite Eglise & les Fonts Baptismaux d'icelle, le Chresme, les Saintes Huiles & le Sacraire ou repose le S. Sacrement & d'exercer toutes autres choses dependantes dudit droit de Visitation: En possession & saisine que ledit Curé & son Vicaire son tenus de respondre deuant ledit Euesque & luy obeyr sur le fait de ladite Visitation des Sacremens de ladite Paroisse & es autres choses concernantes la Cure & le gouvernement des ames: En possession & saisine, que ledit Curé & son Vicaire sont tenus de receuoir avec reuerence & obeysance en tel cas requise & accoustumée, ledit Euesque Diocésain, Pasteur & Superieur de ladite Eglise Parochiale: En possession & saisine, de proceder par Censures Ecclesiastiques, contre ledit Curé & son Vicaire, en cas de contredit ou*

refus de ladite Visitation : En possession & saisine , de corriger les abus & deffauts trouuez en l'administration de s^{ds} Sacremens & des choses sacrées & autres concernantes la Cure & le gouuernement des ames , & de proceder pour lesdits deffauts contre ledit Curé & son Vicaire & chacun d'eux , par citations , suspensions , excommunications & peines de droit , selon l'exigence des cas : En possession & saisine que ledit Curé & son Vicaire sont tenus comparoir deuant ledit Euesque ou son Official , lors & quand ils y seront appelez pour raison de ladite Cure & des choses qui en dependent concernantes la Cure des Ames de ladite Eglise Parochiale , & à faute de ce faire de pouuoir proceder contre eux par contumaces & Censures Ecclesiastiques : Et à leuë nostre main & tout autre empeschement apposé esdites choses contentieuses à l'occasion dudit procez au profit & vtilité, commune de chacune desdites parties : Et pour le regard des iniures pretenduës par ledit Euesque , à mis les parties hors de Cour & de procez , condamné lesdits Abbé , Religieux & Conuent en la moitié des despens de la cause principale seulement , la taxe d'iceux à nostredite Cour reseruée : En tesmoin de quoy auons fait mettre & apposer nostre scel à ces presentes. DONNE à Paris en nostre Parlement le vingt-vniesme iour de Iuillet , l'an de grace mil cinq cens douze , & de nostre regne l'vnzième.

Signé PICHON.

Acte de visite de Monsieur l'Euesque de Paris, en l'Eglise saint Estienne, en l'année 1551. En presence de Frere Philippes le Bel, Abbé de sainte Geneuiefue, & Curé Titulaire de la Paroisse.

Extratum à Registro Visitationis facta, per Reueren-

dum in Christo Patrem, & Dominum Dominum Eustachium du BELLAY, Dei & sanctæ Sedis Apostolica, gratia Parisiensem Episcopum.

ANNO Domini Millesimo Quingentesimo Quinquagesimo Primo, die Iouis Vicesima Prima Mensis Maij.

Visitata fuit per dictum Reuerendum Patrem, Parochialis Ecclesia, Sancti Stephani in Monte Parisiensi, ac ibi, Missa submissa voce celebrata, & concio facta per Magistrum Nicolaum Maillart, Doctorem Theologum.

Sacraria seu cybola bene disposita reperta sunt. Item oleum Sanctum, Chrisma sanctum, & oleum infirmorum in vasis, honestis reconditum repertum est.

Fontes Baptismales nitidi.

Reuerendus Pater Dominus Philippus le Bel, Abbas Monasterij Sanctæ Genouesue, & residens in Abbatia, CVRATIVS dictæ, Parochialis Ecclesiæ astitit & presens fuit dictæ Visitationi.

Magister Ioannes la Biche, & Anthonius Helie antiqui Magister Franciscus Cartault, & Stephanus Carrier, noui seu Noniter electi eiusdem Ecclesiæ Matricularij, & prouisoires presentes.

Ainsi Signé,

BOVRGOING.



PROCES VERBAL DE VISITE EN
l'Eglise de S. Estienne, faict par Monsieur l'Euesque
de Paris, en l'an 1585. contenant plusieurs Ordon-
nances & Admonitions dudit sieur Euesque, à Frere
Ioseph.

*Ioseph Foulon Abbé de sainte Genevieve, & Curé
Titulaire de ladite Paroisse.*

A NNO Domini millesimo quingentesimo octuagesimo quinto,
die Sabbati decima tertia mensis Aprilis.

ECCLÉSIA Parochialis sancte Stephani in Monte Parisiensis
fuit visitata, per Reuerendum in Christo Patrem & Dominum Do-
minum PETRUM DE GONDY, Dei & sanctæ sedis
Apostolicæ gratia Parisiensem Episcopum, cui assistebant venerabiles
& circumspecti viri Domini Archidiaconi Parisiensis & à Iosayo,
insignis Ecclesiæ Parisiensis Canonici Prebendati.

CVRATIVS venerabilis & Religiosus Frater Iosephus Fou-
lon, Abbas Sanctæ Genouefa.

Vicarius Frater Guillelmus Zoline, eiusdem domus Abbatialis
Religiosus ordinem sancti Augustini professus.

Matricularij honestj viri magister.

Iean in Senatu Parisiensi Patronus.

Thibault & Oliuarius Bouchinet, qui quidem dictæ visitationi
adfuerunt.

In qua Quidem Ecclesia post Missam in maiori Altari per vnum,
ex eiusdem Reuerendi Patri Domini Parisiensis Episcopi Capellanis
seu Eleemosinariis celebratam, omnia Sacramenta per præfatum Do-
minum Episcopum visitata fuere.

Quæ quidem munda & bene disposita reperta sunt.

Qua quidem visitatione per acta post concionem tempore Quadragesi-
mali fieri solitâ ab eodem Reuerendo Episcopo auditam, idem Dominus
Episcopus, assistentibus quibus supra propter Angustiam domus presby-
teralis dictæ Ecclesiæ recepit se in domum Abbatialem eiusdem Ecclesiæ
rectoris ubi in maiore eiusdem domus aula præsentibus, & ibidem exi-
stentibus prædictis statuta & ordinata fuerunt per eundem Dominum
Parisiensem Episcopum quæ sequuntur.

ET premierement apres l'exposition faite par ledit Sieur Reuerend Euesque de Paris, Que la cause de sa venue estoit pour donner quelque ordre & police aux plaintifs, qu'il auoit entendu estre faits, soit du Vicaire, gens d'Eglise, ou Fossoyeur de ladite Paroisse pour le regard de leurs charges & du deuoir qu'ils doiuent faire en ladite Eglise: Et aussi pour s'enquerir si le Seruice Diuin estoit en icelle Eglise bien & deuement celebré, les Ceremonies de l'Eglise obseruées, & les fondations des bonnes gens qui ont delaisé de leurs biens en icelle, pour la decoration & entretenement du Diuin seruice estoient gardées, entretenues & obseruées: *Et aussi pour receuoir les plaintes du Curé*, s'il y en auoit aucunes contre les Marguilliers: Et pareillement celles desdits Marguilliers à l'encontre dudit Curé.

Lesdits Marguilliers par l'organe dudit Monsieur Iean aussi Marguillier de ladite Eglise, ont déclaré qu'ils ne se plaignent de leur Curé, & se contentent de luy: Mais (*cum bona venia*) & par forme d'auertissement, à dit que le Vicaire de ladite Paroisse n'estoit assidu *aux Processions*, qui se faisoient en icelle: Suppliant Mondit Sieur de luy enjoindre d'y estre d'i-cy en auant plus assidu: Dauantage que les Prestres habitez en ladite Eglise ne font leur deuoir, tel qu'ils doiuent, & est requis, Mais courent en l'Eglise ça & la, sans demeurer assidus & arrestez au Diuin Seruice, & lesquels mesmes ne se comportent deuotement & modestement comme gens d'Eglise doiuent faire *aux Processions* de ladite Paroisse.

D'aduantage qu'il y a en ladite Eglise plusieurs Prestres desquels quelques-vns sont capables & les autres non, & par ainsi indignes de leurs charges & vocations, lesquels lors qu'il faut faire guain & receuoir quelque profit ou argent sont assidus en ladite Eglise, Mais ou il n'y a point de lucre s'en vont de ladite Paroisse & n'assistent *aux Processions*, ny au Diuin Seruice d'icelle comme ils doiuent & sont tenus: Suppliant Mondit Sieur de Paris, d'y vouloir mettre ordre, pour le moins enjoindre au Curé de ladite Paroisse de l'y mettre.

Ce qu'ayant esté entendu par mondit Sieur à enjoint au Curé de ladite Eglise d'aduerter son Vicaire d'estre assidu *ausdites Processions*, Et aussi aux Prestres habituez de faire leur deuoir & estre assidus tant au Seruice Diuin *qu'aux Processions*, qui se font en ladite Eglise se comportant en icelles, & en toutes leurs actions modestement & prudemment, comme leur qualité & vocation le requiert donnant par leur bonne vie & modestie bon exemple au peuple.

Et quant à la capacité d'iceux à enjoint Mondit Sieur audit Curé de mettre & commettre en son Eglise des Prestres capables & suffisans pour ouyr les Confessions des Paroissiens, & desquels les Pœnitens puissent receuoir quelque consolation spirituelle par le moyen de leur capacité, & suffisance selon laquelle ils pourroient discerner, *le pram a le pra*, & enjoindre aux pecheurs pœnitence condigne à leur faute, de ce chargeant l'honneur & conscience dudit Curé.

A quoy Monsieur de Sainte Geneuiefue Curé à dit qu'il y auoit vingt quatre Prestres habituez en son Eglise, lesquels veritablement ne sont assidus *aux Processions*, & diuin seruice comme ils doiuent, & d'aucuns desquels la capacité n'est pas grande pour bien consoler vn pecheur; Mais qu'il y prendra garde avec l'aide de Dieu plus qu'il n'a fait par le passé, & qu'il se trouue quelques fois outre les Prestres habituez, plusieurs autres Prestres supernumeraires, lesquels sont jeunes & viennent de dehors, lesquels depuis peu de temps il a chassés & estrangés de ladite Eglise, & desireroit seulement que les vingt quatre habituez fussent assidus, & que ce seroit vne compagnie honnorable, de voir vingt quatre Prestres assidus en vne Eglise: Ce qui ne se peut faire à raison qu'aucuns d'iceux sont Escholiers, lesquels ayans dit leurs Messes s'en vont à leurs leçons & estudes: loint qu'ils n'ont moyen de se tenir assidus en lad. Eglise à raison, que mesmes les plus apparens des Paroissiens par leurs Testamens ne demandent quelques fois que douze Prestres en leur conuoy, les autres fix: & que si lesdits Paroissiens employoient lesdits vingt

quatre Prestres habitez, ils se trouueroient & tiendroient plus assidus.

A quoy Monsieur Iean Marguillier a respondu que lesdits vingt-quatre Prestres ne sont appelez le plus souuent aux Conuoyz, à cause qu'ils ne sont assidus en ladite Eglise, & qu'il est difficile quelque fois de les assembler.

Sur quoy mondit Sieur de Paris a ordonné apres auoir remonstéré qu'en vne Eglise y doit auoir des Prestres habitez, & autres, & principalement les iours solennels, pour confesser & administrer les Paroissiens, que dorefnauant afin que lesdits habitez ayent occasion de se tenir assidus, tant au diuin seruice *qu'aux Processions de ladite Eglise*, Les Marguilliers leur donneront moyen de viure, pource à quoy satisfaire, leur feront dire & chanter les Messes des fondations laissées en ladite Paroisse, leur donnant pour chaque Messe six sols tournois, que si lesdits Prestres ne se veulent assujettir de dire lesdites Messes de fondation, voulant dire autre Messes de deuotion pour aucuns particuliers, seront mis hors de ladite Eglise, & leur sera osté le surplis, enjoignant ausdits Marguilliers, que s'ils voyent quelque faute estre faite, & commise par les gens d'Eglise, d'en aduertir le Curé, afin d'y mettre ordre ainsi que sa charge le requiert, & Dieu luy commande.

Et sur la plainte qu'a faite ledit sieur Curé des Prestres de ladite Paroisse, lesquels ne demeurent en la Ville, ains aux Fauxbourgs où se tiennent leux & berlans chose scandaleuse & indigne de gens Ecclesiastiques.

Mondit sieur de Paris a donné charge audit Curé de mettre ordre à la demeure desdits Prestres, & ordonner tant de la premiere que seconde douzaine d'iceux, comme bon luy semblera, chargeant de ce, son honneur & conscience.

Et sur la plainte & remonstrence qu'a faite ledit Monsieur Iean Marguillier de ladite Paroisse, sur quelque exaction qu'il a entendu auoir esté faite, iusques à demander huiet sols pour cha-
cun Prestre, pour l'assistance d'un conuoy.

Monsieur le Curé a dit & respondu qu'il n'a iamais ouy parler de ce, & que là où on luy en eust parlé, il y eust mis bon ordre : Et que celuy est encores à n'aistre qui pouroit se plaindre d'auoir demandé les droicts qui luy appartiennent de sepulture, qu'aussi-tost il ne les eust donné gratuitement, & de bon cœur, ayant mesme aduertit son Vicaire & Receueur d'ainsi faire.

Surquoy Mondit sieur de Paris a ordonné que pour le regard des pauures, seront enterrez gratuitement, & quant à ceux qui sont aisez & riches, s'ils demandent six Prestres leur en sera baillé six, pour le Conuoy, s'ils en demandent douze, douze leur en seront baillez, & plus grand nombre s'ils les demandent.

Et quant au salaire desdits Prestres, tant pour l'assistance du Conuoy, que pour celle qu'ils font au Chœur, lors que le seruice se fait & chante.

Mondit Sieur a ordonné que les Curé & Paroissiens de ladite Eglise en aduiseront ensemble si mieux n'ayment se regler selon les Sentences, & Reglemens donnez sur ce, par les Officiaux.

Quant est des fondations de ladite Eglise, apres que lesdits Marguilliers ont remonsté qu'il y en auoit de bien petites, & lesquelles ne se pouuoient faire sans la perte de la Fabrique de ladite Eglise.

Mondit Sieur de Paris a ordonné que si lesdites fondations sont si petites, en faut faire vne reduction, & en mettre deux ou trois en vne, & par ainsi que lesdits Curé & Marguilliers ayent à s'assembler, afin de voir lesdites fondations, & de les reduire comme ils verront estre honeste & conuenable, apres laquelle reduction faite, la porteront à Mondit Sieur, afin de l'omologuer ainsi qu'il verra bon estre, & cela fait, & ladite reduction arrestée & omologuée, sera mis par lesdits Marguilliers en chaque Chappelle où sont enterrez ceux qui ont fait lesdites fondations, vn tableau afin que l'on voye pour qui & à l'intention desquels chaque iour se diront & chanteront lesdites Messes.

Et pour obuier au desordre qui pourroit aduenir en ladite Paroisse, faute de police ou ordonnance, à esté d'abondant enjoint & ordonné par Mondit Sieur de Paris, qu'en ladite Paroisse le Dimanche au matin ne se fera Sermon ains apres le dîner, & au lieu du Sermon qui se souloit faire le matin audit iour, le Curé ou son Vicaire expliquera la Creance & Commandement de Dieu au simple peuple, afin de l'instruire en la Religion Catholique Apostolique & Romaine, & le confirmer d'auantage en icelle: Laquelle interpretation seruira de Progne pour la Messe de Paroisse qui se dira le Dimanche au matin sur les six heures, ou peu apres en esté, & sur les sept heures l'huiuer pour les seruiteurs & seruantes, à laquelle se feront eauë beniste & pain benist.

Ne se fera aucune benediction de pain benist, ne eauë beniste, és Messes de Confreries qui se diront en ladite Paroisse.

Defenses aux gens d'Eglise de ladite Paroisse, de ne dire ne celebrer Messe lors & tandis que la Messe Parochiale se chantera, sinon apres le Progne d'icelle fait.

Et sur la remonstrance faite par Monsieur Jean Marguillier, de ce que la Messe de Paroisse qui a esté ordonnée le Dimanche au matin pour les seruiteurs, par Mondit Sieur de Paris, *se dit de beata*, Et que cela scandalise plusieurs qui ont intelligence de la langue Latine, & qu'elle doit estre dite du iour: Ioinct que ladite Messe est delia fondée par feu Monsieur le Bel Abbé de sainte Geneuiefue, & predecesseur dudit Curé, & que ce n'est raison que ladiie Messe fondée serue de Messe de Paroisse.

Après que ledit Curé a déclaré, que comme Curé il ne doit qu'une Messe de Paroisse.

A esté ordonné par Mondit Sieur de Paris: Apres qu'il leur a remonsté qu'il falloit prendre quelque Messe qui fut fondée le Dimanche, pour seruir de premiere Messe de Paroisse en ladite Eglise, apres que lesdits Marguilliers ont dit qu'un nommé Monsieur Villette auoit fondé vne Messe de cinq

heures en ladite Eglise, laquelle seroit commode pour seruir de Messe de Paroisse ledit iour de Dimanche, laquelle se diroit plus solennellement, & le *De profundis* à la fin: Ce qui exciteroit le peuple de prier Dieu pour ledit Villette qui auroit fondé lad. Messe.

A esté ordonné par Mondit Sieur que lesdits Curé & Marguilliers parleront audit Sieur Villette, afin de voir s'il accordera que la Messe ainsi par luy fondée à cinq heures, soit dite à six ou sept heures le Dimanche au matin pour seruir de Messe Parochiale, & ce seullement pour le Dimanche, tellement que les autres iours ladite Messe ne laissera de se dire à cinq heures ainsi qu'elle a esté fondée, & celle de feu Monsieur l'Abbé par mesme moyen à son heure.

Et sur la plainte faite par lesdits Marguilliers contre le fossoieur de ladite Paroisse, à cause des exactions qu'il fait pour la confection des fosses & autres choses dependantes de son office.

A esté ordonné par mondit Sieur que ledit fossoieur aura pour vne fosse faite au Cimetiere dix sols t. & pour vne faite dans l'Eglise, vingt sols, & pour les autres petites fosses, sept sols six deniers, lequel se contentera de ladite taxe, *Alias*, sera chassé, & en prendront lesdits Marguilliers vn autre, qui obeyra à la presente ordonnance.

Et pour ceux qui porteront les corps des Trespassez, *pro modo laboris*, sera baillé à chacun d'eux, deux sols t. hors-mis les gens d'Eglise qui auront cinq sols chacun.

Et sur le pour-parlé de l'accroissement & augmentation du grand Cymetiere de ladite Paroisse & demolition du petit Cymetiere.

Mondit Sieur de Paris, apres auoir ouy l'offre faite par Monsieur l'Abbé de Sainte Geneuiefue Curé de ladite Paroisse a remis ce la à la discretion desdits Curé & Marguilliers les admonestant de presenter sur ce leur Requeste, laquelle volontiers il entherinera.

Ce fait & ordonné, mondit Sieur de Paris, s'est retiré avec sa compagnie.

Fait par moy Greffier de l'Officialité de Paris, sous signé le
jour & an que dessus. Signé, Morier.

REQUESTE PRESENTÉE A MONSIEVR
*l'Euesque de Paris, en execution de ladite Visite, par ledit Frere
Ioseph Foulon en qualité de Curé Titulaire de saint Estienne, &
par les Marguilliers de ladite Eglise, pour la suppression du petit
Cæmetiere de la Paroisse.*

A Monseigneur l'Euesque de Paris.

SVpplient les Curé, Marguilliers & Paroissiens de l'Eglise
S. Estienne du Mont: Disans que pres de ladite Eglise, y a
deux Cæmetieres l'un desquels qui est petit est grandement in-
commode ausdits supplians, pour aller & venir en icelle Egli-
se, pour le peu de place qu'il y a entre lesdits deux Cæmetieres,
lesquels supplians auroient aduisé de faire oster les terres dudit
petit Cæmetiere qui ne sert de gueres, & donne Monsieur l'Ab-
bé de sainte Geneuiefue place joignant le grand Cæmetiere
pour iceluy acroistre & agrandir: Mais lesdits supplians ne veu-
lent ce faire sans vostre permission. Ce considéré Monseigneur,
Il vous plaist permettre ausdits supplians de pouuoir faire oster
ledit petit Cymetiere, & de faire transporter la terre d'iceluy
dedans l'enclos de ladite Abbaye sainte Geneuiefue en lieu &
place commode, & les ossemens qui se trouueront audit Cæme-
tiere, en l'autre Cæmetiere qui demeure, & vous ferez bien, Ainsi
signé Foulon, Abbé de sainte Geneuiefue, du Breuil, le Beau,
Pinson & Bordier.

Veuë la presente Requête, par Reuerend Pere en Dieu Messire
Pierre de Gondy, Euesque de Paris: Et apres auoir esté deuë-
ment informé de la commodité ou incommodité du lieu, par
la uisitation qui en a esté faite par Monsieur Preuost, Docteur

en Theologie, Chanoine de l'Eglise de Paris, son Vicaire general, lequel à cet effet s'est transporté sur ledit lieu : Ledit Sieur Euesque à accordé & permis ausdits Suppliant le contenu en ladite Requête, aux charges & conditions y contenuës. Fait à Paris le 27. iour de Iuin mil cinq cens quatre vingt-sept.

Ainsi signé H E T T O N.



*AUTRE REQVESTE PRESENTÉE A
Monsieur l'Euesque de Paris, pour le changement du service en
l'année 1610.*

A Monseigneur l'Euesque de Paris.

LEs Marguilliers & Paroissiens de l'Eglise Parochiale saint
saint Estienne du Mont à Paris, vous remonstrent tres-
humblement, Que par le moyen du droit que Messieurs les Ab-
bez de sainte Geneviefue audit Mont de Paris ont de nommer,
& vous presenter les Curez de ladite Eglise saint Estienne (quād
le cas y eschet) lesdits Sieurs Abbez ont tousiours continué d'y
nommer, & faire pourvoir vn des Religieux de ladite Abbaye,
lesquels pour estre instruits, & sçauoir par cœur des leur ieunes-
se le service qui se chante à l'vsage de ladite Abbaye, pour leur
commodité particuliere, l'ont fait couler & doucement intro-
duit dans ladite Paroisse. En sorte que de long-temps & enco-
res de present ayans delaisé le chant qui se deuoit dire & chan-
ter à l'vsage de vostre Diocese, on ne dit ny chante en ladite
Eglise S. Estienne, autre service sinon celui de ladite Abbaye.
Dequoy lesdits Paroissiens se sont plusieurs fois plains à leursdits
Curez, & iceux priez de vouloir reprendre ledit vsage de Paris,
ce qu'ils ont refusé faire pour ny estre (ce disoient ils) accou-
stumez, ains à celui de leur Monastere & Abbaye : A raison de-

quoy lesdits Paroissiens par plusieurs & diuerses fois auroient tout fraichement instamment requis lesdits apresent Marguilliers de ladite Eglise, de vous supplier sur ce leur pouuoir, Ce qu'ils n'auroient voulu entreprendre sans le commun consentement & deliberation desdits Paroissiens, en assemblée generale, laquelle ils ont pour cet effect conuoquée en la chambre du conseil de ladite Eglise accoustumée le dernier iour de Novembre dernier passé, en laquelle auroit esté appelé, & se seroit trouué Frere Bernard Bourguignon Religieux d'icelle Abbaye, & à present Curé de ladite Eglise S. Estienne du Mont, ou ledit affaire ayant esté proposé & mis en deliberation apres que ledit Sieur Bourguignon auroit sur ce oppiné, & dit toutes ses raisons contraires que bon luy à sembler, à esté resolu que lesdits apresent Marguilliers se pouruoiroient par deuers-vous. Pour & au nom desdits Paroissiens, vous supplier d'ordonner & leur octroyer le changement dudit seruice: Veu mesmes que ladite Eglise est à present fort mal fournie de liures necessaires pour ledit chant, & qu'en tout cas il leur est besoin d'en auoir, & achepter d'autres neufs pour continuer ledit seruice. Mais d'autant qu'en faisant ladite deliberation, il a esté recognu qu'il n'y a moyen de recouurer les liures necessaires audit chant, tant dudit vsage de saincte Geneuiefue que de celui de Paris, sinon en les faisant escrire à la main, ce qui ne pourroit se faire d'icy à long temps; & sans y despendre plus de cinq cens escus: Que ladite Eglise n'a moyen de porter pour estre fort pauvre & chargée de grands bastimens. Ils vous supplient tres-humblement leur vouloir permettre parprouision & en attendant les Impressions dudit Vusage de Paris, de pouuoir vser & se seruir de l'Vusage de Rome & du Concille, dont les Liures ce peuuent aysément recouurer & plus commodément achepter: Tout ainsi & pour les mesmes raisons que l'ont pratiqué & en vsent les Curé & Paroissiens de l'Eglise Parochiale de S. Medard lez Paris, qui ont acheté lesdits Liures & tiennent maintenant ledit Vusage de

Rome, encores que ladite Cure soit en la presentation du mesme Abbé Sainte Geneuiefue & le Curé, Religieux de ladite Abbaye, comme est celle de S. Estienne: Et vous ferez bien.

Ainsi Signé, Roland, Noblet, Buon, Carbonnet, Perdulcis, Presdefeigle, du Chesne, Longuet, Gamare, du Cloud & Baudcuyn.

Veü par Monseigneur de Paris, la presente Requête: Apres auoir ouy le Curé de ladite Eglise, à ordonné que le Seruice Diuin, se fera en ladite Eglise à l'Vsage de Paris, lors que les Marguilliers auront fourny de Liures necessaires. Fait à Paris le 11. Ianuier, mil six cens dix. Signé, *BAVDOVYN.*

Acte pour le retranchement du Cœmetiere de S. Estienne du Mont.

Henry de Gondy, par la permission Diuine Euesque de Paris, A tous ceux qui ces presentes verront, Salut sçauoir faisons, Que sur la Requête qui nous à esté présentée par les Prieur Curé & Marguilliers de l'Eglise Parochiale, ou Prieuré Curé de S. Estienne du Mont à Paris; Que pour la commodité de la dite Eglise & entrée d'icelle, il est necessaire couper partie du cœmetiere, qui est joignant l'entrée de ladite Eglise, Ce quils ne peuuent faire sans nostre particuliere permission: Pour ce est-il, Que nous ayans esgard à ladite Requête, & pour la commodité publique: Auons permis & permettons ausdits Prieur Curé & Marguilliers de faire transporter la terre du dit Cœmetiere avec les ossemens des Trepassez en autre Cœmetiere & terre Sainte dans l'enclos de l'Abbaye de Sainte Geneuiefue. Fait à Paris le septiesme Iuin, l'an mil six cens quatorze.

Signé *BAVDOVYN.*

PROCEZ VERBAL DE L'ANNEE MIL

six cens trente-huict, contenant la premiere entreprise & nouveauté de frere Charles Faure & des Religieux de Sainte Geneuiefue, en la Procession du Saint Sacrement de la Paroisse saint Estienne.

Eiourd'huy leudy troisieme iour du mois de Iuin mil six cens trente-huict, iour de la Feste du Saint Sacrement, sur les six à sept heures du matin se sont adressez à nous, Notaires sous signez Monsieur Maistre Iean Goret, Conseiller, Secretaire du Roy, Maistre ordinaire en la Chambre des Comptes de cette Ville de Paris: Maistre Iean Varet Aduocat en Parlement: Iean Fraissant, & Clouis Hussion Marchands, Bourgeois de ladite Ville, tous Marguilliers de l'Oeuure & Fabrique de Monsieur saint Estienne du Mont de Paris, lesquels sur l'aduis qu'ils ont eu que les Religieux de sainte Geneuiefue auroient intention de vouloir changer & introduire quelque nouveauté en l'ordre qui s'estoit de tout temps obserué en la Procession qui se fait ce iourd'huy en ladite Paroisse; & en laquelle par courtoisie & deference d'honneur ils auoient esté receus & admis par les Curé & Paroissiens: Nous ont requis nous vouloir transporter en ladite Eglise saint Estienne du Mont, afin d'observer & remarquer lesdites nouveautez, & leur en donner acte pour leur servir & valloir en temps & lieu: Ce que nous leur ayant accordé, serions sur les sept heures & demie arriuez en ladite Eglise, en laquelle nous aurions trouué lesdits sieurs Marguilliers, qui s'y estoient desia rendus en leurs places dans l'Oeuure d'icelle, & grand nombre de Paroissiens qui s'assembloient dans la Nef de ladite Eglise, avec flambeaux, torches & luminaires pour assister à ladite Procession; Lesquels Sieurs Marguilliers nous ayant aperceus, nous auroient derechef requis de vouloir exactement observer tout ce qui se passeroit en l'une & l'autre desdites Eglises: Ce que voulans executer, nous nous serions premierement trans-

portes dans le chœur de ladite Eglise saint Estienne du Mont, sur le Maistre Autel duquel, nous aurions veu le S. Sacrement dans vn grand Soleil porté par deux Anges, le tout d'argent vermeil doré, & enrichy de plusieurs pierres precieuses, reuerement posé dessus en brancart pour estre porté sur les espaules couuert d'un petit daiz ou ciel de velours rouge cramoisy, tout plain de passément d'or & deux Prestres aupres reuestus de leurs Aubes, & Chasubles prés à le porter, quant la Procession seroit prestée à marcher, & quantité de torches, cierges & flambeaux autour, *Entre lesquels nous aurions recogneu ceux de Monsieur le Cardinal de la Rochefoucauli avec ses armes, & ceux de Monsieur le Nonce aussi avec les siennes,* & en sortant dudit chœur, nous aurions veu que deux Bourgeois seroient partis de ladite Eglise, & entré en celle de sainte Geneuiefue par la porte qui est au derriere de la chaire du Predicateur, & au mur moitoyen de l'une & l'autre Eglise, suiuis de quelques personnes qui portoient quantité de chapeaux de fleurs & bouquers qu'iceux Bourgeois auroient présenté à quelques Religieux qui estoient dans le chœur de ladite Eglise avec leurs Chappes, preparez pour aller à ladite Procession, mais en petit nombre, & porté le reste dans la Sacristie où estoit la pluspart desdits Religieux, & nous estans mis à genoux deuant le Maistre Autel pour faire nos prieres nous aurions apperceu sur iceluy vn Soleil préparé dans lequel estoit le saint Sacrement fait exprés pour estre porté à la main, & voyant que rien ne s'aduangoit, nous serions retournez dedans ladite Eglise de S. Estienne du Mont, en laquelle nous aurions trouué le Curé d'icelle, parlant ausdits sieurs Marguilliers, & à quelques vns des principaux paroissiens de ladite Paroisse qui leur auroit dit que le Frere

Faure Abbé Coadjuteur de ladite Abbaye de sainte Geneuiefue vouloit porter à la Procession le saint Sacrement sous le daiz que pour cet effect, il auoit fait preparer vn Soleil propre à cela qui estoit sur l'Autel de son Eglise : A quoy lesdits sieurs Marguilliers & autres Paroissiens luy ayans fait responce qu'ils le supplioient qu'il ne fut rien innoué au fait

de ladite Procession, que le Saint Sacrement auoit de costume d'estre porté par les Prestres de leur Eglise, que si neantmoins il trouuoit bon qu'il fut porté à la main, qu'ils entendoient que ce fut par luy qu'ils recognoissoient pour leur seul Curé & Pasteur: Surquoy ledit sieur Curé seroit retourné dans ladite Eglise sainte Geneuiefue pour parler audit Fr.

Faure, d'où estant incontinent reuenu, il auroit prié lesdits sieurs Marguilliers de sa part qu'ils se peussent aboucher; Ce que lesdits Parroissiens ayans trouué bon, lesdits sieurs Goret & Varet auroient passé en la compagnie dudit sieur Curé vers ledit Pere


Faure, lequel ils auroient trouué dans vne Chapelle haulte qui est à main droiçte du Maistre Autel, en laquelle ils s'abilloit & auoit avec luy quantité de ses Religieux, ce que nous aurions veu, par ce que nous aurions suivi lesdits sieurs Goret & Varet, & la porte de ladite Chapelle estant demeurée ouverte facilement, veu & ouy tout ce qu'on faisoit & disoit en icelle, & apres plusieurs propos qu'ils auroient eu ensemble, fut finalement conuenu & arresté qu'il ne seroit rien innoué au fait de ladite Procession, & de fait lesdits sieurs Curé & Marguilliers s'estans retirez le Soleil qui estoit préparé sur ledit Autel, en auroit esté retiré & eleué plus haut sur le tabernacle d'iceluy, & la procession auroit commencé à marcher en sortant de ladite Eglise Saint Estienne par la porte qui est au mur moityen & commun de ladite Eglise, & entrée en celle de Sainte Geneuiefue, & le S. Sacrement conduit & porté avec quantité de torches & de flambeaux sur le Maistre Autel de ladite Eglise par les Prestres de ladite Paroisse, la Croix de ladite Eglise marchant au deuant, portée par le Clerc d'icelle auquel lieu estant, & apres auoir attendu quelque temps seroit sorti ledit Pere

Faure Coadiuteur, Pontificalement reuestu avec quantité de Religieux avec luy, lesquels estant approché de l'Autel, comme pour adorer le S. Sacrement auroit pris de la main de l'un des Prestres qui tenoient les encensoirs, l'un d'iceux, & auroit présenté de l'encens sans neantmoins chanter; Ce que lesdits sieurs Mar-

guilliers nous auroient requis remarquer comme vne nouveauté, & protesté contre icelle, d'autant que ledit Pere Coadiuteur auoit tousiours accoustumé d'estre en sa place dans le Cœur reuestu de ses habits Pontificaux, & attendre le saint Sacrement non se faire attendre par luy, & ne s'estoit iamais ingeré de presenter de l'encens, ce qui ne se faisoit tout le long de la Procession en toutes les Stations, dont celle de l'Autel sainte Geneuiefue estoit la premiere, que par les Prestres de ladite Paroisse, & de fait, Nous aurions aussi tost veu que les Prestres qui portoient le saint Sacrement auroient pris les encensoirs & commencé l'acte d'adoration par lever, *O salutaris hostia*, lequel estant fini le saint Sacrement auroit passé au trauers du Cœur de ladite Eglise sainte Geneuiefue, & de tout le Clergé de saint Estienne disposé en haye dans la Nef, & esté sous le daits, & la Procession auroit continué à marcher, & au sortir de ladite Eglise de sainte Geneuiefue il fut remarqué par quelques vns des Paroissiens que l'on auoit changé la Croix de la Paroisse, & mis celle de sainte Geneuiefue au lieu, ce qui fut rapporté ausdits sieurs Marguilliers qui auoient pris leurs places au coin du daits, & s'en plainquirent au Clerc qui la portoit, qui marchoit quelque cinq ou six pas deuant ledit daits qui leur auroit dit qu'en venant prendre sa place à la teste de son Clergé, lesdits Religieux auoient pris la Croix de la Paroisse & mis au lieu celle de leur Abbaye, ce qu'il n'auroit pû empêcher, parce qu'ils disoient le faire par l'ordre dudit sieur Curé, dequoy lesdits sieurs Marguilliers nous auroient requis nous souuenir, & nous auroient remarqué cette entreprise comme vne nouveauté de laquelle, pour le respect de la Procession, & pour eiter le scandal qui pouoit arriuer, ils ne voulurent faire plainte publique, & auroient protesté contre icelle, dont, & de ce que dessus ils nous auroient requis le present acte a eux octroyé pour leur seruir & valoir en temps & lieu ainsi que de railon, ce fut ainsi fait les jour & an que dessus, & ont signé.

Ainsi signé, Huart & le Moyne.

*Autre procez verbal de l'année 1629. touchant la suite des entreprises,
troubles & violences dudit Faure & d'iceux Religieux.*

 E jourd'huy leudy vingt-troisiesme iour de Iuin mil six cenz trente-neuf, iour du saint Sacrement, sur les six à sept heures du matin, se sont adressez à Nous Notaires soubs-signez, Monsieur Maistre Thomas Badran Conseiller du Roy, Correcteur en sa Chambre des Comptes, Maistre Jean Varet Aduocat en Parlement, Clouis Hufson & Alexandre Mignot Marchands Bourgeois de Paris, tous Marguilliers l'année presente de l'Oeuure & Fabrique de l'Eglise de saint Estienne du Mont: Lesquels nous ont requis de nous vouloir ce jourd'huy transporter en ladite Eglise, pour obseruer & reinarquer ce qui se passeroit au faict de la Procession qui se fait ledit iour en icelle, & les nouveautez, & changemens qui y pourroient estre apportez par les Abbé & Religieux de sainte Geneuefue en continuation des entreprises qu'ils vouloient faire sur ladite Parroisse; Ce que nous leur aurionstres volontiers accordé; Et de faict, nous serions arriuez en ladite Eglise vn peu auparauant huit heures du matin, en laquelle nous aurions trouué lesdits Sieurs Marguilliers en l'œuure d'icelle, & le peuple amassé dans la Nef, & au tour du cœur les Prestres & le Clergé reuestus de leurs Chappes dans le Chœur, le saint Sacrement posé dans le Soleil accoustumé, ceux qui le deuoient porter vestus de leurs Chazubles au pied de l'Autel, bref tout disposé pour partir & qui n'attendoit que le Curé, lequel seroit aussi tost arriué & pris sa place, & cependant les couronnes & bouquets en grande quantité auroient esté portez aux Religieux de sainte Geneuefue par deux bourgeois avec leur suite, comme il nous auroit esté dit auoir accoustumé d'estre fait les années precedentes: Ce faict, l'adoration auroit esté faite & la Procession commence à marcher, la Croix de ladite Eglise portée par le Clerc d'icelle, le Clergé chantant, &

puis le saint Sacrement porté par deux Prestres enuironné de quantité de torches & flambeaux, suiuy du Curé, des Marguilliers, de ceux qui deuoient porter le daiz, & des principaux Paroissiens & entré en ladite Eglise sainte Geneuiefue, les Prestres se rangerent à la porte du chœur, le Clerc portant la Croix à la teste d'iceux, le sieur Curé se mist parmy les Religieux qui se trouuerent vestus de leurs Chappes, sans que le sieur Abbé y fust, les Marguilliers suivirent le saint Sacrement à l'Autel, & aucuns des notables Paroissiens prirent place au chœur dans les chaises qui estoient, & le tout ainsi disposé, & quel'on n'attendoit plus que ledit sieur Abbé pour continuer la Procession, l'on fut plus d'un quart d'heure sans qu'il parust, & comme lesdits sieurs Marguilliers eurent enuoyé pour sçauoir dudit sieur Abbé, s'il luy plaisoit pas venir. Ils eurent aduis que la cause de ce retardement estoit que deux Religieux auoient esté de la part dudit sieur Abbe au Clerc portant la Croix de ladite Paroisse pour la luy faire quitter, & prendre celle de ladite Abbaye, ce qu'il auroit refusé de faire, ce qui auroit obligé lesdits sieurs Marguilliers nous prier de nous transporter en ladite Nef pour voir ce qui si passeroit, ce que nous aurions fait au mesme instant, & veu qu'un Religieux seroit derechef arriué, suiuy de deux ou trois Sergens de ladite Abbaye, qui auroient dit audit Clerc qu'il eust à bailler sa Croix, & à prendre celle de leur maison que le sieur Curé le luy commandoit. A QVOY il auroit esté respondu par ledit Clerc, que si ledit sieur Curé auoit quelque commandement à luy faire, qu'il auoit ses Officiers pour le luy faire porter, & qu'il ne pouuoit laisser sa Croix, & que les Paroissiens qui l'environnoient ne le permettraient pas, lesquels à l'instant auroient prié lesdits Religieux de se retirer, & qu'ils ne pouuoient aller en Procession qu'avec leur Croix, laquelle ils porteroient plustost eux mesmes, ce fait lesdits Religieux & lesdits Sergens voyans qu'il n'y auoit pas lieu de faire violence audit Clerc à cause desdits Paroissiens

qui l'environnoient, seroient rentrez dans ladite Eglise, comme nous aurions pareillement fait, & nous estans rendus pres le grand Autel nous aurions incontinent veu sortir d'une Chapelle qui est a costé droict d'iceluy, en laquelle ledit sieur Abbé a accoustumé de se reueſtir, vn Religieux de ladite Abbaye se seroit présenté sur le haut des marches, dont l'on descend de l'Autel dans le Chœur, lequel adressant sa voix ausdits sieurs Marguilliers, leur auroit dit, Ce n'est rien fait il faut quitter vostre Croix & prendre la nostre, à quoy lesdits sieurs Marguilliers luy ayans respondu qu'il n'y auoit pas d'apparence de quitter leur Croix qui auoit esté tousiours portee les annees precedentes à ladite Procession; Mais qu'ils fissent porter la leur si bon leur sembloit. Il seroit retourné dans ladite Chapelle en laquelle auroient esté aussi tost appelez quelques vns des Religieux qui estoient dans le Cœur, & tous les Officiers de la Iustice, comme le Bailly, Lieutenant, Procureur Fiscal & Greffier, lesquels ayans demeuré quelque temps assemblez, ledit Religieux seroit reſorty, & s'estant placé au mesme lieu, que l'autre fois, auroit derechef dit, qu'il falloit faire retirer la Croix de ladite Paroisse, & que les Religieux ne marchoient point sous autre Croix que la leur, A quoy luy ayant esté derechef respondu, que l'on n'empeschoit pas qu'ils ne la fissent porter. Il auroit incité & dit qu'ils n'en vouloient point souffrir d'autre à la Procession. Quoy fait, il seroit rentré dans ladite Chapelle en laquelle ledit sieur Curé de saint Estienne auroit esté appelé, lequel y estant allé il en seroit peu apres sorty, disant en descendant les degrez de l'Autel; ces Messieurs ne veulent point venir à la Procession, allons ne laissons pas de la faire, & seruir Dieu, & auroit demandé que l'on luy apportast son Estolle, ce ſqui auroit esté fait à l'instant, laquelle ayant prise & remis sa Chappe, il auroit dit aux Prestres qui portoient le saint Sacrement, qu'ils commençassent l'acte d'adoration ce qu'ils auroient

fait, & commencé, O *salutaris hostia*, lequel comme ils chantoient avec tout le peuple & Clergé ledit Religieux seroit derechef sorty, qui leur auroit dit avec vn air de feu & de colere qu'ils eussent à se taire, & qu'ils allassent dans leur Eglise faire leur Procession si bon leur sembloit, à quoy persone n'ayant rien respondu pour la premiere fois, comme il continuoit & repetoit ses parolles avec aigreur, l'vn desdits Prestres l'auroit supplié de considerer l'acte auquel ils estoient, & que cet acte d'adoration ne se pouuoit interrompre, lequel finy & le verset chanté par trois fois le saint Sacrement auroit commencé à marcher pour passer à trauers du Chœur, & aller rencontrer le Clergé saint Estienne, qui l'attendoit à la porte d'iceluy, suiuy du Curé, des Marguilliers, & des Parroissiens les plus notables, & de qualité plus eminente; Quoy voyant lesdits Religieux de sainte Geneuiefue auroient crié de plusieurs endroits que l'on fermast les portes du Cœur & de la Nef; Ce que les Sergens & Officiers de leur Iustice, tenans les espées hautes & bastons en main, se seroient mis en deuoir de faire avec effort & violence, & si peu de reuerence & de respect qu'ils auroient poussé, les Prestres qui portoient le Saint Sacrement, & quasi fait tomber à la sortie du Cœur vn de Messieurs du Parlement qui suiuoit immediatement apres ledit sieur Curé, dequoy ayans esté modestement repris, & a eux remonstré le scandal qu'ils causoient en vn acte de telle deuotion, voyans qu'ils ne pouuoient estre maistres de ceste porte à cause de la fluence du peuple qui sortoit par icelle, ils seroient courus par les costez à la grande de la Nef qu'ils auroient fermée à moitié, & l'eussent faict de l'autre si le peuple desia esmeu & scandalisé de ce procedé si violent ne les en eust empesché, lequel lesdits sieurs Marguilliers & plus notables Parroissiens eurent bien de la peine de retenir, ce qu'ils firent en telle sorte que la Procession sortit de ladite Eglise en bon ordre, Quoy que lesdits Religieux & leurs Sergens & Officiers firent ce qu'ils

qu'ils peurent pour y apporter du desordre iusques à la ; que le sieur Marechal leur Bailly ayant suiuy leurs Sergens pour authoriser leurs violences , auroit approché ledit sieur Curé, & avec émotion luy auroit dit quelques paroles , qui par consideration & respect n'auons incerez au present acte , & dit qu'il conduisoit bien ses gens, à quoy ledit sieur Curé luy auroit respondu qu'il estoit Religieux & Curé , que comme Religieux de Sainte Geneuiefue il ne se departiroit iamais du respect & de l'obeyssance qu'il doit à Monsieur le Cardinal de la Rochefoucault son Abbé, & que comme Curé de saint Estienne il sçauoit bien ce qu'il deuoit à ses Paroissiens, dont il n'auoit à rendre compte qu'à Monsieur l'Archeuesque de Paris , duquel il tenoit la Cure non d'autre, estant seul Curé; à quoy ledit Sieur Marechal luy auroit dit qu'il ne sçauoit, & que c'estoit la question à quoy ledit sieur Curé luy auroit reparty qu'il ny auoit point de question, & qu'il le sçauoit bien. Surquoy vn des principaux Paroissiens qui estoit aux premiers rangs s'estant aduancé iusques à eux & prié ledit sieur Marechal de leur laisser faire leurs deuotions en particulier, & ne troubler point la Procession , il se seroit retourné vers luy, & luy auroit dit qu'il parloit bien doucement, mais qu'il doutoit que le cœur ne respondoit à ses parolles. Apres quoy ledit Marechal s'estant retiré la Procession auroit suiui son chemin ordinaire & esté faite avec vne deuotion & contentement extrefme du peuple , & rentré en ladite Eglise par la principale porte d'icelle , qui est tout ce que nous auons veu & obserué, & dont lesdits sieurs Marguilliers nous ont requis le present acte, que nous leurs auons octroyé lesdits iour & an cy dessus. Et ont signé.

Ainsi Signé,

Beurey & le Moyne.



Benjamin Franklin